






XXVIE D. I.



RENATI RAPINI
SOCIETATIS IESV
ECLOGÆ

C V M
DISSERTATIONE

disputatio DE Gall. Soc. Jesu
CARMINE PASTORALI.



BIBLIOTHECA
MUSEI
ROMANI
VATICANI



P A R I S I I S D. PROB. ROM. S. J.

Apud SEBASTIANVM CRAMOÏSY, Regis ac Reginae
Architypographum, viâ Iacobæâ, sub Ciconiis.

M. DC. LIX.
CVM PRIVILEGIO REGIS.

6.12.E.45

RENATI RAPINE

SOCIETÀ LIRA

ECTOGE

C. V. M.

DISTRIZIONE

DE
CARMINE PASTORALI





ILLVSTRISSIMO
AC LAVDATISSIMO VIRO
GVILLELMO
LAMONÆO
S E N A T. V. S.
P R I N C I P I.

PASTORES ipsos, quantum-
vis simplices & plenos ruris,
deterrere non potuit à tuo
tribunali, VIRIO ILLVSTRIS-

á ij

EPISTOLA

SIME, vel fortuna sua tenuitas,
 vel magnitudo tua. Accedunt con-
 fidentissimè, non ignari, quàm de te
 bene mèrita sit tota gens pastora-
 lis: ex quo iustitiam, quam amas
 unicè, orbe iam deprauato exu-
 lem ab urbibus, recepit ruri pera-
 manter & perquam officiosè. Nam
 extrema per illos
 Iustitia excedens terris vestigia
 fecit.

Amabis, sat scio, homines ordinis
 illius, cuius quasi patria & auita
 laus est, coluisse desertam à cæteris
 iustitiam, cum sis ipse iustitia cul-
 tor tam eximius. Neque opinor
 tibi regni iam totius occupatissimo

EPISTOLA

erunt incommodi: cū quod postulant à te, neque graue sit, neque id alieno tempore postulent: ut aures tuas, quæ iam patent omnium querelis, calammorum suorum dulcisusurro patere sinas interdū. Credo non repugnabis, si te præsertim vel fori satietas, vel tadium querelarum ceperit aliquando. Licet autem tenue sit, ut est, & exiguum, quod afferunt: non existimabis tamen indignum tui, si referas animum ad ea tempora, quibus principes in urbe, quæ tum erat plena maiestatis, viros, & tenebant cantilenis suis pastores Virgiliani, & silua, hoc est, pastorales eclogæ, consule,

â iij

EPISTOLA

*qui præerat Senatui , dignæ vide-
bantur.*

Virgil, eclog. 4.

*Si canimus silvas , silvæ sint con-
sule dignæ.*

*At quantum pastoritio carmi-
ne delectareris , VIR ILLU-
STRISSE , fecisti nuper ut igno-
rare minimè possem. Cum enim
essem ruri una tecum , tuo in Ba-
uillao , Theocritum , ut monet Fa-
bius , in eo genere admirabilem
mibi non laudabas modò , sed etiam
in nostris sub vesperam deambulatio-
nibus , nobis eum volebas esse comi-
tem bene assiduum. Testis ille riuus
non procul à villa tam bellè fluens ,
ad cuius herbescentem ripam um-*

Institut. orat.
lib. 1. c. 1.

EPISTOLA

brofioribus in locis , pastorales incomparabilis istius poëta lusus mecum legebas. Nam familiaritatem hanc mihi dederat & tua singularis humanitas , & loci solitudo. Ex quo perspicuum est , quàm in omni bonarum litterarum cognitione mirifice versatus sis , qui deliciarum earum , quæ in suauioribus Musis deliciores , curiosioresque sunt , gustum habeas ita exquisitum. Penetraueras scilicet in uberrimos purissimosque omnis liberalis doctrina fontes , ut ardentissimam eam , quæ te ab ineunte adulescentia ceperat , litterarum sitim plane expleres. Quod sic à te perfectum est , ut miraren-

EPISTOLA.

tur, qui te videbant in occupatissimo magistratu negotiorum multitudine pane oppressum, quomodo abs te tua tantum otij tibi esse potuisset, ut sic ad omnes praeclararum artium disciplinas mentem intenderes. Quidquid enim erat bonarum, in veteri Graecia, & Latio litterarum, non modò complexus eras studio: sed etiam descriptam legibus & iure civili tam latè diffusam artem sic perceperas animo, ut in iis controuersis, quae ad ius pertinent, quasi quoddam ciuitatis oraculum esse videreris.

Verum quia maior erat etiam in te ad virtutem, quàm ad studia lit-

sciarum

EPISTOLA.

*terarum indoles , quæ tamen fuit
 maxima : rectè de te iudicasse mi-
 nimè videbantur , qui te in omni
 genere disciplina excellentissimum ,
 non iudicabant etiam morum pro-
 bitate excellentiorem. Suspicionem
 obtrektorum non verebor hoc loco ;
 cum liberam hætenus ab obtrecta-
 tione , & malevolentia vitam ege-
 ris. Cumque nullius orationis co-
 pia , possit ulla ad tuam laudem
 fieri accessio : si coniecturas assenta-
 tionis in te laudando pertimescam ,
 non prudens sim. Multò magis mi-
 hi verendum puto , ne si laudatissi-
 mas cum animi , tum ingenij tui
 dotes persequar laudibus , modestissi-*

EPISTOLA

mo tuo pudori videar parum æquus. Cùm is sis , qui te laude dignum malis , quàm laudari ; neque tam quod laudabile est facias , ut videaris facere , quàm quod aliter facere non possis.

At non est præterea eiusmodi tua virtus , quæ vel pudore tuo , vel modestiâ celari queat. Erupit in lucem , pèrque omnium ora sic pervasit , ut nemo sit iam adeò rerum ignarus , qui te ignoret. Quis gestos in vrbe , tantâ dignitatis simul & integritatis opinione magistratûs non celebrauit dicendo , si quando de te mentio incidit ? Quis procuratum in Armoricis comitiis , tantâ

EPISTOLA

*omnium ordinum consensione, regis
negotium non laudavit? Cui gravif-
simis in rebus spectata, prudentia
tua tam singularis, insignis in pa-
triam caritas, casta in regem fides,
amor religionis eximius, de omni-
bus bene merendi studium incredi-
bile, & cetera tua praeclara virtu-
tes omni genere commendationis non
peruulgata? Quam tantam celebritate
fama perfectum est, ut nihil iam
praedicari de te queat, quod publi-
ca vox non praecipuarit. Tante
scilicet existimationis altissima iec-
ras fundamenta, adolescentiam om-
nium praeclararum rerum discipli-
nam bene institutam: quae nobilissi-*

EPISTOLA:

ma, in qua natus es, domus claritatem, amplitudinem maiorum, parentum excellentissimam pietatem, (fuit enim semper hac quasi domestica familia vestra virtus) iam expressisse in se videbatur, eo flexu etatis, qui proclivis est ad licentiam.

Quid dicam de æquabilitate antea vite, & constantia, in administrando iure, tam admirabili, quæ non modò fauori & gratiæ, sed ipsi etiam suspicioni resistat? Quid de probitatis & modestiæ incredibili laude? Cum, ubi sunt omnia perditæ luxu, domus priuatorum supra modum sumptuosa, opu-

EPISTOLA.

*lenta vestes , suppellex magnifica :
 ipse in amplissima domo , & à re
 familiari bene constituta , iis quo-
 rum mores ad luxum incubuerant ,
 disciplina , parcitatis , & mode-
 stia exemplum extiteris. Ipsa tua
 villa quæ nunc est , licet posita
 in eo fundo qui sumptus ferre
 poterat bene magnos , ut Tulliana
 ista , tanquam philosophia vi-
 detur esse , quæ obiurget cæte-
 rarum villarum insaniam. Quæ
 cum per se se admirabilia sunt : cer-
 tē in tanto temporum luxu , tam
 corruptrice ciuitate , moribúsque tam
 deprauatis , quodammodo incredibi-
 lia esse videbuntur.*

Ad Quin. fratrem
 l. 3. epist. 1.

EPISTOLA

Quid erat autem magis optandum, quàm ut tanta pulcritudo magnitudòque virtutis proponeretur aliquando in ea luce, ex qua toti regno exemplum esse posset? At qui te nouerant istà vite ac morum disciplinà, iis dubium non erat, cùm de præsiciendo senatui principe deliberaretur, quam in partem se regis voluntas conuerteret: neque sua fefellit eos opinio. Nam cùm post fractos hostes clade tam insigni, vrbes in Belgio munitissimas expugnatas, resque hoc anno tam præclare gestas, in urbem victor rex rediret: nihil existimauit ad gloriam suam addi posse, quàm ut te iusti-

tia sua summum moderatorem constitueret, adeoque domi, foris, belli, toga triumpharet. Eò pertinebat illa tam diuturna in faciendo delictu deliberatio, ne suspiciosissimis temporibus his, festinationis in tam graui negotio exprobranda maleuolis locus esse posset. Quo tam prudenti suo facto rex sapientissimus non tam suae in te singulari beneuolentiae, quàm populorum suorum iustissimae voluntati visus est satisfacere voluisse. Cum enim rumor is diffundi cœpit in vulgus: quae fuit passim per urbem facti tam laudabilis commemoratio? Quae significatio data gaudiorum? Quae gratulatio &

EPISTOLA.

*latitia vniuersæ ciuitatis? Certè non
 meminimus , à tempore bene multo,
 diem illuxisse vrbi latiore eo die ,
 quo regis omnium sapientissimi bo-
 norificentissimum de te iudicium ,
 cùm optimi cuiusque , tum multitu-
 dinis ipsius testimonio , tantâ con-
 sensione animorum fuit comproba-
 tum. Nam cuius ordinis , cuius
 generis , cuius denique fortuna stu-
 dia se publicæ gratulationi non ob-
 tulerunt? Cùm enim aestimarent te
 omnes ex teipso : de summa tua vir-
 tute , & totius anteaçta vitæ ratio-
 ne , faciebant pro se quique admi-
 rabiles coniecturas. Sperabat po-
 pulus , te consilij publici principe ,*

rem-

EPISTOLA.

rempublicam beatam ac florentem
 futuram ; viri in regno primarij ,
 fortunis suis ac facultatibus , te le-
 gum vindice , praesidij plurimum
 accessurum. Sperabant Musae ipsae
 fore ut te iudice , ius suum , digni-
 tatèque obtinerent : palàmque
 affirmabant omnes , legum & iusti-
 tia securitati , te summo illarum mo-
 deratore , planè esse consultum. Ma-
 gna , mihi crede , vis est ad com-
 mendationem tui nominis , iudicium
 populi , cum regis gratià & fauo-
 re , unum & idem sentientis. Con-
 tigit enim tibi , quod haud scio an ul-
 li , ut regi & populo , summis &
 infimis dignus visus sis , qui concilio

EPISTOLA

totius orbis terrarum amplissimo
præficereris. Magna erat de te an-
tea hominum opinio, magna com-
mendatio virtutis & ingenij, ma-
gna laus antea actæ ætatis. Hæc au-
tem profectò vides quantò expres-
siora, quantòque illustriora facta
sunt, ex quo te, pene dicam re-
cusantem, certè, pro singulari tua
modestia excusantem multa, Rex
collocavit in eo tribunali, ex quo
administrandi iuris, ipsis à quibus
administratur, esse posses exem-
plum. Conuersi sunt illico in te,
tanquam in certam spem publicæ
felicitatis, omnium oculi: audita in
ore multitudinis tuæ laudes: tuo-

EPISTOLA.

tum predicatione meritorum passim omnia publicis vocibus personuerunt. In tanta autem tamque consentienti bonorum omnium gratulatione, in plausu, de tua dignitatis amplificatione tam uniuerso, vocem desiderari meam, sine flagitio pati non poteram: postquam praesertim tuum erga me animum, tam prolixâ beneuolentiâ declaratione, voluisti mihi ita esse perspectum. Patere igitur, VIR ILLVSTRIS-SIME, extet illud meâ erga te summae obseruantia publicum monimentum, ut aliqua ex parte tuis in me, Societatémque nostram maximis meritis satisfacere possim.

EPISTOLA.

*Cumque id operis , quod tibi offero ,
tua in villa , tuoque fundo perfe-
ctum sit : & potuit offerri à me ti-
bi , sine temeritatis opinione , nec po-
tuit offerri alteri cum spe excusa-
tionis.*

A M P L. T.

19

Deditissimus
RENATVS RAPINVS
è Societate IESV.

P R Æ F A T I O

SVAVI ET ERVDITO LECTORI.



VR scribam eclogas id temporis, etsi causas habeo satis iustas : non dubito tamen, quin videar quibusdam parum consideratus ; quòd, in tanto qui nunc est heroicarum tubarum strepitu, calamos pastorales tractare cogitem. Nam carminis epici diuina vis, ætatis nostræ poëtas sic inflammavit : vt militares animos sumpsisse videantur Musæ propemodum omnes, factæ bellatrices & heroicæ. In quo carere vix potero aliquâ reprehensione, si eclogas angusti vt sunt spiritus, & oris perpusilli, in tanta vel celebritate carminum heroicorum, vel heroum frequentia & tumultu, audiri posse putem. At fecit indoles amans simplicitatis, vt genus illud scribendi sequeretur, in quo laudantur quæ simplicia sunt : tenerémque quod à poëta præcipi videbam :

Laudato ingentia rura, Virgil. Geor. lib. 2.

Exiguum colito.

P R Æ F A T I O.

Cùm enim sentirem, me non esse huius oris, qui tubam spiritu satis magno inflare possem : continui me inter humiles myricas, & ad Musas tenuiores me retuli. Et si verò scribendi genus hoc vniuersum leue visum iri suspicer iis, qui humaniore cultu ad amœniores disciplinas minimè sunt instituti : si qui sint tamen honestarum artium studio dediti, habebunt hîc, in quo curiositatem suam, præclararumque litterarum amorem occupare possint. Nullumque futurum puto, paulo liberaliùs institutum, qui hanc, licèt in re tenui, honestissimam oblectandi otij disciplinam non amet. Delectabuntur hoc carmine, quos ruris solitudo magis afficit, quàm lux & celebritas vrbis ; fortunatissimo illi seni Corycio non absimiles, cui cùm nihil esset amicius rure & solitudine, paruo contentus.

Regum aquabat opes animis.

Cùm enim per sese plenissimum sit reconditæ cuiusdam amœnitatis carmen pastoritium : placere plus solet otiosorum de gente curiosis, solitariis præsertim, quibus ruri videntur omnia, quàm in vrbe amabiliora. non enim conuenit auribus occupatis.

PRÆFATIO.

Vt liber animus sentiat vim carminis.

Nam carminum pastoralium, siue Theocriti, siue Virgilij, qui lepos ! quæ deliciæ ! Quod cùm apud me reputo, in spem certam venio fore, vt si quando refrixerit ab heroico carmine ætas nostra, satietasque nos ceperit epopœiæ; homines nostri se aliquando reuocent ad hoc blandum scribendi genus, postquam tubam toties inflauerint. Quod temporibus his tam eruditis, si poëtarum nostrorum ingeniis celebrari cœperit: non dubito, quin hilarari incipiat grauissimorum temporum nostrorum mœstitia. Cùm præsertim habeat aliquid id genus carminis, maximè appositum ad excitandam recordationem eorum temporum, quibus vigeat simplicitas, & innocentia. Nam ætatis aureæ, adeoque beatæ vitæ, quasi quoddam proponit simulacrum, quod aliquid animulæ stillare queat bonis omnibus, quos toties imploratæ pacis nondum penitus cepit desperatio: quando virtutis, innocentia, ac simplicitatis quasi rediuiuæ effigiem, & imaginem aliquam, hoc in carmine, habere se putabunt. Quod facit vt credam, id genus lusionis, scriptionisque, celebre aliquando futurum apud nos,

PRÆFATIO.

si fortè ab armorum trepidatione respirandi locus sit. Certè res mihi processerit ex sententia, si vel exemplo meo, vel adhortatione, acuam & incitem animos cæterorum.

Verùm cùm sic eclogas scripserim, ut leges de hoc carmine scribendo constituere proponerem: vereor ne plus oneris susceperim, quàm sustinere fortè possim: cùm considerabitur à me, ut abstineam ab iis vitiis, in quibus cæteros reprehendam. Quis enim mihi ignoscat, si in ea re, quam per me constituere cogito, ipse ab totius disciplinæ meæ religione deficiam? Sed non dubitabo hîc profiteri de me, quod apud Tullium de se profitetur Antonius: *Quasi verò non ea præcipiam aliis, quæ mihi ipsi defunt.* Minoris enim est operæ leges præscribere, quàm præscriptas seruare. In quo iustos rerum æstimatores habebo cæteris æquiores, qui id per se factis intelligunt. Potest enim quis de qualibet arte præcipere quamperfectissimè, licèt omnem perfectionem artis ipse non consecutus sit. Quibus purgari me oportebat. De argumento carminis pauca dicam.

Eclogas omnes diuido in sacras, & varias. Sacræ ea continent mysteria, quibus B. Virginis

P R Æ F A T I O.

ginis vita propè omnis continetur. Quod argumentum partim à me susceptum est, ut meò erga illam summo cultui aliquà ex parte satisfacerem ; partim ut intelligerent poëtæ, qui ad omnes partes bene audiendi animum intendunt, esse etiam in argumentis sacris locum, in quo suam industriam commendare queant. Nam non possum ferre perditum pudoris homines eos, qui venustati, elegantiae, & amœnitati locum alium non putant esse, quàm in obscœnitate argumentorum. Quod cùm faciunt scribuntque multa odiosè, ipsi non possunt non esse omnibus perodiosi. At fecit ætatis nostræ quædam quasi honestas, ut iam nulli propemodum è poëtis nostris, nisi fortasse qui sunt de grege sordidorum, scribant non honestè.

B. Virginem, quæ mihi argumentum est toto illo carmine voco *Parthenidem* : quod nomen ad ingenium eclogæ magis erat accommodatum. Ut factum à Virgilio, qui certas in eclogis nominum appellationes mutuatus à Græcis, quæ minùs venustatis habuissent patrio sermone. Sic Romam Amaryllidem ; Iulium Cæsarem Daphnim ; Alexandrum Pollionis puerum Alexim, comparatis

P R Æ F A T I O.

ad gratiam, quæ propria est huius carminis, nominibus solet appellare. Quod est familiare poetis maximè Latinis, ut petant à Græcis, qui in imponendis nominibus venustiores sunt, appellationes eas, quas ad venustatem comparant.

Restat vnum quod moneam, in eclogis facris tres esse non pastoritias; *Sibyllam*, quæ Pollionem Virgilij; *Sacrificulos*, quæ Pharmaceutriam; *Virgines Hebraas*, quæ mulieres Syracusanas Theocriti imitantur. Adeoque decem tantum superesse purè pastorales, quem numerum implevit Theocritus, non superavit. Nam eclogarum variarum prima, quæ contentionem habet duorum pastorum; secunda, & tertia, quæ amores; quarta, quæ funus, referri debent ad eclogas eas, quibus idem argumentum persecutus sum. Quamquam disputabitur in dissertatione, an numerus is superari possit.

Addam verbum de ode pastorali: ne quid novi in eo quibusdam esse videatur. In quo Theocritum sum secutus, qui quemadmodum ille, pastorali ode, siue cantilenâ, eclogas concluderim. Nam idyllium tricesimum, quod est de morte Adonidis, om-

PRÆFATIO.

niúmque postremum, est ode pastoralis, scripta Anacreontico carmine : quo genere carminis, ut & Saphico, quod est à me usurpatum, nihil venustius esse potest.

Hæc erant quæ breuiter excusari oportebat à me, ne quid esset, quod incurreret in reprehensionem. Si quæ verò erunt alia, ut esse poterunt bene multa, animi indiligentioris, & non accurati, in eo carmine quod esse debet quamaccuratissimum, accipiet lector, ut homines suaues & humani solent, benignè & indulgenter.



1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 104

ECLOGARVM SACRARVM

SVMMA ET INDEX.

IN VIRGINEM CONCEPTAM.

Pastor vates. I.

Pastor vates. IL.

IN VIRGINEM NASCENTEM.

Cantilenæ. III.

Munera. IV.

IN VIRGINEM PRÆSENTATAM.

Virgines Hebrææ. V.

IN ANNUNTIATAM.

Sibylla. V F.

Virgo Mater. VII.

IN ABSENTEM E RVRE NAZAREO, ET
VISENTEM ELISABETHAM.

Desideria. VIII.

Absentia. IX.

IN PURIFICATAM.

Sacrificuli. X.

Laudes. XI.

IN MORTE PERFVNCTAM.

Suspiria. XII.

IN ASSVMP TAM.

Apotheosis. XIII.

ECLOGÆ



ECLOGÆ

SACRÆ,

IN VIRGINEM DEI MATREM.



ECLOGA I.

IN VIRGINEM CONCEPTAM.

DAVID

SEV

PASTOR VATES

Nascituræ Virginis imaginem per somnum
obiectam amat, & veneratur.



HOC nemus, has valles, hæc flumina pastor
amavit
Iesseus, dulces illo sub monte capellas
Pascebat, tenuique gregem mulcebat avenâ.
Hic cecinit, cantu rupes vicina sonabat;

A

*Fatidicam quoties percussus numine mentem,
 Diuinam valles docuit resonare profundas
 Parthenidem, casto pastorem incenderat igne
 Parthenis, Hebraeas inter pulcherrima nymphas:
 Vos fagi testes, & odorifera cyparissi.*

*At quæ vicina fundit se plurima rupi
 Desuper ulmus, habet calamos pastoris, & ipso
 Seruat adhuc, cecinit quondam quæ carmina, trunco.
 Non procul è veteri resonant examina quercu.
 Silua auibz strepit omnis, & ille herboza secundum
 Prata fluit qui riuus, aqua dum garrulus errat,
 Pastorum teneros, quos saepe audiuit amores,
 Narrat ad offensas arguto murmure cautes.*

*Ingens ad leuam tollit se lucus, ubi omnis
 Cade madet tellus, & rorant sanguine vepres.
 Hic pastor pugnavit, & hac immane leonis,
 Cum iaculo, victor spoliū suspendit ab ulmo.
 Cogite oues pueri, silua dedit vrsus ab alta
 Ingentem sonitum: sed qua vestigia torquet
 Bellua, se tollit contra, dextraque prehensam
 Implicat, & molli oppressam discerpit in herbâ.
 Stat pecus, attonitūmq; metu respectat, & horret
 Hirsutūmq; supercilium, villosaque terga.
 Iunipero truncum caput vrsi pendet ab istâ.
 Ducite ut antè greges, & reddite carmina siluis
 Pastores, meritâ victorem ornate coronâ,
 Nam patria fera monstra, isto sub monte, peremit.
 Parce tamen victor procedere, gramine in alto*

Caruleus latet anguis, habet sub dente venenum.

*Necquidquam pastor fugit auis, auia serpens
Afflauit tabo late, infecitque veneno.*

*Est imâ sub rupe specus, sonat intus aquæ fons,
Quem circum nullo fundit se gramine muscus,
Atq; apiû, atq; hedera, atq; virens thymus, atq; adiantum.
Huc, dum solæ errant per deuia rura capella,
Sole sub ardenti, pastor se ferre solebat;
Hic canere, hîc viridi frigus captare sub umbra,
Huc quoque deprehensum, per gramina dum fugit anguem
Venerat, inque humili fessus defederat herba,
Cum rupem affatur iam plenus numine Vates.*

*O quæ serpentem victo pastore superbum
Vidisti seu tu rupes, seu vallis, eundem
Virgine ab Hebræâ quondam mirabere victum.
Nec iam letales colubri per prata nocebunt.
Tûque ô! quam sæclis promittunt fata futuris,
Diua veni, durum gentis miserata laborem.
O! mihi, si tantum vitæ superaret & aui
Virgo, tuum coram ut possem celebrare triumphum,
Montibus in patriis, mihi pagus cederet omnis.
Cantanti, nec me, cecinit qui proxima Mosi,
Vt perhibent, calamo egregius superaret Elizes.*

*Talia iactanti fontis vicinia somnos
Fecit, eunt trepido lenes dum murmure riuû.
Vix bene sopito fatis promissa puella,
Quæ colubri caput elidat, monstrata per auras.
Hæ simul audite voces. Hæc Parthenis ora,*

*Parthenis hos oculos quondam feret, inclita tantum
 Parthenis, atque alias inter formosa puellas,
 Quantum alios inter formosus Lucifer ignes.
 Tu venturam orbi primis venerabere votis
 Pastor, & hanc tecum pubes agrestis amabit.
 Talibus attonitum visis, somnóque solutum
 Iessiadem nymphæ diuina reliquit imago.*

*Ille autem magno iam tum percussus amore,
 Quis mihi, quis te, inquit, rerum pulcherrima Nympha
 Obiecit Deus? atque obiectam protinus idem
 Eripuit? Quid Virgo fugis? Si quæris amari.
 Aut si te celas, cur tam diuina fuisti?
 Credo equidem, tenuem miseri pastoris avenam,
 Agresti/que rudes calami aspernabere cantus.
 Accipe vota, meos si non dignaris amores.
 Et quamuis me non ausim promittere amantem,
 Nec sperem fas esse, tibi tamen, omnia quando
 Possunt, aut posse incauti speramus amantes,
 Partheni, fortè tibi mea quondam vota placebunt.
 Montibus antè cauæ valles, aut vallibus umbræ,
 Fontibus aut riuus decurunt, aut murmura riuus,
 Quàm tua, Virgo, meo labatur pectore imago.*

*Quæ te non rupes illis videre diebus
 Errantem, & blandos iactantem pectore questus.
 Fortunata animi pastor? Quæ saxa gementem,
 Qui montes, quæ te non audiuerunt cauernæ?
 Sed seu te rupes, seu gramina lata fluentis,
 Seu virides siluæ, seu patria rura tenerent:*

Parthenidem silvæ, & rupes, & rura sonabant.
 Quid memorem? vano quoties altaria ritu
 Fluminis in ripâ, vel fontem propter amœnum,
 Cespitem de viridi, sectâque struebat ab ulmo:
 Tum lectos pratis flores, textâsque coronas
 Ponebat super, & siluestria dona ferebat.
 Illum etiam perhibent, seu sidera fortè videret,
 Seu Solem, & Lunam, seu pictos floribus hortos,
 Dixisse assuetum, Tibi picti floribus horti,
 Sol, & Luna tibi, tibi, Partheni, sidera cedunt.
 Nec tecum formâ contendat pulchra Rachelis,
 Quamquam illam Isacides per tædia longa paravit
 Bis septem annorum, nec tædia longa putarit.
 Dum vagus erraret, venit Iordanis ad undam
 Lassus, & extrema sedit sub margine ripæ,
 Multa putans: tum sic tenues effatus in auras.

Ripa silet, silet aura, silent cum flumine valles;
 Nec pectus, mœstûque silent in pectore curæ.
 Ecquis erit tanto modus, aut quis finis amor?
 Omnis sperat amans, & durus sperat arator
 Venturam segetem, maturam vinitor uvam,
 Fæturam pastor, flauentes messor aristas.
 Quin age, præque diem veniens ô! Nympha beatum,
 Nascere, nascenti Zephyris clementibus auræ
 Aspirent, purôque micet lux candida Sole.
 Ah! ne illam rigido contristet frigore lucem
 Immitis Boreas, aut nubibus aëra fœdet.
 Ah! ne illum contra tendant se nubila Solem.

*Talia per montes, subiectâque montibus antra
Dicebat, nec quid posset sperare, videbat.
Tantum per silvas, & per deserta viarum
Ibat, ubi, quondam venturâ in Virgine, vanus
Suspirabat amans, quos non sperabat amores.*

~~~~~

## IN VIRGINEM CONCEPTAM ECLOGA II.

### PASTOR VATES.

Virginis sibi per somnum obiectæ futuram dignitatem vaticinatur.

**E**CCE coronatis cessarunt rura iuuenis,  
Ipsi cum gregibus persultant, monte sub isto,  
Pastores, non hæc regnat per rura voluptas  
Necquidquam, pagum rumoribus acta per omnem  
Fama volat, casum patrio à pastore leonem,  
Silvarum qui terror erat; venere coloni,  
Pastores venere, feram videre iacentem.  
Incertum quâ casa manu: dumque auia lustrant:  
Iesseum solo vatem reperere sub antro,  
Hærentem, curâque gravi sub corde prementem.  
Venit Adon, venit Iohatas, dilectus uterque  
Pastori, iuuenes ambo, & cantare periti.  
Venit & Amasias pagi longæuus aruspex,  
Qui quondam calamos, nec inertes passus auenas



*Montibus in Syriis, omnis vicinia venit.  
Mulcebântque agrum dictis, curâmq; leuabant.*

*Ille autem diuinum animi confessus amorem est:  
Tum visam in somnis vanâ sub imagine Nympham  
Narrat, & auditas voces, casumque leonem.  
Mirantur casum socij, miratur & ipse  
Amasias, quid visa ferant, quò spectet imago  
Parthenidis, fari hortatur; tum numine plenus  
Faidicus Pastor, monstrata Virginis ortus,  
Fatorumque vias aperit, simul incipit ipse,  
Mirari simul, & festo fremere omnia plausu.*

*Nam memorabat, uti mulier labefacta colubro,  
Exitium generi fuerit, tum lapsa per omnem  
Progeniem latè turpis vestigia noxæ.  
Hoc erat in pratis, inquit, quod letifer anguis,  
Dum præceps fugerem, diro me dente petebat.  
Et memini, cum me mater non vana monebat:  
Serpentem fuge nate, sui nam vulnere morsus  
Perdidit ah! nostrum serpens genus, omnia pestis  
Pruasit, fuge nate, furit vis atra veneni.  
Deinde canebat, uti labem contraxerat orbis,  
Ut mortale genus tristis corruperat arbor:  
Et fortunatos si nunquam poma fuissent  
Mortales, pomum quos ah! fatale peremit.*

*Clade in communi rerum, generisque ruinâ,  
Narrabat vitio exemptam, maculâque carentem  
Parthenidem, nondum terra concreuerat orbis,  
Nondum mundus erat, cum iam formata puella.*

*Ac dictis ne vana fides, præsagia priscæ  
 Pandebat legis. Sodomæo ut sospes ab igne  
 Vna domus, merso ratis una superstes ab orbe.  
 Restaret, medios tuta ut virgulta per ignes  
 Montis Horebæi, flamma in crepitante, virerent.  
 Addit, ad effusos ruptis ut nubibus imbres,  
 Nil accepit aquæ vellus Gedeonis, ubi ingens  
 Area perfusis latè stagnabat ab undis.  
 Omniâque immunem communi à labe puellam  
 Tot rerum ostentis portendere signa docebat.*

*Tum ventura canit, quo tempore Parthenis orbi,  
 Quàm serò dabitur, primis ut deinde sub annis  
 Calicolum pactam regi, sacrisque iugatam  
 Ominibus cum matre pater sacrabit ad aras:  
 Exin uti castum caelesti pondere ventrem  
 Sentiet afflatu diuini numinis auctum.  
 Nam matris simul illa decus, simul illa pudicæ  
 Virginis intactum florem seruabit, & omni  
 Virgo parens latè in populos celebrabitur æuo.*

*Tum tibi Nympha aras, tum surgere templa videbis,  
 Affusosque aris populos, ipsique Sabæi,  
 Ipsi Arabes sua thura ferent, & marmore puro  
 Templa dabunt, totoque potens dominabere mundo.  
 Tu tamen interea nostris cantabere siluis  
 O mulier diuina, suo te murmure riui,  
 Te rus omne canet, certis tibi dona diebus  
 Omnis portabit patrio vicinia ritu.  
 Pars & primitias frugum, cum lacte recenti,*

Et

Et tostas fruges, & adorea liba sacrabit.  
 Felices nimium pastores ô! quibus olim  
 Te primum dulces venientem lucis in auras  
 Cernere contingat, quando, si credere dignum est,  
 Montibus in nostris, pastores inter, & agnos,  
 Tu, Virgo, vitam accipies, lumenque videbis.  
 O si, pastores, etas me vestra tulisset:  
 Primus ego legerem flores, cunabula primus  
 Floribus ornarem variis, & dona pararem,  
 Insuper & calamo carmen modularer agresti.  
 Namque tuum numen, quo non presentius ullum,  
 Sentiet omnis ager, pomis curuabitur arbos,  
 Grandia sæcundæ distendent horrea messes,  
 Et pecudum plenis manibus pressabitur uber.  
 Et iam nostra tibi sacramus ouilia, iamque  
 Futuram gregis, & pecudes cum lacte vouemus.  
 Ramus ut arboribus decori est, ut montibus arbos,  
 Vallibus ut rigui fontes, ut fontibus umbra,  
 Tu decus omne tuis, nostri tu gloria ruris.  
 Et dum flumen aquas, & habebit campus aristas,  
 Immortalis erit nostro tua gloria ruri.  
 Ipse te pecudes, ipsi cum matribus agni,  
 Ipsa te valles, ipsa hæc arbusta loquentur.

Talia cantabat: repetebant omnia lati  
 Pastores, læta repetebant omnia silvæ.

Ex illo, per agros circum, per pascua, Nympha  
 Parthenidi servatus honos, & certa quotannis  
 Dona parata, suis decor, & laus addita donis.

*Nec iam per silvas inhonestos Agaris ignes  
 Cantabant pueri, nec iurgia saeva superba  
 Aut Dalila, aut miseri illufos Samfonis amores.  
 Omnia Parthenidem celebrabant carmina, & unam  
 Parthenidem rupes, unam deferta caneant.*





IN VIRGINEM NASCENTEM

ECLOGA III.

CANTILENÆ.

IONATHAS. ATYS.

INTERLOCUTORES.

Celebrant alternis versibus Virginis natalia.

**D**V M molles Ionathas sub culmine Thaboris agnos  
 Pascebas, cantu Ionathas lenissimus unus,  
 Isti monte super, dulces qui pasceres agnos.  
 Venit Aty's, cantando & Aty's quoque magnus, & ipsi  
 Par Ionathæ, iuvenes ambo, & cantare parati.  
 Cui Ionathas: ION. Cur non quando huc cōuenimus ambo,  
 Tu canere, ipse bonus tibi respondere canenti,  
 Ad mollem fagi istius consedimus umbram,  
 Muscus ubi, & saliens hæc inter gramina riuus.  
 Hic tenero cūhy'sus pecori, lotique frequentes,  
 Et lenes Zephyri, & dulcis cantantibus umbra,  
 Hicque suus pasto potus non deerit ouili.

ATYS. At nos diuinæ inuitant natalia Nymphæ.  
 Nam fatis promissa, polo delabitur alto  
 Progenies, chara quam matris ab ubere vidi  
 Pendentem, sera è pratibus cū nocte redirem.

*Et nisi nostrorum vana est prudentia vatum ,  
Hanc reginam orbis quondam , sed serus habebit.*

ION. *Audieram dulces hîc quondam , lucis in auras  
Venturum infantem , qui nos in sceptrâ referret.*

ATYS. *Audieras , & rumor erat non vanus , & ipsos  
Sape mihi id quondam meminî narraſſe parentes.*

ION. *Et nos præterea ceſſabimus ? Omnia quando  
Dulcis Aty , natâ de Virgine certa reportas.*

ATYS. *Carminâ nos Nympha , non deerunt carminâ nobis ,  
Dicamus , dicendâ neget quis carminâ Nympha ?*

ION. *Imò ego , namque tibi non deerunt carmine laudes ,  
Virgo , tuas tendant qui dicere , dona parabo.*

*Sunt mihi biſſeptem puri candoris olores ,  
Quos aluere ſuis nympha Libanitides antris ,*

*Et cantus docuere , vagi dum vallibus errant.*

*Hos ego , dum creſcis , multâ bene ſedulus arte ,  
Te , Virgo ; laudêſque tuas cantare docebo ,*

*Ut tecum ludant faciles , cantûque pœnni ,  
Veſpere te ſummo , primo te mane ſalutent.*

*Illos oro ut ames , nam ſemper amaberis illis.*

ATYS. *Carmina non deerunt , ſi nobis munera deſint ,  
Nam pater , & parca dura inclementia matris*

*Me prohibet , ne quidquam auſim promittere Nympha.  
Eſt mihi Beſlemiis olim compaſſa cicutis*

*Fiſtula , quam Phinees dono dedit , Jſachar illi  
Donarat , noſtris qui primus carmina ſiluis*

*Et calamo docuit componere , & addere voces  
Cantibus ad numerum , certâ ſub lege , coaſtas.*

*Hâc regem sæpe Assyrium, cùm vana tumeret,  
Impleretque suos falsis mugitibus agros,  
Cantabat bonus, & socios cantare docebat.  
Illa tuas, Virgo, cantabit fistula laudes.*

ION. *Quamquam sis vates nostris pastoribus unus,  
Nec tua vicinæ celarint carmina rupes,  
Non tibi, si certes, celebranda in Virgine, cedam.*

ATYS. *At quis te, Virgo, magno satis ore loquatur?  
Aut dicat te digna? tuo ni munere dicat.*

ION. *Qui molli nuper pratorum stratus in herba,  
Cantabam flores, & quæ sit gratia florum:  
Nunc te, Virgo, canam, primo quæ lucis in ortu  
Iam potes ore tuo splendorem vincere florum.*

ATYS. *Verùm ego, qui Lunam in silvis, Solémq; canebam  
Auricomum, tum quæ Luna, quæ lumina Solis,  
Nunc totis tua, Virgo, canam natalia silvis,  
Quæ Solem, & Lunam primo iam vincis in ortu.*

ION. *Omnes nascenti vos ô! concedite Nymphæ,  
Seu quas primus habet, seu quas habet ultimus orbis  
Formosas, primo quæ vix sub limine vitæ,  
Et potuit iam tum, & meruit diuina videri.*

ATYS. *Nonne vides, cùm mite solum se vere benigno  
Induit in flores, ramis exultat opacis.*

*Omne nemus, montes, & prata virentia rident.  
Talis prima fuit ridentis gratia Nymphæ,  
Primum oculis matri cùm respondebat anorem.*

ION. *Qualis in irriguo cùm mollis amaracus horto  
Crescit, & ambrosium crescendo fundit odorem;*

*Sic virtus tua, Virgo, tui sic gratia vultus  
Crescet, & ipsa suum crescendo fundet odorem.*

*ATYS. Forsan & ipse etiam, quos Nymphæ sidera mores,  
Dum crescat, veniatque suis cum floribus ætas,  
Et quæ fata parent, canerem, si blanda canenti  
Gratia, si digni spirarent Virgine cantus.*

*ION. Cresce puella, tibi crescit quæ plurima myrtus,  
Vallibus his, nec aquas, nec iniquos sentiat æstus.*

*ATYS. Nascenti myrtus si sit gratissima Nymphæ,  
Nec rosa, nec viola myrtos, nec lilia vincent.*

*ION. Matres ferte rosas, vos lilia ferte puellæ,  
Ut texam Nymphæ lecto de flore coronam.*

*ATYS. Tollite vos matres, vos tollite ferta puellæ:  
Sidera descendant cælo, Nymphæque coronent.*

*ION. Saltem purpurei per gramina crescite flores,  
Quos legat, & nitido componat pollice Nymphæ.*

*ATYS. Floribus at sat erit, si sub vestigia Nymphæ  
Surgant, vel sacro pressi pede surgere sperent.*

*ION. Cum pratis præsens aderis, non carmina deerunt  
Culta, nec incuruo resonet quæ tibia buxo.*

*ATYS. Tūque hîc inter oves frondosi fontis ad umbram,  
Sublimis musco frigus captabis opacum.*

*ION. Nec te pœniteat pecoris diuina Puella,  
Pauit & ipsa greges quondam formosa Rachelis.*

*ATYS. Tum nostri Agricola, quando tua numina norint,  
Te votis facilem segeti, pecorūque vocabunt.*

*ION. Spem facit agricolæ prima sementis in herba,  
Pastori factura, gregi spem gramina, riuī*



# ECLOGÆ SACRÆ.

15

*Graminibus, tua, Virgo, tuo natalia ruri.*

ATYS. *Graminibus pecudes, & gramina vallibus imis;  
Imæ fluminibus valles, & flumina ripis,  
Arboribus ripæ; nos spe gaudemus amantes.*

ION. *Ipse, sinat mater, placeant quæ munera mittam;  
Namque locum vidi quo congesse columbæ.*

ATYS. *Sunt mihi cana nouem molli larumine, nuper  
Sepibus in nostris, quæ mala Cydonia legi.*

*Estque domi dilecta soror, quæ munera portet,  
Et dicat: Virgo, qui mala Cydonia mittit,*

*Mittit & ipse animum, tu munus & accipe, & illum.*

*Desferant, at oues ut erant circum, atque iuuenti;  
Obstupuere & oues cantum, obstupuere iuuenti.*

~~~~~

IN VIRGINEM NASCENTEM: ECLOGA IV.

MVNERA:

Virgini nascenti parant munera Pastores.

ITE boues, omnis pagus vacat, ite soluti
Vomeribus, rastrum vacuus deponat arator,
Festum pastor agat, tua sunt natalia, Virgo.

*Hæc viridi ætumno, terebinthum subter opacam;
Diuius Lysias, turbâ spectante, canebat;
Idem pastorum Lysias, ouiumque magister:
Accurrunt nymphæ ad cantum, properantque vocati*

Agricola, qui dona parent, portentque Puellæ.
 Et prior ante alios presso cum lacte ferebat
 Insignes maculis, capra è candente, gemellos
 Belieser, primo ceruix quibus ardua cornu:
 Cernicemque super lecto de flore corona.
 Sedula Tamaras, cum Beliesere marito,
 Lilia cana nouem dono fert, fertque hyacinthos.
 Florenti nexos, & permixtos amaranto.
 Fert Iocabe fructus, hortu cui diuite multi
 Pendebant ficus, & mista poma rubebant,
 In musco ficus, in vimine poma ferebat.
 Portat cum famulis & dura coniuge Beris,
 Frondosi qui summa colit pineta Sionis,
 Diues agri, diues pecoris, vitisque nouellæ,
 Primisias frugum; properatæque liba per herbam
 Expediunt famuli, perfundunt lacte placentam,
 Tum parco melle intingunt, onerantque canistris.
 Fert turdos Ionathas, visco qui sæpe tenaci,
 Retibus aut tensis, aut ficta carmine vocis,
 Et fallebat aues, & eas cantare docebat.
 Tum bonus ipse etiam exemit quæ subere Phison
 Cereæ dona cauo, puro cum melle parabat.
 At felix operum, quæ nullis una puellis,
 Seu tereti lino, mollis seu vellere lana
 Ducat opus, ducti concedat munere fusi,
 Dina laborati textum admirabile lini
 Portat diuina chlamydem factura puellæ,
 Docta & acu linum, docta & deducere fuso.

Bernice

Bernice certis, cui plurima mûlctra diebus
 Spumabat, sinum lactis parat anxia, & addit
 Lacti pruna, rosasque suos quæ Beris amabat;
 Et ni, Virgo, tibi seruasset, Beris haberet.
 Ducit Aty's geminas ipsa cum matre capellas,
 Spem gregis, & blanda solatia prima sororis;
 Quæ bis & ad mûlctram veniunt, bis & ubera tendunt.
 Vique suo quoque non desit sua gratia dono,
 Et lotas nitidis in fontibus, & bene pexas,
 Atque rosa, atque thymo, atque apio frondente coronat.

Non procul hinc plexis redimita tempora fertis
 Thaborides nymphæ per florea rura vagantur.
 Arbutis quæ ferta legant portanda canistris,
 Et thymbam, & violas, & cætera munera ruris;
 Munera diuina cunis spargenda Puella.
 Pars molles calathos florenti texit hibisco,
 Parsque legit flores, calathos pars floribus implet.
 Dum parte ex alia pastorum rustica pubes
 Vino hilari, dulcem vicini fontis ad umbram,
 Virginis agresti laudes meditatatur auenâ.
 Quos etiam monitis Lysias hortatur, & urget.
 Vos ait, ô, quibus est lectos per gramina flores
 Querere amor, mecum nascenti ferta Puella
 Carpite, & eximiam imprimis de flore coronam
 Texamus, mollique thymum iungamus acantho:
 Spirat dulce thymus florenti iunctus acantho:
 Et densâ Nymphæ cunas aspergine florum
 Ornemus, capitique suos addamus honores.

*Namque Dei, si vera fides, & credere dignum est,
Quondam mater erit, nec eam ventura filebunt
Tempora, si merita norint præconia fama.*

*Ecquis erit tantam inter vos qui dicere Nympham
Audeat, & blando teneat spectacula cantu?*

*O mihi si primi redeant cum viribus anni,
Qualis eram, cum me calamo donavit eburno
Mathatias, celebrata olim ob certamina fratrum;
Quali, Virgo, tuas cantarem carmine laudes!
Vos quibus est animi vigor, & vis blanda canendi,
Vos o nascentem pastores dicite Nympham.*

*Egregium victoris erit pro carmine munus,
Molle pedum, flauo extremum quod vinxerat ære
Banantias, moriensque mihi donarat habendum.
Addam utrem paribus calamis, & foliis aptum.
Ore fauete omnes, & cingite tempora lauro.
Sic fatus sumpsit laurum, quam tempora circum
Imposuit: sic fidus Atys, sic cætera turba,
Et certare alacres, & iam cantare parati.*

*Carminibus dictis, tam lætae lucis honorem,
Per patrios montes, vicinaque rura, quotannis
Indixit Lysias solemnem semper habendum.*





IN VIRGINEM
 TEMPLO PRÆSENTATAM
 ECLOGA V.

VIRGINES HEBRÆÆ.

HELISABE, SVSANNA, DEBORA, SALOME,

Ad templum properant; vt Virginis se ad aras
 deuouentis pompam videant.

HEL. **Q**VO vos ô fide comites properare paratis?

DEB. **Q**Ad tēplum, nos festa vocant spectacula tēplo.
 Quò tu autem? nam te miror procedere solam.

Helisabe, quò tendis iter? HEL. Quò tenditis amba,

SVs. Hoc tibi dura adeò potuit permittere mater?

HEL. Ipse pater, clam matre, domo discedere iussit;
 Quod nunquam sineret dura inclementia matris.

Nam dum fortè domo se matutinus agebat,

Audiit in totam quod spargi cœperas urbem,

Delubro in magno spectacula certa parari;

Virgine ab Hebræa, Hebræis visenda puellis.

DEB. Me quoque qui ritus, quæ sint spectacula porro,
 Visere vult, mater, neque me pater ire recusat.

HEL. Tu sine me comitem mea Debora, & inter eundem,
 Quæ Virgo, quam rem demum paret, ordine pande.

DEB. Est templo mihi fida, tibi bene nota Salome

*Vna sacris alias inter deuota puellas:
 Illa domum misit, qui me cum matre moneret,
 Quid rerum in templo, quo ritu Virgo pararet
 Trimula, regali prognata è sanguine Virgo.
 Tum matrem (namque hæc spectacula semper amauit
 Mater) amor cepit, quid ferret pompa, videndi.
 Et mecum templo sese promissit iuram.
 Non tulit id genitor, matri ne turba noceret
 Affecta, sextoque uterum sub niense ferenti.
 Huc festino autem, matri quæ visa reportem.
 HEL. Olli quod nomen, quæ sit fortuna Puella,
 Quod genus, aut quâ spe tam blanda atatis ad aras
 Se voueat, referet quæ nouerit ista Salome.
 SVS. Non longum est quod restat iter: sed fortè, prin squar
 Venerimus, ne se deuouerit illa, veremur.*

*SAL. Quæ vos ô lenta tenuit mora tanta puella?
 Pompa omnis perfecta, suam stat victima ad aram.
 SVS. Hanc fecere moram longa interualla viarum.
 DEB. Singula, quando aderas, non te narrare pigebit,
 Dum vacat, extremâ namque huc ex urbe venimus.
 SAL. Dicam equidem, neque vos longo sermone morabor.
 Principio niueis ingens in vestibus ibat
 Turba sacerdotum, quæ carmina sacra canebat.
 Tum pueri tortis cuiuncti tempora ramis
 Ardentes manibus cædas de more ferebant.
 At Virgo, puri qualis rosa plena pudoris,
 Ore rubens, linôque caput velata recenti,
 Jbat: eam circum, flores laurôsq; virentes*

*Vimineis nymphæ calathis', & ferta ferebant.
 Flauentem leuis aura comam spargebat eunti.
 SVS. Illam si quid amas, meruit qua talis amari,
 Cur nomen celas nos Virginis huius amantes.
 SAL. Parthenis est nomen, tenuis fortuna Puella.
 Sed genus est prisco regum de sanguine clarum.*

*Ut ventum ante aram, prostrata fundimur omnes,
 Orantes multam sacra pro Virgine pacem:
 Stabat at illa animi fidens, arâsque tenebat
 Multa Deum verbis testata, Deique ministros.
 Iuxta aderat, lacrymisque sinum replebat obortis
 Anna parens, natâmq; Deo parere monebat.
 Illa Deum affatur. Nos blanda in Virgine fixæ
 Spectamus, quò vota ferant, quid munera portent.
 Tum qualis nobis, & quàm diuina videri
 Cæpit! honos oculis nouus, & decor additus ori.
 Mirabar tacitè mecum, & suspensa pauebam.
 Sed magis obstupui, cùm sic exorsa profari.*

*Accipe prima mei voueo quæ dona pudoris,
 O Pater, æternum da virginitatis amorem,
 Da colere, atque omnem sit fas odisse hymenæum.
 Talibus orantem dictis, arâsque tenentem
 Mille rosis, ut erant circum, texere puellæ:
 Tum carmen cecinere: modos & verba notavi.
 Cedite virginibus, vos ô iam cedite matres.
 Nec nos innuptas nuptarum gloria tangat,
 Vna super reliquas Virgo memorabere matres,
 Solâque virginum seruabis mater honorem.*

C iij



*Postremò Anna parens vocem tollebat anhelam
 Attonita similis, fidens i nata, hymenaeos
 Sperne omnes, túque insigni letabere facto.
 Tempus erit, cùm mille æuo florente puellas
 Spernere dotales tecum mirabere tadas,
 Quas pudor æternus sacro velabit amictu
 Cælesti pactas sponso, & tua facta securas.*

*Talia dicebat simul, & simul ora rigabat
 Latitia illacrymans, natámque amplexa tenebat.
 SVS. Quæ turba ô comites? Quin cedimus. HEL. Hei mihi!
 velum*

*Rumpitur. Oppressæ fer opem Susanna sorori.
 SAL. Virgo redit, cernis venientem: multus inumbrat
 Flos caput. DEB. Vt vultus blandè demissa modestos
 Incedit grauis, & toto spectabilis ore!*

*HEL. O fortunati, qui te genuere, parentes
 Tam dignam, nostros cui deuoueamus amores!*

*SAL. Ite domum, sero inclinat nam vesper olympo,
 Cùm iam pompa omnis processerit, ite puella.*

*SVS. Hac iter est breue per diuortia certa viarum,
 Et callis secretus: habet nam cætera vulgus.*

*HEL. Post turbam lentæ, manibus per mutua nexu,
 Ne nos dispersas agat in diuersa, sequamur.*

*DEB. Si prius audissem, quid talis pompa tulisset:
 Ingens myrtus erat tecti in penetralibus altis,
 Fregissem ramos, & Nymphae ferta tulissem.*

*SVS. Nescio quæ blandâ, comites, dulcedine mentem
 Vis agit, expertem thalami stat. degere vitam:*

Aspernata viros diuino sponsa marito

Virgo datur, quid non nobis sperare licebit?

HEL. *Si fas celestis thalamos optare mariti,*

Non ipsa abnuerim mortales spernere tædas.

SVS. *Digna Deo tu sponsa, viros si despicias omnes.*

DEB. *Quid faceret, qui te tot agris dotalibus ambit*

Ananias? cui te, ut perhibent, pepigere parentes.

HEL. *Sunt aliæ in Solymis, quarum connubia poscat.*

SVS. *Quò ferat ille suos à te despectus amores?*

Quin fucum, comptâsque comas, unguentâque amantis,

I potius, sequere, atque animos submitte marito.

HEL. *Te potius sequor, & tecum connubia sperno.*

SVS. *Quid si dura premant inuitam iussa parentum?*

HEL. *Hinc fugerem, & montes errarem sola per altos*

Venatrix: liquidi præberent pocula fontes.

Interea mixtis lustrarem Galgala nymphis,

Frigus ubi captare, dies cum plurimus ardet,

Fas foret, & lectos tibi Partheni nectere flores.

DEB. *Verùm ego, Virgo, tui mores imitata pudoris*

Ante aras, ipso tecum consumerer æuo:

Servarémque tuos, tua per vestigia, gressus.

Illæ hæc inter se dum miscens verba puella,

Hæcque agitant alto curas sub corde, redibant.



IN VIRGINEM, ANNUNCIATAM
ECLOGA VI.
SIBYLLA.

Sibyllam Erythræam, quæ fortè venerat ad Iordanem, dum consulunt duo pastores, miramur audiunt ab illa, de Virgine suo in rure nascitura.

VRANIDES *Musæ*, quando diuina paramus,
Et vos diuinum vati concedite carmen.
Non omnes tenuis cantus delectat auena.
Fortè suas pastum pecudes ad gramina nota
Valle in deserta Sepsis ducebat, & Arnon,
Insignes iidem calamis, iaculisque periti.
Dumque vnà quærunt Lysiam (spe carminis ambos
Jamdudum Lysias incenderat) ecce sub antro,
Cum iacet ipse sibi indulgens, videre iacentem,
Et carmen petiere. Senex, dum multa recusat,
Ite, ait, ô pueri, non deerunt carmina vobis.
Ite, & Erythraïs quæ nuper venit ab oris,
Carmina quæ vultus diuinam orate Sibyllam.
Hanc fama est vitream liquidi Iordanis ad undam,
Excelsò stantem in scopulo, sub rupe cauata,
Euentus rerum populis aperire futuros.

Ille

*Ille colit silvarum umbras, & sola sub ipsis
Litoribus, nemorūque recessus inter opacos,
Degere amat, montesque feros, umbrasque silentes
Affari; ut serā nuper mihi nocte canebat
Alcimus, amissis qui tum responsa Sibyllam
Orabat tauris, & se vidisse ferebat.*

*Ite, ego dum pastas pecudes ad tecta reduco.
Vos ô! quæ nouit rerum ventura, Sibylla
Vos longè doceat melior. Mandata capeffunt,
Corripiuntque viam, quæ semita ducit ad amnem:*

*Vt fluuium venēre, moram nam longa viarum
Aut spatia, aut passim obiecta per confraga valles
Non fecere, vident stantem sub rupe Sibyllam,
Spelunca ante fores, densis quam plurima ramis
Umbrabat latè fagus, fagique sub ipsis
Carmina scribebat foliis spargenda per auras.*

*Quos virgo ut vidit, subitum restata furorem,
Exclamat, saxoque ambos affatur ab alto.*

*Accipite hæc animis, rerum quæ maxima vobis
Edico, ô pueri. Vestris nascetur in oris
Pura animi Virgo, quæ quamquam illæsa pudoris,
Dici mater amet. Manibus vos lilia plenis,
Lilia virgineæ pastores spargite matri.*

*Quæ flauam vitrei quondam Jordanis ad undam
Paupere sub tecto, proiecti in stramine scæni
Authorem rerum, cæcus non passa viriles,
In lucem dabit. Ah! quanto se tollit honore
Calestis puer ille? Dei quantum instar in illo est?*

Ite, ô pastores, pastorem agnoscite vestrum:
 Sternite humum violis venienti, & spargite flores.
 Salve magne puer, celi cui sidera parent:
 Venisti errantes longèque per aulia sparsas
 Cogere oves, pacemque tua pro gente pacisci.
 Debebit vestra prima incunabula rupi,
 Betlemij colles: nascenti carmina dicent
 Pastores passim vicino è rure vocati.
 Nec tu quamquam atrâ nascentem nocte tacebis
 Lund Deum. Totis celebrent qui gaudia filius,
 Caelestes aderunt pueri, perculsa sonabunt
 Saxa, omnesque ibit felix hac fama per agros.
 Ipsi etiam Eoo reges à Sole profecti,
 Et puero dona ampla, almae & dona ampla parenti
 Portabunt, illis è summo sidera calo
 Monstrabunt regem vestris in rupibus ortum.
 Sed tam iusta autem turbabit gaudia casus,
 Crudeli, mater, ne sit mora, cede tyranno,
 Cede puer, vobis cladem exitiumque ferenti.
 Quos ah! tum gemitus, quæ tum suspiria ab alto
 Corde dabit Betle infelix? Cum mæsta dolebit
 Vi durâ regem expulsus, & longinqua petentem
 Exilia. Hos fletus, has porro mitte querelas.
 Namque tuis, certum post tempus, redditus oris,
 Se signis populo egregium, fandique potentem
 Ostendet, virtusque viri manifesta per omnem
 Splendebit latè factis ingentibus oram.
 Vos eritis testes ripæ, cum voce magistrâ,

Et monitis plebem effusam mulcebit amicis :

Quem populi quamquam stupeant insueta loquentem ;

Te, mater, felicem uteri, felicia dicent

Vbera, quæ talem quondam paupers alumnum.

Quid video? Nunciam chlamydem cruor ater inussit,

Purpuream veluti si quis calcauerit vuam.

Ah! tibi quis tantum pueros infecit amictus

Blande puer! Sed quæ me autem spectacula terrent?

Nos inconcessâ decerpimus arbore pomum,

Tu pœnam luis: ah ignoscite! namque quid ausus?

Quid meruit? vestro, gens dira, ignoscite regi.

Dum loquor, immitti plantas, & brachia trunco

Distendunt, ambâsque infigunt cuspide palmas.

Palluit aspectu Titan, noctisque profundæ

Attonitos atro obduxit velamine vultus.

Parcite lamentis pastores, parcite turba:

Pro vobis erat ille patri mactandus ad aram.

Perge puer diuine, tuo nos funere, vitæ

Restituis, celsique vias, & sidera monstras.

Te duce candida pax, cum feceris otia terris,

Aurea languenti reparabit secula mundo.

Tum caelesti humiles sudabunt melle myricæ,

Ipsi etiam fontes, ipsa & vaga flumina lacte

Vndabunt, nec vestra lupos armenta timebunt.

Ille autem populum monitis melioribus actum

Sinceras fruges, & dulci è vite liquorem,

Taurorum pro cade, patri mactare docebit;

Et precibus numen colere, & placare colendo.

*In te tot laudum, mater, pars magna redibit,
Una tuo matrum fortunatissima nato.*

*Tum tibi Relligio centum sublimia templa,
Centum aras, centumque aris sacrabit honores.
Dictorum nec vana fides, nec sera sequetur.*

*Nec iam pastorem vestrum ignorate volentes.
Ille suas & amabit oves, & amabitur illis.*

*Finierat; diuina ambo responsa Sibylla
Dum tacita rerum attoniti sub mente reuoluunt,
Ibant, & tante matri iam vota parabant.*

IN VIRGINEM ANNUNCIATAM

ECLOGA VII.

VIRGO MATER.

Contentionem habet duorum pastorum.

QUAE nemora, aut qui vos fontes, quae rura tenebant,
Thaborides nymphae? Vestri sub vertice montis,
Virgineâ cum Matre super, miranda canebat
Azarias, illis vates non vanus in oris.

*Mane rubent summo primi cum lumina Solis,
Ad passum pecudes cum Beride Charmis agebat,
Charmis oves, agnoscque, capellas Beris, & hœdos:
Ambo ætate pares, pastores Thaboris ambo.
Et quamquam, ut monitis componeret inter utrumque
Iurgia longa, bonus nil non faciebat Obedon;*

Vsque tamen rixas, & iurgia longa ferebant.
Turbæ causa fuit Zelphe, quam Beris amabat.
Hanc formâ eximiam formosas longiùs omnes
Ire super, dum iurat, cum iurare parantem,
Turbidus in medio Charmis sermone repressit:
Cui Damaris, mundo Damaris nitidissima cultu,
Thaboridas longè nymphas super, una placebat.

Dúmque sua Beris pro virgine plurima tendit,
Próque sua Charmis; Carmelo è monte redibat
Azarias animi vates maturus, & aui.
Namque Deo plenus prædicere multa solebat,
Et morem astrorum varium, pluuiique monebat
Agrícolas, cum rura serunt, præsagia celi.
Quem prior ut Beris venientem vidit. Hic istam
Inter nos, inquit, poterit componere litem.

At senior ramo innixus frondentis acanthi
Resistit, & quæ sint, audit, quæ iurgia tendant.
Illi altercantes inter se multa ferebant:
Præcipuos nam quisque suæ tribuebat honores:
Verbæque dum verbis, probris dum probra reponunt,
Inque vicem rixantur, & addunt pignora rixis;
His ultra, vates inquit, ne tendite rixis
O pueri! est, vestra cui cedant, altera virgo.
Tum calum blandè aspectans, paulúmque moratus
Abstinit dictis, fari tum denique cæpit.
Audite ô pueri: vobis mysteria rerum
Aperio magnarum, & spes hinc sumite vestras.

Monte sub hoc, ubi primus oues, si vera vetustas,

Pauit Abel, calamo curas solabar agresti,
 Incustodita dum per prærupta viarum,
 Errabant toto passim sub monte capella.
 Cantanti, calamoque animum, curasque leuanti,
 Qua mihi, quàm diuina dedit se virgo videndam?
 Cui si vestra ausint sese equiparare puella
 Despererent, sic una alias superemines omnes.
 Nec tantum puro cedit nox atra diei,
 Nec niueis tantum vaccinia nigra ligustris;
 Quantum alia cedunt isti, me iudice, nymphæ.
 Qua super ostensa cum nuper virgine, nostris
 Narrabam in pratis, stupuit vicina Cleone,
 Displicuitque sibi, quamquam formosa, nec ulli
 Lenibus aut oculis, aut mundo cederet ore.
 Quid memorem lucentem auro, radiisque puellam,
 Cui caput auricomum, & multo splendore nitentes
 Ardebant oculi, ac formæ celestis honores.
 Ut vidi, attonito sensi sub pectore eisdem,
 Quos animo inspirat Diuum præsentia motus.
 Vcr purum blando spirabat ab ore puella,
 Florebant sic labra rosis, sic ora ligustris.
 Demissam ex humeris nectebat sibula vestem
 Candida candentem; nam sese plurimus omnes
 Fuderat inque artus, inque ipsos candor amictus.
 Candida erat blandos vultus, & eburnea colla,
 Candida ceruices, & tempora, candida vestes.
 Candidus inque sinu, villisque argenteus albis.
 Agnus erat, virgo quem blandè amplexa fovebat.

*Virgo puellarum pulcherrima, maxima matrum,
Cui vestrae formâ nolint non cedere nymphae.*

*Tum Charmis. Cedat, quamquam sibi sedula crinem
Componat Damaris, cœpit iam vana videri,
Quæ mihi prima rosas, cui primus fraga ferebam.
Ipsa etiam Zelphe, quâ non solertior ulla
Texuit aut calathos, aut florea ferta parauit,
Seu templo seu ferta, suo seu ferret amanti,
Beris ait, cedat Zelphe. Tu maxima Virgo
Nostras una super longè memorabere nymphas.
At mihi quis te, inquit, tenuit quem candida Virgo
Pascendum, tener agne, dabit; te mane sereno
Florentem ad cythisum, per pascua nostra, vocarem,
Umbrarémque apio caput, & frondente cypero.
Te rigua exciperem herbofo sub margine ripæ,
Gramineúmque ihorum, tenera de fronde, pararem:
Mollis ubi æternos Zephyrus candore perenni
Ipse æternus alit flores, & amœna vireta.
Sertis cara soror, vittis te sedula mater
Ornaret, pexúmque manu mulceret, & herbas
Selectas daret, ac puros post pabula fontes,
Túque adeò ante gregem, nam grex tibi cederet omnis,
Ad prata, & fluuios, ipsa ante armenta præires.
Has agno, nymphæque super, cum Beride Charmis
Cæptæ quisque sua demum pro virgine rixæ.
Obliti, has ambo iactabant ore loquelas.*





IN VIRGINEM E RVRE NAZAREO
ABSENTEM, ET VISENTEM ELISABETHAM

ECLOGA VIII.

DESIDERIA.

ASOR, ALPHÆVS, ZEBEDÆVS,
INTERLOCVTORES.

Describit ruris Nazarei tristitiam absente
Virgine.

ASOR. **O** VID tu dulci autem tam denique lentus in
umbrâ,

O Alphæe paras, quæ non fert carmina tempus?
Parthenis hos montes, hac Parthenis arua reliquit.

ALPH. Illud erat, præter solitum, quod triste sonabat
Fistula, & absurdis stridebat rauca cicutis.

ZEB. Nuper & ipse etiam, si mens non vana fuisset,
Ipse malum hoc certis poteram cognoscere signis.

Ducebam molles ad pascua nota capellas,
Cum matutino tollunt se gramina rore:

Mirabar, quid colla noui languentia flores
Deprimerent, multo seu fors a sole perusti,
Liliâque, atque rosæ, atque immortales amaranti.

Parthenis hinc aberas, te Partheni lilia, & ipsæ

Absen-

Absentem sensere rosa, sensere amaranti.
 ASOR. Est ulmus nostro, impendet quæ plurima ruri;
 Huc philomela, omnem celebris philomela per oram,
 Assiduè veniebat, ibi modulamine iugi
 Noctes atque dies, animi indefessa canebat.
 Et præsens aderas cum, Partheni, montibus istis;
 Hæc canere umbrosâ nunquam cessabat ab ulmo.
 Nunc, quod abes, mærens silet, atque in tristibus errat.
 Crebra gemens dumis, & sepibus in desertis.
 ALP. Partheni quando aderas, festum nemus omne canebat,
 Et frondes auibus, pastoribus antra sonabant,
 Latæque ab argutis resonabant prata cicadis.
 Nunc nemus omne silet, nec iam pastoribus antra,
 Nec frondes resonant auibus, nec prata cicadis.
 ZEB. Non pratis rigui fontes, non fontibus umbræ;
 Non apibus deerant flores, non gramen ouili:
 Te sine, & ipsi apibus flores, & gramen ouili,
 Et pratis desunt fontes, & fontibus umbræ.
 Rapta simul nostri tecum solatia ruris.
 ASOR. Ibant audaces sola in deserta capellæ;
 Ibat ovis, felix ô! tum pecus, ipse & ouili
 Parcebat lupus, arbustis calor, imber aristas.
 ALP. Ah! duris virgo nunc fortè in montibus erras:
 Nos pratorum umbram, & frigus captamus opacum.
 ZEB. Vos ô! vos dulces Zephyri, rinique fugaces,
 Et calamo toties pastorum, & voce locuti,
 Dicite quâ, medium dum sol tenet igneus axem;
 Abditâ rupe latet tum Parthenis? aut quibus oris.

E

Inueniam errantem , vel quo sub fonte sedentem ?

Ah ! quamquam agrestis sit patria , ne tibi tantum

Displaceat , postquam dulces te lucis in auras

Et tulit , & teneris toties dedit vbera labris .

ASOR. *Nam qui te poterunt nemorum tenuisse recessus ,*

Partheni ? si patriæ ceperunt tadia terræ .

Hic puri fontes , prætectaque fontibus umbra ,

Hic nemus , & læta fruges , & copia florum .

ALP. *Aut quid abis ? dū fraga rubent , & frondet acanthus ;*

Albentisque rubi spinis florentibus halant .

ZEB. *Parcite oues ad ripam accedere , gramina ripæ*

Parthenidi sunt sacra : aberit dum Parthenis , istam ,

Namque hoc litus amat , ne carpite graminis herbam .

ASOR. *Antè suo inclemens Boreas quàm frigore calum*

Perturbet , fœdis aut imbribus ingruat Auster ,

Nympha redi , ne te aut imbres , aut frigora lædant .

ALP. *Est tibi seposito qui floret amaracus horto ,*

Sunt myrti ingentes , nam myrtos semper amasti .

Si qua tibi est , fuerat florum quæ cura , venito .

ZEB. *Te matura , graui quæ pendent arbore poma ,*

Te nostræ inuitant miti iam cortice ficus ,

Sed poma , atque ipsæ mitescant denique ficus ,

Nazarcos donec colles , ac rura reuifas .

ASOR. *Nympha redi : colles reduci se gramine lato*

Ornabunt , tibi lacte fluent , & nectare riui :

Aduentūque tuo nostrum nemus omne virebit .

Flores agricolæ , pastores dona parabunt :

Ipse intermixtis portabo ferta hyacinthis ,

*Mecum erit Azarias leui qui carmina buxo
Cantet, quæ quondam vitreum Jordanis ad amnem;
Isacides citharâ pastor cantabat eburnâ.*

Addam & iam mites uuas, & cerea pruna.

*ALP. At si longinquis in montibus otia ducis,
Virgatum iunco calathum pro munere texam.*

Hic tibi Nazarei describam pascua ruris.

Te mœsta absente, & tristes per rura capellas.

Et quæ perspicuis manabat fontibus unda

Ibi pigra situ sitientes inter arenas;

Languēbunt campis segetes, & gramina pratis,

Quæque comam calo nuper tendebat opacam

Leta abies; mœsto caput inclinata dolore,

Nympha, tuos reditus orabit, & omnia circum

Flebunt, si fletus possint in vimine pingi.

ZEB. Si nos respicitis superi, seruate puellam,

Dum fugit, & cursu per agros contendit anhelō:

Dumque aberit, quando hæc seruabat rura, precamur,

Ne riui exundent ripis, neu turbidus imber

Maturas vertat segetes, aut pascua fœdet.

ASOR. Nocturnos prohibe, Virgo, à præsepibus ignes,

Et defende rosas à sole, à frigore myrtos,

Dum tibi purpureæque rosæ, myrtique placebunt.

Vt si fortè via quondam, patriæque relicta

Pœniteat, sint te reducem qui floribus ornent.

ALP. Ah! durâ si tendis iter regione viarum,

Ne properes, solet esse grauis properantibus æstus.

Ah! ne sole calor te torridus urat iniquo.

Quin potius succede umbra, dum praterit ardor,

Inclinâque dies: nam quid te perdis eundo?

Aut cur aestivo tantum te sole fatigas?

ZEB. Partheni, quid nostros in longum ducis amores?

Fortè tuas etiam mala fistula verberat aures,

Dum surdis patrij perdunt bona carmina ventis

Pastores. Istâ tibi fistula pendeat ulmo,

Quando aberis, nostri monumentum triste doloris.

Nam dum te externis fors dura moratur in oris,

Quis canat, aut patrio speret iam gaudia ruri?

ASOR. Mœrebunt nostri montes, dum montibus absens

Indulges Virgo externis, per pascua nullus.

Cantabit Sabaris, nullus saltabit Anamis,

Omnia desertis cessabunt carmina pratis,

Et riuus trepidi fontes languentibus ibunt.

Hæc super absenti cantabant carmina Nympha,

Vicina celo referebant omnia silvæ.

~~~~~

## IN VIRGINEM INVISENTEM ELISABETHAM

### ECLOGA IX.

#### — ABSENTIA.

Describit profectiorem Virginis ad montes.

**V**Os mihi, quod vestris quondam longævus Amyntas  
Cantabat silvis, quicúmque audistis Amyntam,

Dulcia cū patrio reddebat gaudia ruri,  
 Vos mihi diuinum pastores dicite carmen.  
 Ipsa hoc namque & oues, ipsi cum matribus agni,  
 Ipsa hoc, ut perhibent, stupuerunt carmine valles.

Errabant mæsti per agros Benonis, & Afor,  
 Ambo atate pares, pastores Thaboris ambo,  
 Compulerantque greges vicini fontis ad umbram,  
 Pascentes Arnon seruabat dum bonus agnos.  
 Absentemque ambo per deuia rura vocabant  
 Parthenidem, quæ non istis ad prata diebus  
 Venerat, absentem rupes & saxa sonabant.

Thaboris alta fuit decliui in valle cupressus,  
 Nobilis & flexu ramorum, & frondis opaca,  
 Quam festis circum, calamo resonante, diebus  
 Et captare umbram nympha, & cantare solebant.  
 Hanc prater dum mæsti irent Benonis, & Afor.  
 Illa ferat, nostri ostendat quæ signa doloris,  
 Afor ait, simul hæc, simul imo in cortice scripsit  
 Parthenidem absentem, nec longum tempus, in omnem  
 Rumor iit pagum, discurritur, undique colles  
 Parthenidem rauci absentem, vallésque resultant.  
 Non tulit hanc speciem, montes qui nuper in altos  
 Duxerat, & Nympham fuerat comitatus Amyntas,  
 Processit turbæ in medium, cœpitque profari.

Audite ô pueri, vobis nam certa reperto  
 De Nympha absente, hæc montes concessit in altos  
 Plena Deo, ceu cū surgens Aurora supremos  
 Se tollit primū in montes, lucisq; propinqua

Spem mundo ostendit, speratâque dona diei.  
 Nam postquam sacro accepit sub pectore Solem,  
 Promissum mundo Solem, quem tempore sero  
 Venturum patres olim, vatèsque caneant,  
 Ire parat, summósque super se tollere montes.  
 Et quamuis ea cura animo vel prima recurset  
 Cognatam iam fractam annis, uteróque grauatam  
 Solari, & pacta gratari munera prolis:  
 Plus tamen acceptum numen vulgare per vrbes  
 Finitimas, tantámque orbi spem ferre parabat.  
 Quod potiùs reor, & potiùs fas credere duco,  
 Ipse nec egregio nympha dignatus Helides  
 Connubio, quamuis celaret multa, negabat.

Ioseph fi-  
 lius Heli.

Ergo iter ingressi ferimur per opaca viarum;  
 Illa comam vittis, summa è ceruice, coercens.  
 Ipsum circa apicem, lino candente, premebat.  
 Nympham autem tacitè mecum mirabar euntem,  
 Et largo totos signantem lumine calles.  
 Namque ut diuinum sancto sub pectore Solem  
 Portabat, lux multa sacro manabat ab ore.  
 Olli palmiferi toto qui tramite colles  
 Occurrunt, festo interea sua gaudia plausu  
 Testari, rauco blandiri murmure fontes,  
 Et strepere, & molles per saxa iterare susurros.  
 Ipsa etiam ripis volucres, & vallibus imis  
 Assuetæ, tenues visæ gestire per auras,  
 Et blando auditæ per dumos plaudere cantu.  
 Vósque adeò montésque caui, vallésque profunda



*Sensistis Nymphæ aduentum, nam culmina montes  
Curuare, & valles vidi exultare profundas,  
Exultastis agri plausu, exultastis ariste.*

*Quid memorem summis cæptas se flectere cedros  
Verticibus; rigidâsque caput motare cupressos.  
Ipse etiam quercus, & summa cacumina fagi,  
Parthenidi ipse etiam tendebant brachia silvæ,  
Et seges irrequieta, videndæ virginis ergo,  
Tollebat caput, & rumpebant germina frondes.  
Et stupefacta suos tenuerunt flumina cursus.*

*Vt ventum in montes; montanas undique nymphas  
Vidimus arbuteis flores properare canistris,  
Et Nympham tegere, & nimbo cumulare rosarum.  
Ipsi pastores ouibus venêre relictis,  
Rustica multifori fundentes carmina baxo;  
Dum lasciuius agris aries, hædique petulci  
Persultant, teneroque procul sub gramine ludunt.*

*Parte aliâ tellus se mille coloribus ornat  
Lætitiâ testata, nouosque aspirat odores:  
Et quocumque pedes virgo deflectit, amœnum  
Tubescit nemus, & ramos inclinat olentes.  
Ipsi Parthenidem rami, frondisque salutant.*

*Haud procul incolitur saxo fundata vetusto  
Vrbs Hebron, ubi Zachariæ recta alta subimus;  
Dumque domum vates nos accipiebat in amplam,  
Parthenidi occurrit sese confessa minorem  
Elisabe, quam Nympha sinu complexa verendo  
Et premit, & fœtum gratatur, at illa repente*

*Diuinos trepido sensit sub pectore motus,  
 Latitiaque, utero saliens, signum edidit infans.  
 Quo motu concussa parens longæua, Puella  
 Fata aperit, solo dum monstrat gaudia nutu,  
 Quod poterat senior, cui fandi erepta facultas.*

*Finierat, sed non poterant lenire dolorem  
 Pastores, Nymphâ absenti, namque omnia dura  
 Quando Virgo aberat, patriæ metuenda videbant.  
 Illi adeò, dum fortè æstum, curâsque leuarent,  
 Valle sub umbrosa, terebinthum subter opacam,  
 Absentem flebant alterno carmine Nympham.*





IN VIRGINEM PURIFICATAM

E C L O G A X.

SACRIFICVLII.

AMASIAS, ADONIAS,  
INTERLOCVTORES.Apparatus ad Sacrificium expiatorium pro  
Virgine purganda.

AM. **O** ! qua pura rubens inflamat sidera vesper;  
Puri ignes liquidis vos ô ! purgate sub undis;  
Istam quando venit, qua sese mundet ad aram,  
Virgo pura magis puri vel lumine solis.

AD. At dum Nympha venis, nunc tibi bina coloris  
Licia circumdo, & circum hoc altare reduco:  
Nam te pura decent, ea prima piacula sunt.  
Deinde suis & erunt ornanda floribus ara.  
Interea plenis per florea rura quasillis  
Carpantur lentæ myrti, carpantur oliuæ.  
Flauentes, festæ sint hæc insignia lucis.

AM. Quando, Virgo, tibi purganda sacra paramus,  
Acceptæ nulla ut restens vestigia labis,  
( Si tamen è partu labem accepisse putandum est )

E

*Querendus lymphâ primùm qui simplice fusus,  
Es par crystallo fugias per gramina riuus,  
Tum puri latices isto de fonte petendi,  
Quos non limus iners fundo turbauerit imo,  
Et crebrâ undarum lustrandum aspergine templum.*

*ADON. Antè autem flammâ adhibe, prius omnia flammis  
Sunt lustranda, ter igne, ter aram thure vapora.  
Nonne vides, nitidas flammæ quæ contigit ignis,  
Purgari, & porro fuerant quæ lapsa refringi.  
Tum, quæ vel flammâ nondum pargauerit ignis,  
Vel cocto non thure piauerit, eluat unda.*

*At ne sulphureum fumo graueolente bitumen  
Vre foco, tardumve picis patiare vaporem.*

*Sed Libano lecti ante alios de monte petendi,*

*Qui puris permixti herbis urantur odores.*

*Addendum quidquid tollenda est utile labi.*

*Debita. Virgo tibi partuque, vteroque soluta,*

*Lustrandisque aris ne fors purgamina desint.*

*AM. Tu fer aquam vacat urna, & fundo inuerge capaci,*

*Dum flammam expedio, ne quid quorum indiget usus,*

*Cum non tempus erit, frustra fortasse requiras.*

*At caue, subiectam latices dum fundis in urnam,*

*Si supra morem spumauerit unda, refundas,*

*Quæque natant labri summo spumantis in ore,*

*Dum licet, impuras quamprimùm reice sordes:*

*Versis istam & aquis pateram purgare memento.*

*Omnia Parthenidi sint ut sincera piande.*

*AD. Tu quoque præcepti partem tibi sume laboris,*

*Ne, fuerant nobis quæ mox properanda, moremur.*

*Digere candentes prunas, focus unde paretur.*

*Cunctaque cum primum fuerint digesta, sub aram*

*Thura fer, & iussos flammis asperge liquores.*

*AM. Cernis, sponte sua, ut subitis altaria flammis*

*Corripuit focus ipse, focum dum fortè parabam.*

*Dum flamma exuperant, & plurimus æstuat ignis,*

*Tu flammis mecum collectos iniice odores.*

*Adde mares oleas, & olentem cortice cedrum,*

*Et quas ore malo grex nondum impresserit herbas,*

*Adde rosas, fumum imprimis compesce sequacem;*

*Ne vapor inficiat, quæ fors purgauerit ignis.*

*AD. At dum purgandis spargebam altaribus undam,*

*Saxo sponte sua nitor additus, aspice ut omnis,*

*Quæ modò sordebat tabo, nunc splendeat ara.*

*Hæc te, diuina ô mater, præfagia spectant,*

*Hebraas inter non dedignata maritas*

*Lustrari. Quin Virgo venis, dum sacra paramus.*

*Namque quaterdenos vetitam procedere soles*

*Ista dies istam te demum expectat ad aram.*

*AM. Nec tu, pura licet, purgari sperne, serenos*

*Expurgant vultus liquidis in fluctibus astra:*

*Quinetiam eximios candore videmus olores*

*Ferri ad aquas, studiòque alacres gestire lauandi.*

*AD. Desine plura, & ibi, quæ sunt prouisa, repone,*

*Est aliud, quod nunc sacrorum postulat ordo,*

*Candenti lino præcingere, & ilia circum*

*Duc vitam, & magnæ, dic, nectò vincula matri.*

AM. *Postquam deuotas acceperis ara palumbes ,  
( Nam geminâ est matri proles redimenda palumbe )*

*Tu diffringe alas , celo ne fortè patenti  
Elapsas fuga dissipet , atque absterreat aris.*

AD. *Sepositos ignes incensâ profer ab ara ,  
Atque hæc verba adde. His , Virgo , purgabere flammis :  
Vt flammis fusi purgatur massa metalli.*

AM. *Tu dum spargis aquas , has proderit addere voces.  
Vt magis hac crebrâ undarum aspergine saxum  
Eluitur , sic tu hac , Virgo , lustraberis undâ.*

AD. *At tibi collectos , breuis est mora ,nectere flores  
Cura sit , & nexos ori fer , & apprime labris :  
Et dic. Hos flores , hæc offero dona piandæ  
Parthenidi ; tanto sit Parthenis omine pura.*

AM. *Carmina mittamus , quod fert iam tempus agamus ,  
Carmina multa satis , veniat modò Nympha , canemus.*

## IN VIRGINEM EXPIATAM ECLOGA XI.

### LAVDES.

ZAMBRI. AZARIAS.

Virginem è templo redeuntem laudibus  
prosequuntur.

ZAM. **A**ZARIA , postquam perfectò munere mater  
Exportans natum sacris purgata recessit ,

*Et nos purgatæ debemus carmina matri.  
 Matri, cuius honos tollit se tantus Olympo,  
 Editus à terris quantum se tollit Olympus.*  
 AZAR. *Et quæ debemus, par reddere carmina Nymphæ,  
 Nymphæ, cuius amor diuini dignus amoris  
 Fecit cum, cæli cui regia paret, amantem.  
 Quid cessamus? amet nostro se carmine dici,  
 Si nostri tantâ digni sint Virgine cantus.*  
 ZAM. *Betlemij colles! quondam plorata Racheli  
 Rura, cauis ô! nunc redeunti plaudite Nymphæ  
 Rupibus, & toto exultans è litore plausum  
 Jordanis, plausum ipsa omnis responset Idume.*  
 AZAR. *Tendis Betlemiæ dum, Virgo, per ardua rupis  
 Balsama; vel si quid quàm balsama suauius usquam est,  
 Sub pedibus, passimque virens nascatur amomum,  
 Ne sit is indignus, tantâ te Virgine, callis.*  
 ZAM. *Ardenti Virgo ne fors se sole fatiget,  
 Dum redit urbe domum; non omnia possumus omnes,  
 Vos umbram palmis, umbram prætendite myrtis,  
 Pastores, meruit fieri sibi talia Virgo.*  
 AZAR. *Ne nimium montana feras per saxa laborem.  
 ( Namque grauis montana labor per saxa ) sonantes  
 Si ventos, dum tendis iter, nubésque timebis,  
 Carmine mulcebo ventos, nubésque tenebo.*  
 ZAM. *Verùm ego dum Nymphæ clementis commoda cæli  
 Orabam, nexisque arcendos frondibus æstus,  
 Jam blanda aspirat lenis clementia cæli,  
 Et solis sese nimij fregere calores.*

AZ. *At vos, dum sponsa sequitur vestigia sponsus;  
Lenti ite, in medio ne fors algeat aestus.*

*Nec dura infesti noceant incommoda celi;  
Aut puero, aut matri, sperataque gaudia vertant.*

ZAM. *Si patrij audierint me vates, publica totis  
Cantabunt Nympha redeunti carmina siluis.*

AZ. *Et mihi pastorum pubes si rustica credat,  
Mille illi totis pendebunt munera lucis.*

ZAM. *Nymphae Betlemiss florent quae lilia campis;  
Concedant, summoque nitent quae sidera calo,*

*Et tu Luna, ardes cum puro argentea vultu;  
Concedat Sol ipse, auro dum lucet, & igni.*

AZ. *O qui purpureis superos ardoribus ignes  
Accendis, seu mane nouo cum prima per orbem;*

*Ultima seu sero cum vespere lumina portas,  
Lucide Sol, possis nil visere Virgine maius.*

ZAM. *Sed puer ipse etiam est laudari dignus, & isto  
Quo mater (si fas) dicendus carmine nobis.*

AZ. *Magna puer meruit, debet cui maxima mater,  
Vna suo matrum fortunatissima nato.*

ZAM. *Ille sinu dum blanda fouet, vultuque puellum,  
Credo equidem teneris rapit oscula mille labellis;*

*Qualia nulli unquam natus dedit oscula matri,  
Quantaque vix vlla possint sperare parentes.*

AZ. *Dumque suam vultu matrem ridente fatetur  
Natus, amor matris iam non sua gaudia celat.*

*Nec iam dissimulas, quamuis pudor obsit amori,  
Quem nuper, Virgo, nolebas matris honorem.*



ZAM. *Uberibus matris dum turgēt lacteus humor* MA S  
*Distentis, longūm mammis indulgeat infans.* sup. donat

AZ. *Et dum tam puri liquidos bibit uberi haustus,* A  
*Crebro hunc amplexu permulceat optima mater.* q

ZAM. *Cū primo nomen matris tentabitur ore,* MA S  
*Ne stupor impediat puerilis murmura lingæ.* sup. donat

AZ. *Et cū iam pedibus vestigia figere certis* A  
*Incipiet, petat amplexus, petat oscula matris.* q

ZAM. *At quoties labris nati imprimet oscula mater,* S  
*Florentes tot ab ore rosas, tot lilia carpat.* sup. donat

AZ. *Et quoties natus pendebit ab ubere matris,* A  
*Impresso puras tot ducat ab ubere gemmas.* sup. donat

ZAMB. *Matris in amplexu cunq̃um venientibus annis*  
*Cresce puer, quantū primi sub tempore veris*  
*Vallibus in riguis, & opaca matris in umbra,*  
*Surculus ærias se tollere sœuit in auras.*

AZ. *Ah! puer in quantos crescis cum matre dolores?*  
*Nec te pœniteat puer ah! diuine laborum.*

*Si qua fides monitis vatum, tu sanguine fuso*  
*Polluti quondam purgabis crimina mundi.*

ZAMB. *Fortunate puer, tenues quem lucis in auras*  
*Fudit pura parens, & puro nectare pavit.*

AZ. *Fortunati ambo, quorum se legibus Orbis*  
*Inclinat, magnūsq̃ue olim parebit Olympus.*

ZAMB. *At magnus quamquam vobis parebit Olympus;*  
*Has laudes nostri ne spernite pignus amoris.*

AZ. *Quòd si, Virgo, tuum non est audacia numen*  
*Orare, oramus te, per tua gaudia, natum.*

ZAM. *Pérque sinus illos, quibus arctè se implicat infans,  
Inuoluitque tui, mater, securus amoris.*

AZAR. *Te per & illa tuo, quæ pressas vbera nato,  
Quæ pressas nato caelestibus vbera palmis.*

ZAM. *Per dulces pueri risus, per dulcia verba,  
Verba inter blanda, quæ frangis, murmura lingua.*

AZAR. *Per quidquid dulci in puero tibi dulce futurum est.  
Da facilem, inquiris si nostra in crimina, natum.*

ZAM. *Et quamuis regem cæli alta palatia natum,  
Quamuis reginam te, Virgo, sidera sperent,*

*Vt nostri memorant vates, & credere iustum est:*

*Téque, tuumque, feras si nostra hæc munera, natum  
Semper flore nouo, semper venerabimur aris.*



IN



IN VIRGINIS OBITVM

ECLOGA XII.

SUSPIRIA.

Deplorant Virginis mortem Pastores.

**F**LEBAT deposito sub vomere tristis arator  
 Extinctam fatis, & iniquo funere raptam  
 Parthenidem, patrij fuerat quæ gloria ruris  
 Flebat turbato stupefactus pastor ouili,  
 Flebant agricola, flebant armenta; neque ullum  
 Solamen mæssi agricola, aut armenta ferebant.  
 Sed magis ante alios puer Alcimus, & puer Ammon,  
 Quos bona formabat Virgo, & diuina docebat,  
 Flebant, dum Lysias prima sub luce ferebat  
 In calathio tritos patriæ felicitis odores,  
 Extremum munus tumulo, & suprema parabat.  
 Dúmque ipso tumuli sub limine fusus, & amensq;  
 Alcimus hærebat lacrymans, Nymphámque vocabat.  
 Verùm ubi compressit suspiria prima doloris,  
 Rupibus hæc mærens Ammon iactabat & auris.

Postquam crudelis rigida inclementia fati  
 Te rapuit, rerum longè o pulcherrima Virgo;  
 Quid faciam? Tu diua tuo nos funere perdis.  
 Tu patrij affatu mala iurgia ruris amico

G

*Sedabas, tu rebus eras solamen acerbis.*  
*Vidi sæpe meos, dum me diuina monebas;*  
*Herbarum immemores tauros habuisse, nec ausos,*  
*Virgo, tuas ullo mugitu rumpere voces.*  
*Te saxa & fontes, te conigena cyparissi,*  
*Te valles, montesque feri obstupere loquentem.*  
*Fulmina nigranti si quando è nube ruberent,*  
*Accensa in nostras segetes, suspensa tenebas,*  
*Tollebasque metum, quin nostris sæpe solebas*  
*Vel dare, vel nimios auertere messibus imbres.*  
*Parthenis & vita iam non mortalis amorem*  
*Instituit, gentemque suam compescere iussit*  
*Spes inconcessas, & inania ponere vota.*  
*Parthenis & duros cultu formabas agrestes,*  
*Et placare graues offensi numinis iras*  
*Monstrabat, moresque nouos, noua sacra docebat:*  
*Addebátque animum dictis, cum lata piorum*  
*Premia pandebat memorans, pœnâsque nocentum.*

*Nunc autem, Virgo, quid post tua funera sperem*  
*Perditus? an durem inuisa fastidia lucis?*  
*Quin potius longè absisto, indulgènsque dolori*  
*Collens in secretum, & nemora in deserta recedo;*  
*Hic ubi siluarum secessus inter opacos,*  
*Æternùm mœrens, & lucis abditus atris,*  
*Possim perpetuis consumere fletibus æuam.*  
*Plantabo umbrosam nigranti ex ilice lucum,*  
*Et luco in medio pallenti è fronde cupressum,*  
*Quam iuxta tumulum viridi de cespite ponam,*

*Mæstus ubi, ducensque imo suspiria corde,  
 Auiâ sæpe meis implebo saxa querelis.  
 Vos mihi vos eritis testes, ô saxa, meique  
 Lucus hic, ingentem cùm latè fecerit umbram,  
 Venturis olim pastoribus, arbore opacâ,  
 Corticæque inscripto, monstrabit signa doloris.  
 Crescetisque mei, trunco crescente, dolores.  
 Iamque mihi videor saltus errare per altos  
 Solus, & ingenti iam silvas rumpere planctu.  
 Lamenta & silvâ iam sunt medicina doloris.*

*Sed quid ego hæc? nec erunt silvæ medicina dolori,  
 Nec lamenta, ipsæ rursum concedite silvæ,  
 Concedant lamenta, dolor non talia curat.  
 His Ammon lacrymis, his Alcimus ora rigabat.*

*Nam quis te casus pertasam denique lucis  
 Eripuitque tuis, & acerbo funere mersit?  
 An tibi necquidquam est natus, cui pareat æther?  
 Hoc erat, extinctæ quod nuper ad vbera matris  
 Tantùm balaret nostris ab ouilibus agnus;  
 Percussusque bouum crebris mugitibus amnis.  
 Plangeret, & planctu ripæ, rupesque sonarent:  
 Ipse aderam, sed me ignarum mens læua tenebat.  
 Ipsi etiam, ut perhibent, nostris in montibus vrsi  
 Immanes vrsi, ipsi etiam fleuere leones.  
 Infelix Ammon! quid iam suspiria perdis?  
 Quidve paras? Postquam te, Partheni, tristia saxa,  
 Postquam te flerunt deserta per auiâ valles.  
 Partheni, te Libanus, te, Partheni, pinifer Hermon*

Fleuit, & è summo plorant vertice pinus.  
 Flevere & cedri immanes, flevere cupressi.  
 Quin sol tristitiam calo testatus ab alto.  
 Hæsit, & attonito consistere visus Olympo.  
 Verùm etiam fama est visas per confraga cautes  
 Scindere se, atque sui, ut poterant, dare signa doloris.  
 Temporèque ex illo, passus oblita, sub ipso  
 Gramine plorat ovis, siluâsque auersus, & amnes.  
 Mæret ieiunus plena ad præsepia taurus.  
 Et tua, Virgo, ipsa senserunt funera nubes,  
 Sensit & ipse aër gregibus non æquus, & omnis  
 Vndarum qui purus erat, nunc turbidus humor.  
 Sed quibus aut Virgo non est plorata sub antris?  
 Aut qui non montes tantum doluere dolorem?  
 Hæc pueri. At postquam Lysias effudit odores  
 In tumulum, multoque locum veneratus honore est;  
 Mecum, ait; ô pueri, tumulo date thûra, nec isto  
 Lætitiâ fletu festa turbate diei:  
 Parthenis in calo, post tristia fata superstes,  
 Nil iam lucis egens caelesti vescitur aurâ.  
 Illi spe tantâ fletus tenuere, nec ultra  
 Vel sua damna, suæ vel questi funera Nympha.  
 Una animo iam cura, locum decorare supremis  
 Muneribus, festoque diem celebrare triumpho.



\*\*\*

IN VIRGINEM ASSUMPTAM

ECLOGA XIII.

APOTHEOSIS.

Virginis triumphus celebratur à Pastoribus.

**P**ARTHENIDEM faciles lunas, solisque serenos  
 Orate agricola, nam Parthenis imperat astris.  
 Hanc ego, cum mollem tondebam serus acanthum,  
 Caruleo vectam vidi super athera curru.

Carmina quæ summo respectans letus Olympo  
 Cantabat Ionathas pastoribus, omnis at illum  
 Pastorum turba hortatur, quæ gaudia portet,  
 Effari, visaque super quid Virgine pandat.  
 Tum sociis Ionathas sua porro visa renarrat.  
 Dicit uti superos Virgo superauerit orbes,  
 Quo cursu super astra, quibus volitauerit alis.  
 Exin uti rutilo texti ceu solis amictu,  
 Candenti luna impositam, per cerula cali  
 Enauit, summoque volans successit Olympo.  
 Vnde obitus varios astrorum cernit & ortus,  
 Sub pedibusque omnes superos, supera alta tenentes  
 Et videt, & magni miratur limen Olympi.  
 Deinde aperit, quam spem patriis pastoribus, & quam  
 Agricolis rerum faciat iam maxima Nympha.  
 Postquam illam cali, tempestatumque potentem

G iij

Esse dedit, summoque Deus præfecit Olympo.  
 Vosque, ait, ô quibus est telluris cura colenda,  
 Ne posthac signorum obitus spectate, vel ortus,  
 Candida erit vobis, omni pro sidere, Virgo;  
 Sidere quo glebâ seges ubere gaudeat, & quo  
 Incurret sese ramis felicibus arbos.  
 Exercete solum agricola, date semina sulcis,  
 Tempus humum serere, & curvis insistere aratris,  
 Morem sideribus dum virgo imponit, & auris.  
 Vos neque iam vanis, credo, frustrabit aristas.  
 Expectata seges, segeti neque noxius imber  
 Officiet, sterilem nec deseret humor arenam.  
 Maior erit pressi, sub Virgine, copia lactis,  
 Largior undabit pleno vindemia prælo,  
 Durâque mitescent succos oblita priores  
 Poma, nec arboribus venti, segetique nocebunt.  
 Sed quò larga magis spumet vindemia prælo,  
 Quò plus se ramis curuet felicibus arbos,  
 Quò plus vel pecoris, vel copia lactis abundet,  
 Nympha, tuæ donis fument maioribus aras.  
 Namque tibi, postquam celi te magna recepit  
 Regia, dona tibi, Virgo, debemus, & aras.  
 Olim tempus erit, quando te maximus orbis  
 Accipiet dominam rerum, populique per orbem  
 Institutent tibi centum aras centum ardua templa,  
 Et templa, atque aras candenti è marmore ponent.  
 Nos autem myrtos, quod possumus, ô bona Virgo  
 Virgo, tibi myrtos totis plantabimus agris.



*Hic ubi pastorum chorus, & vicinia ruris  
Dona ferat, supplēxque tuos tibi dicat honores.  
Hæc prata, hos fontes, hæc, Partheni, rura colebas:  
Atque hæc prata tibi, hi fontes, hæc rura placebant.  
At quando natum, Virgo, non vana precaris,  
Sublimi è folio, & celi è regione serena  
Respice nos facilis, da limina tangere diuūm.  
Nam, memini, nos id quondam sperare iubebas.  
Interea largo prouentu plenior annus  
Contingat, veniatque suo seges ampla colono.  
Da gleba agricolis felices ubere campos;  
Pascua da gregibus, pingues da matribus agnos.  
Et qua tuta dabas pastoribus otia, serua.  
Nósque tuum, superent nobis modò carmina, nomen  
In calum cantu assiduo sublime feremus,  
Ad fontes cū messis erit, cū frigus ad ignem.*

*Hæc Ionathas: eadem pastores omnia leti  
Dum repetunt, tumulo frondes, & floreaserta  
Imponunt, viridēque comam frondentis acanthi,  
Et casiam, & violas, & suauerubentem hyacinthum.  
Omnibus, in manibus palma, omnes carmina leti  
Sacra canunt, plexis & inumbrant ora coronis.  
Quin & solempi pro relligione parentum,  
Ad tumultum totos ducunt septem otia soles,  
Immunes operum, non his vel aratra diebus  
Impressere sōlo tauri, vel plaustra-tulcre.*

*Interea totis pastorum factus ab agris  
Ingens concursus tumulo, quos fama vocarat*

56 REN. RAPINI ECLOGÆ SAC.

*Et primi venere, tuas qui, Gabatha, valles;  
 Quique tuas, Betfura, colunt; quos buxifer Hebron,  
 Quos Hesebon, rigido quos vertice pascit Arimna;  
 Tum qui Betlemios servant armenta per agros,  
 Felices herbis, felices frugibus agros;  
 Venit & ingentes portans pro munere myrtos  
 Turba frequens iuuenum, quæ Galgala summa colebat,  
 Galgala myrtetis latissima; venit & omnis  
 Qui Libanum circa montem, & declivia montis  
 Pastor agit dulces ad gramina nota capellas,  
 Ver ubi perpetuum, semperque virentia prata:  
 Et sua dona omnes, ut cuique est copia, portant;  
 Unde ornent tumulum Nymphæ; nec dicere laudes  
 Egregias cessant, nec laudibus addere grates;  
 Latitiae istius memores, caloque receptæ  
 Parthenidis festum gratati rite triumphum.*

FINIS.



ECLO-

# ECLOGÆ VARIÆ.

RIVI.

DAPHNIS.

VRANIS.

ALPHONSVS.



## ODE PASTORALIS,

In qua ruris amœnitas sic describitur, vt  
inter pastores lusus locum, non  
sine causa, habere possit.

H

1855


# ECLOGÆ VARIÆ.

## RIVI.

### ECLOGA I.

TYRSIS.

TITYRVS.

TYRSIS.  ITYRE quid cessas? iuuat ire, &  
mollibus auras  
Cantando viuicere modis, dum  
candida spirat

Tam puro sub sole dies, nos dulcia rura,  
Nos habeant colles, iuuat ire, & querere fontes.

TITYRVS. Haud procul hinc sincerus aqua se mur-  
mure rauco

Fons agit, humenti nympham sub rupe latentem  
Flere putes, mollésque oculis euoluere guttas.  
Tum varia expressa se per diuortia gutta  
Agglomerant, quâ rupit iter per cæca viarum  
Spiramenta latex, collectus cogitur humor  
Rupe sub exesâ, riuûmque orditur; at ille  
In vallem elapsus, fugienti vortice fertur  
Auius, inuitaque fugam molitur arenâ.  
Sæpe illum Dryades, sæpe illum è gramine nymphas,

H ij

*Affines fonti nymphas, dum sistere tentant,  
His perhibent frustra profugum inuitasse querelis.*

*Riuule quò properas? celeres quò, currere pronus,  
Moliris fugitiuus aquas? Vt inhospita præter  
Arua fluas, indigna tuis erroribus arua.*

*Nec patrij te fontis amor, maternaque rupes,  
Non natale solum, non te, quæ plurima circum  
Litus habet cognata Dryas, non limen auitum,  
Non ipsi tete profugum tenuere penates.*

*Quid matrem fugis? Heu matrem, quæ carcere rupto  
Te primùm tenues dedit ire in luminis auras,  
Pérque suos reptare sinus, & rupe sub ima  
Crescere, nascentem te suscepisse sorores  
Naiadas, & molli circum cunabula musco  
Induxisse ferunt, thalamòs prætexuit arbos  
Plurima, & æstiuos fregere umbracula soles.  
Quis præceps erroris amor? Quæ tanta voluptas  
Et fugere, & cursu fluctus lassare perenni?*

*Eia agite, obiecti vinclis retinete fugacem  
O lapides! se densa fugæ interponat arena.  
Ille autem offensas iratâ aspergine cautes  
Increpat obnixus, fundoque allisus iniquo  
Captiuos querulo suspirat murmure fluctus.  
Nec tanta profugum illecebra, nec blanda rebellem  
Vincla tenent; quæ forma loci declinior, illac  
Præcipitat, iámque imbelles assurgere in iras  
Audet, & exiguo iam saxa laceffere pulsu;  
Iam ripæ intentare minas, & litora circum*

Necquidquam obstruere, & spumis aspergere truncos.  
 Consita nec fontem propter saliceta, nec vldum  
 Jam curat nemus, aut frondenti frigus ab ulmo.  
 Harere impatiens fugit, indocilisque teneri.

TYRSIS. Tityre amas riuos, riuos tibi, Tityre, dicam.  
 Mons ubi vicinas nutu clemente supinus  
 Inclinat sese in valles, argenteus humor  
 Liquitur, & cursum in bibula molitur arena  
 Pauper aquæ riuus, quem rupes arida nudas  
 Effusum in silices ægrè connixa profudit.  
 Illum adeò vndarum tenuem sub luminis auras  
 Ire pudet, timidòsque facit penuria fluctus.  
 At quando dulces enixâ rupe sub auras  
 Ire datum est, vrgéntque viam decliuia montis,  
 Ille vado illisus, per saxa, per obuia quæque  
 Hærendo se inopem excusat, vix vallis euntem  
 Incitat, aut pronis momenta liquoribus addit.  
 Si lapis, aut lapsus pendenti ex arbore ramus  
 Obiicitur, molles si radix herbida fibras  
 Egerit, aut fundo si calculus hæserit imo,  
 Ille moras circum gestit trepidantibus vndis  
 Et trahere, & varios ultro sibi tendere nexus.  
 Exin furtivos se per deuoluere calles,  
 Multiplicèsq; iterum reditus, certâsq; viarum  
 Ordini ambages, inopes prætereundæ fluctus  
 Errare, atque morâ: tum sicubi fortè per herbam  
 Pallet egens animæ muscus, se gramen in imum  
 Multifido insinuat lapsu, iuuat vsque morari,

*Atque sub obscuris consumere cantibus ævum.*

*Sæpe illum Dryades, sæpe illum è pumice nymphas,  
Affines vallis nymphas; dum cogere tentant,  
His perhibent frustra torpentem egisse querelis.*

*Riuule, quid tardos lento trahis agmine fluctus,*

*Et labi pane immemores? ut iniqua secundum  
Saxa heu! absumas pretiosam inglorius undam.*

*Quin age, si qua tuos incendit gloria fluctus,  
Rumpe moras, latices rapidis molire fluentis,  
Olim aliquod (si fata sinant) in nomen ituros.*

*Quid cessas? Jeiunus ager, subiectæque monti  
Te circum suspirat humus: fruticeta liquores  
Optauere tuos; ipsi te, Riuule, flores,  
Ipsa te quercus, ipsa optauere myrica.*

*O tibi, si patriis seruitum floribus ires  
Largus aquæ, quæ non siluestres munera nympha,*

*Quæ non vicini pastores ferta pararent?*

*Tu glaucas inter salices, tu florea præter  
Gramina felici flueres purissimus undâ,  
Et collisa tuo garritu saxo sonarent.*

*Languida tu riguo recreares intyba potu,  
Sicca tibi fronderet humus, tibi tortus in herba  
Cresceret immensum cucumis, tibi pruna ferentes  
Florerent spini, tibi latè rura virerent.*

*Sæpe tuam molli ad ripam securus in umbra  
Luderet, & tenui pecudes mulceret auenâ  
Tityrus, aut aliquis pastorum è gente Menalcas.  
Ipsa tuos potum ad fluctus armenta venirent,*



*Et formosus oves ageret per gramen Adonis.  
 Balarent gregibus ripæ, mugiret, anabela  
 Vallis, & agresti resonaret arundine pratum.  
 Ille autem nihilo sese mouet ocius, undam  
 Vsq̃ue tenet timidus fluere, oblitusque moueri,  
 Obscuræ seu pacis amans, seu fontis egenus,  
 Sed quid ego hæc autem tibi non ignota reuoluo?*

*TITYR. Hoc mihi longæuus quamuis narrasset Amyntas:*

*Carminē tu puro melior tamen, omnia reddis*

*Dicendo potiora; tuus licet indigus vnda:*

*Plus placuit riuus, quàm noster fontis abundans.*

*TYRS. Me quoque me faciles Musa fecere poetam,*

*Atque, fatebor enim, si carmina fortè negassent,*

*Non tuus hîc Tyr̃sis, non ipse maneret Amyntas.*

*TITYR. Quis caneret nymphas? nemori quis diceret vdo:*

*Affusos latices? quo carmine nostra sonarent*

*Pascua? quis premeret calamos si Tyr̃sis abesset?*





## DAPHNIS,

SIVE

PASTOR AMANS SCIENTIÆ

DIVINÆ.

## ECLOGA II.

**D**APHNIS amor *Musarum*, & *agrestibus vnica*  
*nymphis*

*Gloria, pastorum Daphnis lenissimus vnus*  
*Qui fuit, ingenuas longum informatus ad artes,*  
*Fertur, ubi densa nigrum nemus ilice frondet,*  
*Anxius isse animi, & vepres penetrasse sub altos*  
*Auius, ac solâ demum sedisse sub ulmo,*  
*Hisque afflictus humi Phœbum impleuisse querelis.*

*Phœbe pater, quid me sacrați ad limina templi*  
*Pertentantem aditus, & carmina pura ferentem*  
*Reiicis, atque tuis longè à penetralibus arces?*  
*Spes erat, ut pariter vates, pariterque sacerdos*  
*Per tua templa irem, premeremque altaria donis,*  
*Et nostro diuina domus fumaret odore.*  
*Hoc sæpe astra mihi, si mens non vana fuisset,*  
*Hoc mihi pastores prædicere sæpe solebant,*  
*Dum sua me quondam sperare arcana iubebat*  
*Vranis, atque agrâ perfixum mente tenebat.*

*Illi*

Illi sæpe meos mea fistula dixit amores,  
 Mollia dum sima tondent arbusta capellæ.  
 Ipsa autem votis animos faciebat, & agro-  
 Dum curæ sensim ingeminant sub corde, sinebat  
 Uranis, atque meos ipsa incendebat amores.  
 Nec mihi nec quisquam Uranidem persuaferit author  
 Duram aded, quondam ipsa suos ut spernat amantes:  
 Nam quosdam vidi post tempora certa repulsos,  
 Vidi pendentes in limine, sed sua cuique  
 Fortuna immitis, nulli non Uranis aqua.  
 Spēsque aded iam me non vana tenebat habendæ  
 Uranidis, quid non miseri speremus amantes?  
 Cum me, Phœbe, tuo pendentem in limine differs,  
 Producisque meos in longum tempus amores.  
 Pastoresque alios stridenti nuper auenâ  
 Quos vidi miserum per agros disperdere carmen,  
 Atque rudes, sinerent Musa, tentare cicutas,  
 Pastores, tu Phœbe, alios, in templa receptos.  
 Diuina Uranidis mysteria sacra docebas.  
 His Lycidam informas studiis, his imbuis Ægin,  
 Ambo rudes, nullis spectatos dotibus ambo.  
 Et me Castalis dudum iam nectare pastum,  
 Perque tot & casus, per & aspera quæque probatum,  
 Post actos tories obscuro in pulvere soles,  
 Et pene exhaustam per pascua sola iuuentam,  
 Me templi ex aditu prohibes; longèque repellis.  
 Quod sum animi simplex, inconsultusque fauoris,  
 Neglectus tibi sum, nec qui sim quæris Apollo,

Quàm felix ouium, pecori quàm nauus alendo.  
 Ah ! quoties multâ ingratam cùm sedulus arte  
 Terram exercebam, & steriles malè pinguis arenæ  
 Versarem cumulos, quoties me vidit anhele  
 Victum æstu, & solis malesano ardore perustum  
 Nympharum chorus, & sortem miseratus acerbam est?  
 Vos testes Musæ, testes vos pascua Musis.  
 At mihi quid porro studium telluris aranda?  
 Pascendi quid cura gregis? quid profuit usus?  
 Et frustra cepti per pascua longa labores:  
 Si diuina tuum celas mysteria vatem.  
 O! mihi sperata si fors arcana paterent  
 Vranidis, nec, Phœbe, tui me limine templi  
 Cetera rideret pastorum turba repulsum.  
 Ipse caput plexæ foliis amplexus oliuæ  
 Sacra darem; templumque tibi molirer, & aram.  
 Tum diuæ Vranidis sperato munere latus,  
 Cernerem uti nostros summum se numen in artus  
 Miscueris, geminæ commercia sacra viderem  
 Natura, quæ vincla ligent compage perenni,  
 Quidquid in ambabus dispar fortuna diremit.  
 Hæc nossẽm, quamquam ô! norint, quibus ipse dedisti.  
 Audiat hæc Lycidas simus licet, audiat Ægis  
 Ægis inops animi, studiorum inglorius Ægis.  
 Muneribusque tui faciles latentur amoris.  
 Ipse autem in siluis, trans flumina, transque reductos  
 Parnassi colles, solus per rura vagabor,  
 Mente coquens agrâ curas, aut valle profundâ

*Sordidus imbre genas, duri fastidia Phœbi  
 Plorabo, saxisque meos narrabo dolores:  
 Fors planctu pulsata meo vel saxa loquentur,  
 Pastorem Daphnim quantum fastidit Apollo.*

*Hæc flebat Daphnis, nec quid iam posset, habebat.  
 Non liquidi fontes, non antra virentia musco,  
 Non ruris, non urbis amor, non cura peculi  
 Præterea, nec erant cantus, nec carmina cordi,  
 Tantùm inter densas corylos, siluamque sub altam  
 Æternùm fugiebat, ibi fastidia Phœbi  
 Fontibus & saxis planctu iactabat inani.*

CONSOLATIO AD DAPHNIM.

ECLOGA III.

VRANIS,

SIVE

PASTOR IN VRBEM VOCATVS.

**V**ENERAT autumnus pomis iam letus, & vis,  
 Ex quo animum Daphnis curâ carpebat, & alto  
 Mentis inops cacum versabat corde dolorem.  
 Nec Daphnim letus pomis autumnus, & vis  
 Lenierat, dum spes anidi seges implet auaras  
 Agricola, dum poma rubent, & prala redundant.  
 Frustratos mæstus Daphnis lugebat amores.

*Vranidémque amens per devia rura vocabat.  
Namque harere domi, & patrios tolerare penates;  
Aut lucem, sociósque pati non cura sinebat.  
Umbra illi nemorum cordi, riuíque fugaces,  
Abruptæque ingis, deserta per auia, valles.  
Hunc saepe oblitum sera decedere nocti  
Sol abiens vidit plorantem, vidit eundem  
Sol rediens longos ducentem pectore questus.  
At vatis, Tymbræe, tui te deinde misertum est.  
Namque ut nigranti (sic suenerat ille) sub ulmo  
Phœbum multa rogans, serâ iam nocte iaceret:  
Ecce olli purâ pendens è nube videndam  
Se dedit imperio Phœbi delapsa per auras  
Vranis, & verbis sic mæstum affatur amicis.  
Daphni, quid indignos agro sub pectore questus  
In longum trahis? & duri fastidia Phœbi  
Causando incusas? nec te fastidit Apollo,  
Nec tibi præ quemquam posuit, spreútque labores.  
Sed modò iam de se meritum bene mittit in urbem  
Urbem illam dominam mundi, Musisque frequentem,  
Ut fama curru impositum te deinde per orbem  
Differat, atque suis spectatum reddat alumniis.  
Tum nec subducti, deserto in tramite colles,  
Præterea, nec iam siluæ, & loca sola placebunt.  
Namque Parisiaca species cùm te ampla tenebit  
Urbis, & effusum passim mirabere vulgus,  
Magnificáque domos, atque alta palatia regum,  
Pérque vias strepitúsque virúm, sonitúsque rotarum,*

Atque frequentatas studiis popularibus artes,  
 Tum tristes prudens rerum aspernabere silvas.  
 Hic seu te obliquo sub litore glaucus habebit  
 Sequana, seu pictos sub flumine nare phaselos  
 Videris, aut volucres ad ripam ludere currus.  
 Credo equidem, tum nulla animo suspiria duces.  
 Mox ubi fortè vagam vagus ipse incesseris urbem,  
 Quàm varios varia obiiicent spectacula motus?  
 Seu pontis quà curua noui se machina tollit  
 Magnanimum Henricum ingenti exultare colosso,  
 Seu fortè effusos nymphâ Samariide fluctus  
 Aspicias, atque undantem per compita turbam.  
 Seu tibi parte aliâ Luparæ tecta alta superbum  
 Ostendant latus, atque domum prætensa per amplam  
 Porticus affuso præter se porrigat amni,  
 Siue forum, seu magna sacri delubra senatus,  
 Atque Parisiaca spectacula singula pompæ;  
 Non te iam forsàn pecoris, rurisque relictæ  
 Tadebit, nec difficilis fastidia Phœbi  
 Montibus, & siluis planctu narrabis inani.  
 Postquam te nostro Musæ sub monte poetam  
 Sacrarint; quo monte magis se iactat Apollo,  
 Quàm vel Parnassi, vel agrestis vertice Pindi.  
 Hic tu forti animo, nec inertî numine dices  
 Franciadûm pugnas, transmissæque lilia Belgis,  
 Et tristes curas bellantum, & grandia cæpta  
 Monte super nostro referes, ubi pace sub alta,  
 Vatribus, & Musis hæc otia fecit Apollo.

Tum narrabis, uti positis cessabit ab armis  
 Fractus Iber; mox ut totum sperata per orbem  
 Pax ibit, festo pastores carmine pacem,  
 Pacem ipsi agricola, pacem omnis rustica pubes.  
 Sape inclamata, turbâ plaudente, per aras  
 Supplicibus votis, & salso farre piabunt.  
 Hic etiam quacumque vago rumore feruntur  
 Accipies. Quo castra loco nunc ponat Iberus?  
 Quid rerum iam Belgæ agitent? quo litore classis  
 Franca hyemem duret? Quæ sit fortuna Sueco?  
 Quod Marti sit fatum Italo? quibus horrida bella,  
 Inter Hyperboreas glacies, septemque triones  
 Sarmata agat studiis, toto ut pugnetur in orbe.


Nec tibi si silvæ placeant, campique virentes  
 Desuerint, si visum, ibis sæpe inter amœnos  
 Umbrarum tractus, aut quâ se plurima tellus.  
 Induit in flores, & cælo gaudet aperto.  
 Non pictæ florum facies, cantusque volucrum  
 Proinde aberunt, vallésque caua, collésque supini.  
 Hic virides lucos, & opacum frigus ab umbra  
 Captabis, pecorique tuo solatia, puros  
 Monstrabis fontes, & amicos vatibus amnes;  
 Ipse autem nullo contractus corda dolore,  
 Muscosi caput ad fontis proiectus, & herbâ  
 Effultus molli, libabis gaudia ruris,  
 Liber ubi curæ, atque ulmi frondentis ad umbram  
 Ingratos poteris cantando condere soles.  
 Tum tibi Bellaqueum si fors inuisere fontem,



*Siue Ruellæam vicino in rure Napæam  
Contingat, variisque insignes fontibus hortos.  
Fallor; Apollineum ni iam gratabere munus.  
Hæc eadem ut posset, quid non fecisset Alexis?*

*Hæc sunt, quæ nostrâ voluit te voce monendum  
Tymbraus pater. Ergo animis spem præcipe certam:  
Nam te Musæ omnes mysteria nostra docebunt.  
Dixit, & afflictum Daphnim solata reliquit.*





## ECLOGA IV. ALPHONSVS.

Nobilis adolescentis præmaturum obitum  
deplorat Poëta.

**E**XINCTVM dulcis primo sub flore iuuenta  
Alphonsum, magno fuerat qui carus Iulo,  
Filius Alphonso summè dilectus, & Almon  
Ambo pastores, annis florentibus ambo  
Montibus in patriis alterno carmine flebant.  
Primus ubi gemitus agro sub corde repressit,  
Rupibus hæc mærens Ammon iactabat, & auris.  
Quò ferar? Aut quæ me accipiant secreta vagantem  
Antra, quibus iusti causam narrabo doloris?  
Nam postquam rigidi dura inclementia fati  
Eripuit nostri Alphonsum solatia ruris,  
Desperem, quid enim misero mihi denique restet?  
Ille meos habuit, fuerat qui dignus, amores.  
Flli, quod poteram, dum viueret, aurea mala,  
Aurea mala mei longè lectissima ruris  
Donaram, puero Lycidas donata dolebat:  
Et sibi quamquam eadem donari mala rogaret,  
Non tulit Alcinoë, poterat quæ digna videri.  
Solus erat, nostra Alphonsum cui dona parabam.

Ab!:

*Ah! puer alme, tuo nos rurâque funere perdis.  
 Triste satis præceps effusâ grandine nimbus,  
 Triste rosas urens Boreas, triste imber aristis,  
 Tempestas ratibus, nostro tua funera ruri.*

*Ipse tuo nuper pendebam letus ab ore,  
 Cùm mihi Romani laudabas pascua ruris,  
 Et pingues Tyberis ripas, campique Falisci  
 Felices herbas, & dulcem Tiburis umbram;  
 Unde olim Ausonij primum venere coloni,  
 Et Remus, & frater, campis assueta iuuentus,  
 Pastores quondam, ut fama est, omniùmque magistri.  
 Sed quid ego hac iterum, nunc tantùm ingrata reuolvo?  
 Quin potius, nemorum secessus inter opacos,  
 Solus amem longis consumere fletibus auum?  
 Fortè meo vel erunt lacryma medicina dolori.*

*Ante tamen myrtum, & ferrugineos hyacinthos,  
 Et casiam, & violas, & candida lilia carpam,  
 Et cineres, Alphonse, tuos ornabo supremis  
 Muneribus, spargensque rosas altaria circum,  
 Plorabo, & tenui plorans cum murmure dicam:  
 Floribus his, suprema tibi iam munera soluo.  
 His Almon lacrymis, his Ilius ora rigabat.*

*Nam quid ego inuisa durem fastidia lucis?  
 Postquam crudeles superi, crudelia fata  
 Alphonsum rapuere, mori me denique cogis,  
 Nuper eras, qui vita, mei nunc causa doloris.  
 Rumpite pastores calamos, date carmina ventis,  
 Alphonsum periit, non fert iam carmina tempus.*

K.

*Ille dabat calamis animos, cantusque mouebat:*

*Ille & erant calami, & cantus, & carmina curæ:*

*Vidi ego, caelesti quos nectare nuper alebant*

*Pierides, Clarij sub vertice montis, olores*

*Et gemere, & niueo plumas auellere dorso.*

*Turbatisque ferunt errasse per auia castris*

*Rupis apes Claræ, sacro quæ melle beatos*

*Sapius Aonijs vates pauere sub antris.*

*Nam Musis ut apes, Musis ut amantur olores,*

*Tc, Mancine, & apes, & amarunt te quoque olores.*

*Et tua Pan magnus, Franci Pan arbiter orbis,*

*Et fidus Pani tua funera sensit Iulus.*

*Senferunt nympha, senferunt maxima diuûm*

*Numina, quæ magni Panis delubra frequentant.*

*Illum & desertis fleuit sub rupibus Echo,*

*Fleuerunt mæsti fontes, & murmure rauco*

*Narrauere suos offensa ad saxa dolores.*

*Fleuistis Zephyri, & singultibus interruptis*

*Musarum extinctos suspirauistis amores.*

*Ah miserande puer! Postquam te fata tulerunt,*

*Tantum per siluas, & per deserta locorum*

*Ibo: meis fontes lacrymis, & flumina crescent.*

*Alphonsum fontes, Alphonsum flumina flebunt.*

*At Lycidas, puero qui tum suprema parabat,*

*Mecum, ait, ô pueri, date tura, & spargite flores*

*Alphonsq: Alphonsus fieri sibi talia mandat.*

*Hunc volucris raptum vidi super æthera currû.*

*Vesper erat, caloque rubens iam luna sereno*

*Vndique noctivagos stellarum accenderat ignes:*  
*Cùm tenuem, valle ex ima, se tollere fumum*  
*Aspexi, & longo per calum albescere tractu.*  
*Expectabam animi dubius, quid signa ferebant.*  
*Nec mora, siderens pictis exercitus alis,*  
*Celestes formâ pueri toto æthere visi,*  
*Impositi Zephyris liquidas volitare per auras,*  
*Et mirum in morem lato proludere calo.*  
*Tum cætu in medio Alphonsum super astra volantem*  
*Vidimus insignem radius, & luce coruscum.*  
*Alphonsum interea nubes, auraque sonabant,*  
*Alphonsum magno resonabat murmure calum.*  
*Ipse autem calo respectans letus Amyntas,*  
*Exclamat. Superi nunc ô! nunc visa secudent*  
*Præsentes, tanto, post fata, sit omine felix*  
*Alphonsus, caloque bonus nos spectet ab alto,*  
*Morem sideribus si quando imponat, & astris.*  
*Credita res latis pastoribus: illa per agros*  
*Fama volat, totis pastorum carmina siluis*  
*Certatim Alphonsum celebrant ad sidera raptum.*





IESVS LVDENS RVRI  
CVM MATRE.

ODE PASTORALIS,

Quâ ruris beatitas commendatur.

**E**CQUIS hic autem puer, innocentes  
Qui parat lusus? ubi prata mollis  
Collium flexus, tenuisque riui  
Unda coronat.

Tunc stellarum decor, erudite  
Prima natura facies, suprema  
Mentis exemplum, sobolesque magno  
Æqua parenti?

Ecce mortali vice mitigatus,  
Simplici ludens equitas in agno,  
Ipse iam noster patiens vocari  
Pastor, & agnus.

Tuque, tu quondam pede qui tonanti  
Astra calcabas, volucresque stellas,  
Iam super molles violas, & inter  
Litæ ludis.

Virgo non natum decet iste ludus:  
Solis ardentes melius quadrigas

# ODE PASTORALIS.

77

*Franget, & curru superos volanti  
Urgeat orbis.*

*Antequam cæli spatiosus orbis  
Tenderet vastam per inane molem,  
Ille iam nubes super, atque ventos  
Arduus ibat.*

*Si per herbosos tamen est recessus  
Cura ludentem recreasse natum  
Aut reluctanti placet expeditum  
Figere in agno.*

*Hic voluptates, & amantitatem  
Omne rus spirat: sine nube puri  
Hic micant soles; Zephyrique blando  
Murmure ludunt.*

*Mollis hic herbâ vires, & repente  
Sternitur musco via; ne rigentis  
Fors pedes ledat teneros arenâ  
Callis iniquus.*

*Arbores passis tibi, Virgo, lascivæ  
Serviant ramis, nimiosque soles  
Temperant, vdo moderatur æstum  
Gramine tellus.*

*Sive lectorum studiosa florum  
Quæris aptandam puero coronam,  
Aut amas molli digito comantem  
Carpere myrtum.*

*Hic odoratas genus omne florum  
Explicat frondes, rosa purpuratos.*

K iij

*Hic sinus, fuscis viola, nitentes*

*Lilia pandunt.*

*Hinc ad astituum fruticeta solem*

*Diuites tendunt opulenta ramos.*

*Frugibus felix beat arua largo*

*Copia cornu.*

*Terra, quae dorso tumet eminenti,*

*Sponte se Baccho dedit, at patentes*

*Fusa per campos Cerei laborat*

*Vbere glebâ.*

*Sine te fontes, & amena lymphis*

*Prata delectent, ubi blandienti*

*Garriat latam querulus per herbam*

*Murmure riuus.*

*Non procul leni fluit vnda cursu,*

*Nulla quam turbat ratis inquieto*

*Remigum pulsu, vacat otiosis*

*Ripa phaselis.*

*Vna per campos aqua delicatum*

*Vitreo labens ciet ore murmur.*

*Blanda labenti simul, & strepenti*

*Obstrepit aura.*

*Humidum litus reper, & palustri*

*Textitur iunco; per aprica riuum*

*Arua ludentem tegit explicatis*

*Fronibus arbos.*

*Quid voluptates memorare pergam*

*Ceteras ruris tibi preparati?*



*Ipsa ridentis plaga ridet omnis*

*Ore puelli.*

*Pastor erranti grege feriatus*

*Inflat argutâ calamos sub orno.*

*Valle respondet vagus in reducta*

*Carmina pagus.*

*Inserim plaudunt hilarata cantu*

*Rura, persultat pede pulsa tellus,*

*Mugiunt valles, omnibusque pastis*

*Flumina balant.*

*Personat festo nemus omne plausu,*

*Ales exultans volat, & sonoris*

*Cantibus mutas animasse rupes*

*Gaudet acanthis.*

*Garrulus surdas Zephyrus volatu*

*Prouocat frondes, ubi purus unda*

*Humor obliquo per agros laborat*

*Serpere cursu.*

*Illâ natura fuit innocentis*

*Forma, cum prisca niueque mores,*

*Dumque sub primi bona mens vigeat*

*Tempora mundi.*

*Si quid astiui per agros calor*

*Fortè vitalem reperfecit auram,*

*Obuiam ramo nemus imminenti*

*Porrigit umbram.*

*Prona se nato simul, & parenti*

*Quercus affundit super, & reclin*

*Incubans natum paritêrque matrem*

*Fronde coronat.*

*Perge felices agitare lusus,*

*Virgo, ludentem mea te sonabit*

*Musa: te semper puerûmque; iugi*

*Carmine dicam.*

*Sic ames dulcem recreare natum,*

*Vt tuo vati, miseroque pacem,*

*Ore quo ridet bonus, & quietem*

*Annuat orbi.*

FINIS.



DISSER-

DISSERTATIO  
DE  
CARMINE  
PASTORALI.

62

DISSERTATIO

DE

CARMINE

PASTORALI



# DISSERTATIO

## CARMINE PASTORALI.

### P R Æ F A T I O.



E Poëtica præcipere velle, de qua, nostrâ & superiori ætate, tam multa præcepta sint, ut operæ parum utilis esset, & nimis otiosæ; sic de ea poëtica parte tractare, de qua nihil hætenus præceptum sit, poterit esse nec inutile, nec inuicundum. Cum enim pastorale carmen per se delicatissimum, vetustissimumque sit, habebit eius tractatio, quod & non displiceat eruditis, qui id temporis aliqui sunt, & quod amœnitæ suæ curiosis satisfaciatur, qui sunt bene multi; Non potest enim dici, quanta sit nunc, apud homines nostros eorum multitudo, qui se de

*A Iulio Scaligero.  
Minturno, Vossio,  
& aliis tractatum  
de hoc carmine le-  
uiter, nihil accu-  
ratè præceptum.*

dant litteris amœnioribus : sic ut in hac ciuitate, quæ semper omnis vrbauitatis parens iure existimata est, nemo sit liberalis & honestus, quem non artium ingenuarum amor ceperit. Quod cum reputarem apud me, venit in mentem mirari, in tanta, quæ nunc est amœniorum studiorum curiositate (nam hodie multo magis quam olim *studiorum amœnitates querimus*, qui de hoc carmine diligenter & accurate præceperit, fuisse neminem.

I Videbam ceteras politiorum Musarum partes hominum nostrorum studio, & operâ florentissimas, scenam poëtarum arte celebratam, in reliquis poëticae partibus cum laude laboratum; mirabar hanc vnam relictam à nostris, ac pacifice desertam. Opinor, quod ut obseruatum à Fabio Institutionum oratoriarum lib. i. proem. *nullam ingemj sperantes gratiam, circa res procul ab ostentatione positas*, eorum simus multo negligentiores. Nam ut omittam reliquas artes: quis nostrâ urate, si modo honestus, ingeniosusque haberi velit, vel non sit poëta, vel non videri amet? Peritos iuxta & imperitos inflammauit poëtica drama vis, adeo ut in tanta tamque communis animorum inflammatione quidam quasi furor sit, non esse poëtam. Parum etiam fuit, ut omnia carminibus personarent; quod in poëtica summum est, affectauimus, quodque vix

Plin. Præfat. ad  
Vespasianum.

semel & iterum bene cessit omni retro antiquitati, tentauit iam sæpius ætas nostra, vt carminis epici maiestatem sustineret. Non hîc sæculi fiduciam accusabo, loquantur magna, quibus os magnum est, & tantum scribat vnusquisque, quantum in scribendo valet. Ipse, dum tubam heroicam tractant tam multi, referam me ad agrestium calamorum gracilitatem, si modestus sim: nam mihi, vt Theocriteo pastori, debet esse satis canere ad fistulam,

Ἐπει μὲν μοι καλέμας αὐτὸν πομπύσδην ἔχοντι.

Idyll. 5.

Vt autem parum laudis afferat rei tractatio ita leuis, tamen de litterarum dignitate merebor fortasse aliquid; si hoc elegantioris litteraturæ quasi instrumento musarum cultum locupletauerim; fecerimque pro communi litterarum bono; ne vel illa quidem pars eruditionis omnium fortè tenuissima negligatur. Quod, opinor, ero consecutus; postquam, quæ dignitas huius carminis, tum quæ materia & forma; mox quæ sitars illius ac disciplina, postremo quas habeat difficultates expoluero: quæ quatuor partes sunt, quibus continebitur omnis à me suscepta de carmine pastoralis disputatio.





## P A R S   P R I M A.

DE DIGNITATE, ANTIQVITATE,  
*origine, caterisque partibus, qua pertinent  
 ad commendationem carminis  
 pastoralis.*

Poëtica commen-  
 datio.



E re proposita, quod dicturus sum,  
 vt conferam in quatuor paucissima,  
 de poëtica facultatis excellëntia ni-  
 hil dicam in vniuersum; artem om-  
 nium humanarum diuinissimam, quod à Plato-  
 ne in Ione, ab Aristotele in poëtica, ceteris-  
 que eruditis video iactari, præteribo; vt me  
 referam ad institutum, quod qui reprehen-  
 dant, fortasse non deerunt. Cum enim agam  
 de ea poëtica parte, quæ, vt dictum à Fabio,  
 propter rusticitatem suam, *urbem reformides*: peri-  
 culum est ne videar imitator Nicocharis, qui vi-  
 ros deterioris vel oris, vel indolis, vel fortunæ,  
 repræsentandos sibi proponebat. Sunt enim qui  
 totum hoc vitæ pastoritiæ institutum sordi-  
 dum, & abiectum putent. Illud enim primum  
 occurrit, in quo negotium fieri possit à seue-  
 rioris disciplinæ hominibus. At si pastoritiæ  
 conditionis dignitas attendatur, reprehensionis

Lib. 10. c. 1.



istius purgatio non erit admodum difficilis. Ut enim heroicum carmen ab herois conditione habet commendationem, sic pastorale à conditione pastoris.

Quam ut declarem, non requiram hinc vel fabulorum, vel heroicorum temporum auctoritatem; tamen in illis deum pastorem habuerint Thessali montes; in his verò Herculem heroum principem (sic enim appellatur à Paterculo) tulerit armentarium ager Auentinus. Quæ tamen ad fidem faciendam parum idonea sint: his tamen satis declaratur, pastorale munus fuisse aliquando eiusmodi, quod vel à diuinitate numinis, vel ab herois dignitate, temporibus iis, quæ fabularum vestigiis nobilitata sunt, non videretur alienum. Quod ad pastoritæ conditionis commendationem si valere non possit, poterit illius excusare vilitatem, quæ nec diis olim, nec heroibus indigna visa sit.

*Pastoritæ conditionis dignitas.*

Lib. I.

Verum ut omittam fidem poetarum, sacris annalibus proditum habemus, principes viros Jacob & Esaü, pecori colendo dedisse operam. Quod Amos, è stirpe regia, ipse etiam de se profitetur. erat enim in pastoribus Tecuè vitæ pastoralis deditus. Mosem à Deo ad principatum pastoralis munere fuisse præparatum innuit Philo in eius vita quam scripsit: cum docet pa-

Amos I.

foralem artem, ad imperium esse quandam quasi præparationem. Idem docet in vita Iosephi, ubi monet curam pastionis esse disciplinam, quæ cum civili conueniat. Basilii in oratione de S. Mamm. Martyre, idem habet de Dauid, qui ab arte pastoralis peruenit ad regnum: ait enim artem pascendi, & regnandi esse coniunctissimas, eaque vocat sorores. Quod fecit, credo, cur apud Græcos, reges ac principes nullo alio nomine magis gloriarentur, quam pastoris. Nam ut proditum est à Varrone, *de antiquis illustrissimus quisque pastor erat*; ipsumque populum mundi principem à pastoribus ortum nullus est, qui nesciat; cum Romulum antea pastorem, regem deinde fecerunt aues Palatinæ. Quo tempore, ut testatur Ouidius,

*Seruabátque suas ipse Senator oues.*

Vitæ pastoritiæ quandam quasi beatitatem diuinitatemque exprimit Lucretius,

*Per loca pastorum deserta, atque otia dia.*

Quæ causa fuit, opinor, cur Musis ruris solitudo, secessusque silvarum, beatique illius otij securitas tantum placeret. Sic enim nobis eas re præsentat Horatius,

*Gaudentes rure Camæna.*

Quod prius obseruatum erat à Mnasalce Sytyonio, in eo epigrammate, quo Venerem celebravit.

Faust. 1.

Vita pastoritia  
beatitas.  
Lib. 5.

Lib. 1. Sat. 10.

αὐτὸ δὲ ἀγρία μῦστα ἐν ὄρεσι.

πέμμεται.

*Agræstis musa in montibus locum habet.* Ruris enim amœnitas sic est interdum amabilis, ut vel ab iis etiam, qui tardiori pinguiorîque sunt ingenio, vim & acumen impetrare queat. Certè tot inter tantâsque vel libidinis, vel ambitionis contentiones, quæ flagrant in vrbe, non video quid loci Musis relictum esse possit.

At ut dicam ipse quod sentio, (nam de pastorum integritate, sanctissimisque moribus, quæ fusè disputantur à declamatoribus in schola, non dicam hoc loco) longè beatior mihi videtur in silvis, qui hoc vniuersum, atque in eo solem, & astra, pratorum amœnitatem, opacitatem nemorum, riparum viriditatem, proceritates arborum, fontium perennitates, lapsusque, & errores fluminum, quibus continetur vita omnis pacata & innocens, securus tanquam sua contemplatur; quàm qui ferro, & cædibus grassatus, tantùm possidere se putat, quantum vastando, populandoque consecutus est. Pacem quærit armis Cæsar Augustus ad Auroræ populos: quibus susceptorum terrâ, marique itinerum incommodis? Quo animorum æstu? Qua trepidatione? Dum amorum securus, otiosus in umbra, paruoque contentus Tityrus docet silvas suam resonare Amarylli-

M

dem. Ex altera parte fugit Melibœus exul, à patria & profugus, fugit & Antonius, pastor ille, hic in republica princeps: quàm dispar utriusque fortuna! Fugit pastor patientissimus sui, æquissimo animo, dum perditus, & impotens Antonius, desperatâ sui suæque salute, furit atrociter & tererrimè in semetipsum; quo tam tristi, & luctuoso casu non video quid perditius esse possit. Nihil enim est tam miserabile, quàm ex beato florentique miser. Ex quo patet quantùm magnæ & illustris fortunæ splendori, quod rumore vulgi laudari solet, pastoritiæ conditionis simplicitas anteponenda sit. Tantæ autem simplicitatis quæ viget apud pastores forma, quid præ se fert aliud, quàm primæ hominum innocentie auream ætatem, & beatam imaginem illorum temporum, quibus candor, innocentia, pax, otium, faultitas ruri regnare videbantur? quod fusè describit poëta:

Georg. 1.

*Hic secura quies, & nescia fallere visa,  
Diues opum variarum, hic latis otia fundis,  
Spelunca, vivique lacus, ac frigida Tempe,  
Mugitusque bouum, mollésque sub arbore somni  
Non absunt, &c.*

Epod. 1. Ode 1.

Sic Horatius:

*Beatus ille qui procul negotiis,  
Ut prisca gens mortalium, &c.*

*Dignitas carmi-  
nis bucolici.*

Ex quibus sua laus, dignitasque constare po-

rest carmini bucolico, quod, quantum commendationis habet ætas aurea supra heroïcam; tantum carmini heroïco anteponi possit. Id tamen sic est accipiendum, vt si carminis heroïci spectetur maiestas, excelsitasque, illi primæ partes tribuendæ sint; si sermonis ingenuitas, mundities, elegantia, venustas, lepores, & quidquid cultus est politioris, posteriores. Plenissimum enim est hoc carmen suauitatis, elegantix, & amœnitatis: quod apud suauiorum Musarum studiosos, per sese magis compertum est, quàm vt requirat plus lucis. Neque enim probabile est, Asinium Pollionem, Cinnam, Varum, Cornelium Gallum, viros suauissimi ingenij, & ætatis omnium elegantissimæ, ipsumque adeò Augustum Cæsarem, vt Reipublicæ, sic elegantix Romanæ principem, Virgilij bucolicis tam mirificè fuisse delectatos; neque iis Virgilium ipsum tam singularis prudentiæ, iudicii que tam politi virum, eclogas suas consecrasse, nisi eximium quiddam, & exquisitioris elegantix in eo carminis genere contineri intellexisset, quod longè supra vulgi captum positum sit. Certè si Ludouico Viues viro pererudito, omnisque elegantis doctrinæ commendatione nobili credimus, sublimius aliquid, excellentiusque præ se fert carmen illud, quàm putet vulgus grammaticorum, quod suo loco fusiùs

In præfat. ad Virgilij bucolica.

M ij

disputabitur : nunc de carminis istius antiquitate dicendum.

*Carminis pastorij antiquitas.*

Lib. 1. poëtic. c. 4.

Cùm Linus, Orpheus, Eumolpus, longè ante Troiana tempora, nomen suum carminibus celebrarint; non videntur audiendi, qui poëticæ initium ad hæc tempora referant : plus placent ij, qui ad ipsa mundi primordia reuocant eius originem. Quod cùm de poëtica in vniuersum sumpta debeat intelligi, tum maximè de pastorali; quod poëmatis genus omnium vetustissimum, ex antiquissimo viuendi more ductum docet Scaliger : *Modulatio in pastionibus inuenta primùm vel natura impulsu, vel auicularum imitatione, vel arborum sibilis.* Cùm enim primi mortaliū vel pastores, vel aratores fuerint, pastoresque aratoribus, vt ex Thucydide primùm, tum ex Varrone colligi potest, antiquiores, primi omnium vel otio conditionis excitati, canticiones meditati sunt; vel, quod Lucretio magis probabile visum est, auium imitatione.

*At liquidas auium voces imitauer ore  
Antè fuit multò, quàm leuia carmina cantu  
Concelebrare homines possent.*

Lib. 6.

Certè carmina à rure primùm profecta tam plannum est, vt res ipsa per sese perspicua sit, quod satis disertè docet Tibullus,

Lib. 2. Eleg. 1.

*Agricola assiduo primùm lassatus aratro  
Cantant certo rustica verba pede :*

*Et satur arenti primùm est modulatus auenâ*

*Carmen, ut ornatos duceret ante deos.*

*Certo pede.* Quod Bern. Cyllenius Veronensis interpretatur definitâ rhythmorum lege: nam Censorinus testatur cantus fuisse antiquiores ex numeris parum certis, qui deinde sub legem & normam venerint. Sic enim à natura comparatum est, ut ab imperfectis, & simplicibus initiis prima rerum ducantur exordia, quæ suis deinceps perficiantur accessionibus, & incrementis. Cuiusmodi erant ea, quæ primùm ludebant Ausonij pastores & agricolæ carmina, apud Virgilium:

Lib. de die natali.

*Ausonij Froiâ gens missa coloni*

2. Georg.

*Versibus incomptis ludunt.*

Lucretius lib. 5. de rerum natura docet, pastores ab aurarum, Zephyrorumque respiracione admonitos, calamos, & arundines inflasse primùm, tum cantilenas instituisse ad numerum. sic ille:

*At Zephyri, cana per calamorum sibila, primùm*

Lib. 5.

*Agrestes docuere cauas inflare cicutas.\**

*Inde minutatim dulces didicere querelas,*

*Tibia quas fundit digitis pulsata canentum,*

*Auia per nemora, ac siluas, saltusque reperta.*

Vnde manifestum est ortam poëticam à priscis illis temporibus, quibus vita pastoralis primùm exerceri cœpta est. Quod & docet Donatus in

M iij

Lib. 1.

vita Virgil. & Pontanus de stellis satis monet his versibus:

*Hic videas amnem ad rapidum, viridante sub alno,  
Pastores miscere novas per prata choreas.  
Sic primùm cecinit teneros nova fistula amores,  
Insuetùmque suæ carmen modulatus amica  
Upilio.*

*Cetera carmina  
à pastorali orta.*

Ita ioci Fescennini post condita frumenta nati.  
Tum vindemiatorum, messorùmque cantiones  
repertæ, quarum in Theocriti *Idyllis* elegans  
habetur exemplum.

Ab illo rei poëticæ quasi ortu, carmen assurgere cœpit ad maiora. Nam ex mutuis colloquiis pastorum & agricolarum, comœdia primùm, quæ vitæ priuatæ disciplinam tradit, tum tragœdia, mox epica, quæ illustris & heroïca, orta est, ut nobis author est Maximus Tyrius dissertatione 21. ubi docet agricolas à messe, vel semente sordidos, ac pastores, subitas quasdam, & ex tempore, cantilenas fundere solitos; à quibus tandem initiis paulatim animus deflexit ad artem scenicam, & theatralem. Hæc de vetustate illius carminis: nunc de origine.

*Varia opiniones  
de carminis bu-  
colici origine.*

De qua magnopere video disputari inter eruditos: nam à quo primùm auctore profectum sit carmen pastorale, non satis compertum: certè aurei sæculi proprium, adeoque beatæ illius ætatis inuentum esse, traditum habemus à



Donato. At quo auctore, quo loco, quo primum tempore, qua occasione repertum sit, magna est, & hactenus non satis expedita controversia.

In vita Virgil.

Epicharmus Pythagoræ discipulus ἐν ἀλκυόνι facit Diomi cuiusdam Siculi mentionem, quem carmen pastorale inuenisse primum tradit Athenæus: *ὡς ἔστι τῶν ἡγευμένων τῶν βοσκημάτων ὁ βοκολισμὸς καλούμενος. Δίωμος ὁ ὀβουκόλος Σικελιώτης, ὁ ποιεῖ τις βίβων ὅς ἐστι βόες. Eorum, qui pecudes ducebant ad pabula, cantio fuit bucolicum carmen. Diomus bubulcus ἐστὶν Σικιλία πρῶτος ἡνέκτιστο ἰδίῳ γένει καντιόνος.* Lib. 14.

Diodorus Siculus, ὁ ἐν τοῖς μυθολογούμενοις, Daphnidi illi, qui Mercurij & Nymphæ fuit filius, id tribuere videtur: vnde Theon antiquus Theocriti Scholiastes in idyllij primi explicatione habet: *ποιεῖ τις βίβων βοκολικῶν, πρῶτος ἡνέκτιστο ἀρτεμὴς βοκολικῆς καμίνης, κὺν δὲ δαφνίδος μὲντιονὴν facit: quem τὸν μῶσις φίλον ἀνδρᾶ, Μῦσις καρισσὶν Idyl. 1. mum virum, vocat Theocritus. Assentitur Diodoro Polydorus Virgilius, qui Daphnin perhibet huius carminis inuentorem.* Lib. 5.

Mnaseas verò Patarensis in iis, quæ scripsit de Europa, hæc habet de quodam Panis pastorum Dei filio: *παιὸς υἱὸν βοκολίωνα, ἀφ' οὗ ἔστι βοκολία. Panis filium bubulcum, à quo ἐστὶν bucolicè canere.* Incertum tamen senseritne id Mnaseas de poësi bucolica, an de pastu pecorum. Si fides

habeatur Vallæ, de bucolico carmine est accipiendum.

Lib. 10. c. 18. de varia historia.

Visum tamen aliter Æliano, qui à Stesichoro Himeræo carmen pastorale repertum fidenter asserit. Στοιχεῖον γὰρ τοῦ Ἱμεραίου τῆς ποιήσεως μελοποιίας ἀπὸ Στάσου. *Stesichorum Himeræum huius compositionis auctorem.* Vbi addit bucolica de Daphnide Mercurij filio, in Sicilia primùm cantari cœpta.

Non desunt, qui Libero nympharum, satyrorum, & id genus rusticorum numinum principi, credo quòd ruri delectabatur, id carmen tribuant; Apollini verò Némio pastorum Deo alij, quâ tempestate regis Admeti boues, & armenta pascebat in Thessalia. Nam credibile est eum, ut otium suum oblectaret, cantilenis conditioni pastoritiæ consentaneis dedisse operam: Pani pastorum Deo non pauci, Dianæ silvarum & solitudinis peramanti plures, Mercurio nonnulli carmen hoc existimant referendum: quæ omnia cum garriunt grammatici, more suo liberaliter nugantur; fabulas enim afferunt, quibus circumduci se sinunt simplices; nos res quærimus.

Vt de auctore carminis bucolici, sic de patria variè disputatur: quam Spartam alij, quidam Peloponesum, Thessaliam non pauci, plures Siciliam esse volunt.

Valla

Valla Placentinus antiquitatis inuestigator non indiligens, apud Lacones ortum hoc carmen habuisse existimat. Cùm enim Persæ vniuersam propè Græciam bello vastassent, Lacones aiunt barbarorum metu perculsos, abdidisse se in latebras: pubémque rusticam, quæ id temporis metu delituerat, Dianam Caryatidem per agros celebrare cœpisse cantilenis, vnà cum virginibus, quæ flores Dianæ, inter cantandum, offerebant. quæ consuetudo, vt habebat aliquod specimen religionis, diu multumque his in locis sanctissimè obseruata est.

Ortum verò in Sicilia carmen bucolicum censet Diomedes grammaticus, eo libro quem scripsit de metris: quo in loco tradit Siculos pastores, agris summâ pestilentia vi desertis, Dianam variis ceremoniis placare cœpisse, quam deinde, pro implorata ope, & peste sedata, *Αἰτω*, quasi malorum liberatricem appellarunt. Tum res ducta in consuetudinem, vt pastores ad celebritatem conuenirent frequentissimi, laudesque Dianæ, cuius ope liberati fuerant, canerent: qui deinde cùm transissent in Italiam, Bucoliastæ sunt appellati.

Pomponius Sabinus rem ita narrat. Cùm Dianæ hynni à virginibus, ob belli metum, intra mœnia vrbiū latentibus, toto rure deserti essent, conuenisse pastores, & hoc genus

N

carminis, quod nunc bucolicum appellatur, Dianæ cecinisse, cui suus pro more cultus exhiberi non poterat.

Donatus verò, ab Oreste per Siciliam vago, & erranti, id genus carminis Dianæ cantatum affirmat, quo tempore è Scythia Taurica profugerat, rapto deæ simulachro, abditoque in falce lignorum, vnde Fascelinam Dianam siue Phacelidem *ἀπὸ τῆ φακίλης* appellatam perhibet: apud cuius aram ipse deinde Orestes per sororem Iphigeniam sacerdotem fuerat expiatus. At quam fidem sibi faciat tantæ fabularum licentia, in tali auctorum non optimorum disensione?

Placitum nonnullis, circa agros & oppida, solitos fuisse pastores composito carmine deam Palem celebrare, vt amplo prouentu, & beatâ vbertate, pecora, & fruges fortunaret: inde diu nomen, ritumque bucolicorum retinuisse.

Alij, pro sua vel ingenij bonitate, vel perspicientia, alia aut coniiciunt, aut diuinant. In tam difficili controuersia sic pronunciat Vossius: *In hoc veterum dissensu; iis potius accessero, qui arbitrantur inuentum hoc carmen à Peloponnesijs, vel Siculis. Utrique enim Doricè loquebantur, & bucolicum carmen Græcis Doricè solùm est scriptum.*

Ego verò sic existimo, idem de carminis bucolici inuentore dici posse, quod dictum ab Ho-

ratio in poetica, de carminis elegiaci auctore:

*Quis .... elegos emisit auctor*

*Grammatici certant, et adhuc sub iudice lis est.*

Nam certum super ea re nihil habeo, quod suspicer: cum neque Valla satis accuratus istarum rerum aestimator, neque quisquam recentiorum quidquam afferat, in quo hærere possim. Tamen quod initium habuerit carmen illud, coniecturâ duci posse mihi videor ad suspicandum. Nam credibile est, primos pastores otium suum in pascendis gregibus oblectare cantilenis, atque ut quisque pollebat ingenio, carmina ad conditionem suam accommodata, pro re nata, canere solitos, quemadmodum ferebat & ipsa ruris solitudo, & desidiosissimum vitæ pastoralis otium postulabat. Ut enim secessus, otium, & solitudo locum dabant meditationi: meditatio, commentatioque carmen, quod est oratio cantui accommodata, & cantilenas efficiebat. Quod contigit Hesiodo, qui cum <sup>λόγος μεμνημένος</sup> <sup>105.</sup> pasceret greges in Helicone, sibi vim fundendi carminis inditam, poetamque se esse factum <sup>In Theogonia.</sup> profitetur.

*ἄρτας ποιμήνιοιθ' ἑλικῶνος ὑπὸ ζαθέοιο.*

*Pascentem dulces agnos Helicone sub alto.*

Habet enim aliquid, pastoris vel otium, vel ingenium, quod inspiret quodammodo vim fundendi carminis.


N ij

In quo assentior Lucretio accuratissimo naturæ peruestigatori, qui iam tum ab illa innocentissima, quâ florebat aurea ætas, tempestate, docet carmen pastorale fuisse in usu. Postquam enim descripsit beatissima hæc tempora, libro quinto de rerum naturâ, hæc subdit:

*Agrestis enim tum musa vigeat.*

Ex quo manifestum est, ut ab ipso Donato est obseruatum, carmen pastorale ætatis aureæ, si quæ fuit vnquam, aut certè pristinæ illius, quæ primis mundi temporibus florebat, simplicitatis, & innocentie esse inuentum. Nam quamuis ætas aurea locum ferme non habuerit, nisi in fabulosorum temporum commentis: tamen primæ mundi ætatis mores fuisse liquet ita simplices, & apertos, ut ab eis & carminis bucolici, & pastoricie conditionis forma meritò peti posset.





## PARS SECVNDA.

DE CARMINIS PASTORITII  
*constitutione, & natura.*

Nunc de ipsa pastoritij carminis constituendi ratione quærendum, peruestigandaque omnis eius natura. Qui locus non potest esse non perdifficilis: cum ducem non habeam quem sequar, aut Aristotelem, aut Horatium. mirum enim de hoc carmine apud utrumque silentium. Sic autem statuo, neminem in toto rei poëticæ negotio insistere tutò posse, si ab utroque deseratur. Cum pleraque fæmen in poëticæ genus, ab iis definita sint, vniuersum, quæ lucem institutæ quæstioni afferre queant: eorum vestigiis, quoad potero, insistam.

Artis poëticæ genus vniuersum imitationem esse quandam, non Aristoteli modò, sed etiam Horatio placitum est. Nam de Platone, cui idem visum est in lib. 2. de repub. & in Timæo, nihil est hoc loco, quod laborem. Vt autem comœdia, ex Aristotele, est imago vitæ popularis, & vrbana: sic pastoralis poëtica, vi-

*Poëtica genus vniuersum esse imitationem.*

*Lib. de poëtica cap. 1.*

ta rustica, & pastoralis. Cum enim poetica vni-  
 uersa, imitatio sit: species eius singulas imitari  
 necesse est; quod docet Aristoteles cap. i. *πᾶσαι*  
*τοῦ γένους εἰσὶ μίμησις*: *singula species poetica sunt*  
*imitationes*. Quæ in eo singulæ differunt, quod  
 vel rebus genere diuersis, vel alia, vel aliter imi-  
 tentur, & ab ipsa imitationis vel ratione, vel  
 instrumento, vel subiecta materia, diuersæ sint.  
*ὁ τραγῳδία ἑστὶν ἀπορίας ἢ μίμησις ὅστων ἐν οἷς, καὶ αἰ, καὶ*  
*ᾄς*. Sic epicus licet in eo conueniat cum tragi-  
 co, vt circa actionem illustrem imitandam ver-  
 setur: tamen quod hic repræsentando imite-  
 tur, ille narrando, vterque imitationem consti-  
 tuit specie diuersam. Comicus autem, & fragi-  
 cus tametsi eodem instrumento vtantur, nam v-  
 trique communis est repræsentatio: quia tamen  
 proposita vtrique materia diuersa est, actio illu-  
 stris tragico, comico vulgaris, vtriusque imita-  
 tio diuersæ est speciei. Quapropter cum pasto-  
 ralis poetica pastoris actionem sibi proponat  
 imitandam: peculiarem imitationis differen-  
 tiam à subiecta re induit, quâ à toto genere se-  
 iungatur.

*An carmen pa-  
 storale locum ha-  
 beat inter species  
 ab Aristotele re-  
 censitas.*

At difficultas oritur hinc non mediocris, quam  
 mouet Benius in poeticam Aristotelis: an car-  
 men pastorale in facta diuersarum poeticæ spe-  
 cierum à Philosopho cap. i. recensione appella-  
 tum sit, an prætermisum. Controuersiam inter:



eruditos super hac quæstione video plenissimam  
 dissensionis : quæ ipsi Benio vel soluenda erat,  
 vel certè non attingenda. Sunt qui genus hoc  
 carminis ad eam speciem reuocent, quæ tibiis  
 vitur. nam bucolicos versus ad tibiam cantita-  
 ri solitos auctor est Apuleius : Paniscum enim Metamorph lib. 6.  
 inducit in nuptiis Psyche bucolica ad tibiam can-  
 nentem. Sed quid velit Aristoteles per eam spe-  
 ciem, quæ tibiis vitur, quam vocat *αὐλητικὸν*,  
 quòd illi non satis attendant, parum videntur  
 audiendi. An si canat Æneidem ad lyram Io-  
 pas aliquis, vt factum à nonnullis monet Ant-  
 Lullus : ideò diuinus ille, & incomparabilis car- Lib. 7. de oratione  
cap. 5.  
 minis heroïci magister inter lyricos erit recen-  
 sendus?

Non desunt qui cum Casio Basso, & Isacio  
 Tzerze factam ab Aristotele, & à Tullio poë- Cap. 1. de poëtica.  
Libro de optimo  
orat. genere.  
 ticæ distributionem, imperfectam esse velint :  
 præcipuas quidem species ab iis recensitas, o-  
 missas leuiore, Non hic agitabo controuersiam  
 excitatam inter criticos, an integra Aristòtelis  
 poëtica peruenerit ad nos : quæ profectò ma-  
 gna est. Nam Laërtius, qui rem accuratè ex-  
 pendit, testatur vnum & alterum ab eo scri-  
 ptum de poëtica librum ; periisse alterum, alte-  
 rum verò ad nos peruénisse, quod non existi-  
 mat Mutinensis. Sed vt res definiatur, malim  
 assentiri Vossio, qui philosophum cæteras poë-

ta rustica, & pastoralis. Cum enim poetica vniuersa, imitatio sit: species eius singulas imitari necesse est; quod docet Aristoteles cap. 1. *πάντα τὸν γένους ἕκαστα μιμήσθαι*: *singula species poeticae sunt imitationes.* Quae in eo singulae differunt, quod vel rebus genere diuersis, vel alia, vel aliter imitentur, & ab ipsa imitationis vel ratione, vel instrumento, vel subiecta materia, diuersae sint. *ὁ τε γὰρ ἐν τῷ αὐτῷ διαφέρει ἢ μιμήσθαι ὅτι καὶ οἷς, καὶ ἄ, καὶ ὧς.* Sic epicus licet in eo conueniat cum tragico, ut circa actionem illustrem imitandam versetur: tamen quod hic representando imitetur, ille narrando, uterque imitationem constituit specie diuersam. Comicus autem, & tragicus tametsi eodem instrumento utantur, nam utrique communis est representatio: quia tamen proposita utrique materia diuersa est, actio illustris tragico, comico vulgaris, utriusque imitatio diuersae est speciei. Quapropter cum pastoralis poetica pastorem actionem sibi proponat imitandam: peculiarem imitationis differentiam à subiecta re induit, quā à toto genere coniungatur.

An carmen pastorale locum habeat inter species ab Aristotele recensitas.

At difficultas oritur hinc non mediocris, quam mouet Benius in poeticam Aristotelis: an carmen pastorale in facta diuersarum poeticarum specierum à Philosopho cap. 1. recensione appellatum sit, an praetermissum. Controuersiam inter:

eruditos super hac quæstione video plenissimam  
 dissensionis : quæ ipsi Benio vel soluenda erat,  
 vel certè non attingenda. Sunt qui genus hoc  
 carminis ad eam speciem reuocent, quæ tibiis  
 vtitur. nam bucolicos versus ad tibiam cantari  
 solitos auctor est Apuleius; Paniscum enim Metamorph lib. 6.  
 inducit in nuptiis Psyche bucolica ad tibiam ca-  
 nentem. Sed quid velit Aristoteles per eam spe-  
 ciem, quæ tibiis vtitur, quam vocat *αὐλητικὸν*,  
 quòd illi non satis attendant, parum videntur  
 audiendi. An si canat Æneidem ad lyram Io-  
 pas aliquis, vt factum à nonnullis monet Ant-  
 Lullus: ideò diuinus ille, & incomparabilis car-  
 minis heroïci magister inter lyricos erit recen-  
 sendus?

Lib. 7. de oratione  
cap. 5.

Non desunt qui cum Cæsio Basso, & Isacio  
 Tzerze factam ab Aristotele, & à Tullio poë-  
 ticæ distributionem, imperfectam esse velint :  
 præcipuas quidem species ab iis recensitas, o-  
 missas leuiore, Non hic agitabo controuersiam  
 excitatam inter críticos, an integra Aristotelis  
 poëtica peruenerit ad nos : quæ profectò ma-  
 gna est. Nam Laërtius, qui rem accuratè ex-  
 pendit, testatur vnum & alterum ab eo scri-  
 ptum de poëtica librum; periisse alterum, alte-  
 rum verò ad nos peruénisse, quod non existi-  
 mat Mutinensis. Sed vt res definiatur, malim  
 assentiri Vossio, qui philosophum cæteras poë-

Cap. 1. de poëtica.  
Libro de optimo  
orat. genere.

ta rustica, & pastoralis. Cùm enim poëtica vniuersa, imitatio sit: species eius singulas imitari necesse est; quod docet Aristoteles cap. 1. *πᾶσαι τὴν γὰρ αἰσθητικὴν ἔχουσιν μιμήσεις*: *singula species poëtica sunt imitationes.* Quæ in eo singulæ differunt, quod vel rebus genere diuersis, vel alia, vel aliter imitentur, & ab ipsa imitationis vel ratione, vel instrumento, vel subiecta materia, diuersæ sint. *ὡς τε ποιεῖ δὲ τὸ αἶσθητικὸν διαφορᾶς ἢ μιμήσεως ὅστις ἐστὶν οἷς, καὶ ἄλλῃ.* Sic epicus licet in eo conueniat cum tragico, vt circa actionem illustrem imitandam versetur: tamen quod hic representando imitetur, ille narrando, vterque imitationem constituit specie diuersam. Comicus autem, & tragicus tamen eodem instrumento vtantur, nam vtrique communis est representatio: quia tamen proposita vtrique materia diuersa est, actio illustris tragico, comico vulgaris, vtriusque imitatio diuersæ est speciei. Quapropter cùm pastoralis poëtica pastoris actionem sibi proponat imitandam: peculiarem imitationis differentiam à subiecta re induit, quâ à toto genere coniungatur.

*An carmen pastorale locum habeat inter species ab Aristotele recensitas.*

At difficultas oritur hîc non mediocris, quam mouet Benius in poëticam Aristotelis: an carmen pastorale in facta diuersarum poëticarum specierum à Philosopho cap. 1. recensione appellatum sit, an pratermissum. Controuersiam inter

eruditos super hac quæstione video plenissimam  
 dissensionis : quæ ipsi Benio vel. soluenda erat,  
 vel certè non attingenda. Sunt qui genus hoc  
 carminis ad eam speciem reuocent, quæ tibiis  
 vitur. nam bucolicos versus ad tibiam cantita-  
 ri solitos auctor est Apuleius : Paniscum enim Metamorph lib. 6.  
 inducit in nuptiis Psychès bucolica ad tibiam ca-  
 nentem. Sed quid velit Aristoteles per eam spe-  
 ciem, quæ tibiis vitur, quam vocat *αὐλητικὸν*,  
 quòd illi non satis attendant, parum videntur  
 audiendi. An si canat Æneidē ad lyram. Io-  
 pas aliquis, vt factum à nonnullis monet Ant-  
 Lullus : ideò diuinus ille, & incomparabilis car- Lib. 7. de oratione cap. 3.  
 minis heroïci magister inter lyricos erit recen-  
 sendus?

Non desunt qui cum Casio Basio, & Isacio  
 Tzerze factam ab Aristotele, & à Tullio poë- Cap. 1. de poëtica : Libro de optimo orat. genere.  
 ticæ distributionem, imperfectam esse velint :  
 præcipuas quidem species ab iis recensitas, o-  
 missas leuiore, Non hic agitabo controuersiam  
 excitatam inter críticos, an integra Aristòtelis  
 poëtica peruenerit ad nos : quæ profectò ma-  
 gna est. Nam Laërtius, qui rem accuratè ex-  
 pendit, testatur vnum & alterum ab eo scri-  
 ptum de poëtica librum ; periisse alterum, alte-  
 rum verò ad nos peruenisse, quod non existi-  
 mat Mutinensis. Sed vt res definiatur, malim  
 assentiri Vossio, qui philosophum cæteras poë-

ta rustica, & pastoralis. Cùm enim poëtica vni-  
 uersa, imitatio sit: species eius singulas imitari  
 necesse est; quod docet Aristoteles cap. i. *πᾶσαι*  
*τοῦ γένους ἕται μίμησις*: *singula species poeticae sunt*  
*imitationes.* Quæ in eo singula differunt, quòd  
 vel rebus genere diuersis, vel alia, vel aliter imi-  
 tentur, & ab ipsa imitationis vel ratione, vel  
 instrumento, vel subiecta materia, diuersæ sint.  
*ὡς τε οἱ διὰ τοῦτους διαφορᾶς ἡ μίμησις ὅσῃ ἐν οἷς, καὶ ἄ, καὶ*  
*ῶς.* Sic epicus licet in eo conueniat cum tragi-  
 co, vt circa actionem illustrem imitandam ver-  
 setur: tamen quòd hic representando imite-  
 tur, ille narrando, vterque imitationem consti-  
 tuit specie diuersam. Comicus autem, & tragi-  
 cus tametsi eodem instrumento vtantur, nam v-  
 trique communis est representatio: quia tamen  
 proposita vtrique materia diuersa est, actio illu-  
 stris tragico, comico vulgaris, vtriusque imita-  
 tio diuersæ est speciei. Quapropter cùm pasto-  
 ralis poëtica pastoris actionem sibi proponat  
 imitandam: peculiarem imitationis differen-  
 tiam à subiecta re induit, quâ à toto genere se-  
 iungatur.

*An carmen pa-  
 storale locum ha-  
 beat inter species  
 ab Aristotele re-  
 censitas.*

At difficultas oritur hinc non mediocris, quam  
 mouet Benius in poëticam Aristotelis: an car-  
 men pastorale in facta diuersarum poëticae spe-  
 cierum à Philosopho cap. i. recensione appella-  
 tum sit, an pratermissum. Controuersiam inter

eruditos super hac quæstione video plenissimam  
 dissensionis : quæ ipsi Benio vel soluenda erat,  
 vel certè non attingenda. Sunt qui genus hoc  
 carminis ad eam speciem reuocent, quæ tibiis  
 utitur. nam bucolicos versus ad tibiam cantata-  
 ri solitos auctor est Apuleius: Paniscum enim Metamorph lib. 6.  
 inducit in nuptiis Psyche bucolica ad tibiam ca-  
 nentem. Sed quid velit Aristoteles per eam spe-  
 ciem, quæ tibiis utitur, quam vocat *αὐλητικὸν*,  
 quòd illi non satis attendant, parum videntur  
 audiendi. An si canat Æneidem ad lyràm Ilo-  
 pas aliquis, ut factum à nonnullis monet Ant-  
 Lullus: idèò diuinus ille, & incomparabilis car-  
 minis heroici magister inter lyricos erit recen-  
 sendus?

Lib. 7. de oratione  
cap. 5.

Non desunt qui cum Casio Basso, & Isacio  
 Tzetze factam ab Aristotele, & à Tullio poë-  
 ticæ distributionem, imperfectam esse velint:  
 præcipuas quidem species ab iis recensitas, o-  
 missas leuiiores. Non hinc agitabo controuersiam  
 excitatam inter críticos, an integra Aristotelis  
 poëtica peruenerit ad nos: quæ profectò ma-  
 gna est. Nam Laërtius, qui rem accuratè ex-  
 pendit, testatur vnum & alterum ab eo scri-  
 ptum de poëtica librum; periisse alterum, alte-  
 rum verò ad nos peruenisse, quod non existi-  
 mat Mutinensis. Sed ut res definiatur, malim  
 assentiri Vossio, qui philosophum cæteras poë-

Cap. 1. de poëtica:  
Libro de optimo  
orat. genere.

eruditos super hac quæstione video plenissimam  
 dissensionis : quæ ipsi Benio vel soluenda erat,  
 vel certè non attingenda. Sunt qui genus hoc  
 carminis ad eam speciem reuocent, quæ tibiis  
 vitur. nam bucolicos versus ad tibiam cantari  
 solitos auctor est Apuleius: Paniscum enim Metamorph lib. 6.  
 inducit in nuptiis Psyche bucolica ad tibiam can-  
 nentem. Sed quid velit Aristoteles per eam spe-  
 ciem, quæ tibiis vitur, quam vocat *αὐλητικὸν*,  
 quod illi non satis attendant, parum videntur  
 audiendi. An si canat *Æneidem* ad lyram Io-  
 pas aliquis, vt factum à nonnullis monet Ant-  
 Lullus: idè diuinus ille, & incomparabilis car-  
 minis heroïci magister inter lyricos erit recen-  
 sendus?

Lib. 7. de oratione  
cap. 5.

Non desunt qui cum Cæsio Basso, & Isacio  
 Tzerze factam ab Aristotele, & à Tullio poë-  
 ticæ distributionem, imperfectam esse velint:  
 præcipuas quidem species ab iis recensitas, o-  
 missas leuiore, Non hîc agitabo controuersiam  
 excitatam inter criticos, an integra Aristotelis  
 poëtica peruenerit ad nos: quæ profectò ma-  
 gna est. Nam Laërtius, qui rem accuratè ex-  
 pendit, testatur vnum & alterum ab eo scri-  
 ptum de poëtica librum; periisse alterum, alte-  
 rum verò ad nos peruénisse, quod non existi-  
 mat Mutinensis. Sed vt res definiatur, malim  
 assentiri Vossio, qui philosophum cæteras poë-

Cap. 1. de poëtica.  
Libro de optimo  
orat. genere.



Lib. 3. cap. 8.  
poëtica Instit.  
Lib. 2. de poëta.

tica species non recensitas, in superiori ordine ait esse complexum: ipsumque adeo carmen pastorale, cuius non meminit, in epico contineri. Sic enim ille: *Sunt præterea epici inferioris ordinis, ut scriptores bucolici.* Idem censet Sincerus apud Minurnum, qui, de epico carmine sic statuit: *Multorum generum esse, quæ carmine hoc describi solent. In humili & attenuata materia, ut in iis quæ ad pastores attinent; in magna atque graui, ut in rebus diuinis, & in iis quas homines præclare gesserunt; & in mediocri, cuiusmodi sunt præcepta, hæc ratio versatur.* Quod superius declarat, ubi tres epicorum affert quasi partes, quarum altera, inquit, diuina est, & in poetica longè princeps: altera infima, purissimæque, qua excelluit Theocritus; tertia, quæ nihil habet poëtice præter illigationem numerorum. Quibus constitutis, facilius erit cæterarum difficultatum explicatio.

Vt enim in dramático imitandi genere personarum dignitas vilitasque duas constituit species imitationis; tragicam vnâ, quæ conuenit personis illustribus; alteram comicam, quæ popularibus, & vrbis: sic in epicis duæ cense-ri poterunt imitationes, quarum altera pertineat ad heroës, quæ carmen heroicum; altera verò ad rusticos, & pastores, quæ pastorale constituat. Vt autem os vultumque pictura, sic actionem imitatur poetica; quæ non personæ, sed actionis est adumbratio. Ex quibus colligi poterit

poterit hæc carminis pastoralis definitio. Est imitatio actionis pastoralis, vel quæ sit ad modum pastoralis. Vt Gallus Virgilij licet pastor non sit, erat enim ferme primariæ vir in vrbe dignitatis: tamen pertinet ad carmen pastorale, quia repræsentatur ad modum pastoris. Vnde poëta:

Eclog. 10.

*Venit & vpilio, tardi venere bubulci.*

*Omnes, unde amor istos rogant.*

Res agitur inter pastores, vpiliones inducuntur, interueniunt bubulci, omnia ad pastoris ingenium accommodantur. Eadem æstimatio debet esse de Sileno, qui quantumuis tollat spiritus, & à tenuitate carminis istius alienus videatur: tamen quia dicit apud pastores, & pro eorum captuac ingenio dicit, pastoritius censeretur. Quæ norma tenenda erit, vt certò iudicetur, quid apud Theocritum, Virgiliūque pastorale sit, quid non pastorale. Nam apud Theocritum, quædam sunt sublimioris animi, quæ cum pastoritias res non tractent, pastoritia censerim minimè debeant. Quod suo loco fusiùs dici poterit.

Nunc quærendum quæ poëticæ pastoralis materia subiecta sit; de qua quid statui debeat, non est satis in promptu: cum neque ab Aristotele, neque à cæteris Græcis, qui hoc carmine scripserunt, certum quidquam peti possit: fo-

*Quæ materia sit carminis bucolici?*

lent enim interdum tractare res arduas, & sublimes, epicorum more. Nam quid grandius toto idyllio 7. Bionis, in quo Myrsón hortatur Lycidam pastorem, ut canat Achillis, & Deïdamix amores? Cùm ille rem orditur ab Helenæ raptu, Atridarum furorem, totiúsque conspirationem Asiæ persecutus, quidquid in tota Iliade magnū est, complectitur.

ἐχώτατο δὲ Λακεδαιμόνι,

παῖπα δὲ λαὸν ἄγειρεν ἀχαιῶν . . . . .

*Irata Lacedæmon omnem populum Græcum congregavit.* Idem factum à Theocrito eadem sublimitate carminis, eadēque animorum excelsitate. Non enim video, quid in omni carminis heroïci gravitate tam robusti spiritus sit, ac illud idyllium quod scripsit de Hercule λεωνφοῖα, in quo narrat Hercules ipse Phyleo, quomodo leonem, cuius ferebat exuias, interfecerat; nam ut omitteram cætera, quæ spirant gravitatem, quid grandius his, aut magis sonans dici potest?

ψυχὴν δὲ πελώριον ἔλαβεν ἄδης.

*Animam ingentem accepit infernus.* Quid dicam de idyllio 22. in quo omnia sunt oris, & spiritus heroïci; non enim potest dici quàm plena sint gravitatis ista:

αἰὲρ ὤρεσσιν ὄπισθε, στήθεος, σὺ δὲ δάσκει,

δεῖνός ἰδίῳ.

*Vir arrogans ibi sedens sub dio manebat, gravis aspectu.*

Cætera, quæ fusè hîc habentur, sunt eiusdem roboris, vt & laudatio Ptolomæi idyll. 17. epithalamium Helenæ, idyl. 18. pugna Herculis cum draconibus. Quomodo autem fieri potest, vt hæc conueniant poëticæ pastorali, de qua dici debet illud, meo iudicio, quod de Cydippe sua habet Ouidius,

*Cydippe non est oris, Homere, tui.*

Neque enim pastorale carmen assurgere debet ad maiestatem heroïci. At quis auctores tam magnos, & tam graues reprehendat? Quid dicam de Virgiliô? qui fabulorum temporum doctrinam propè omnem, ecloga 6. complexus est. Nam quò non assurgit magister ille mysteriorum Silenus? quâ oris, & animorum inflammatione?

*Namque canebat, vti magnum per inane coacta  
Semina, terrarumque, animæque, marisque fuissent,  
Et liquidi simul ignis; vt his exordia primis  
Omnia, &c.*

Tum illud:

*Hinc lapides Pyrræ iactos, Saturnia regna,  
Caucasæsq; refert volucres, furtumque Promethei.*

Adeò verum est, nihil esse tam arduum, quò se non efferat animus bucolici carminis. At si ita sit, quid de Macrobio, Georgio Valla, Iulio Scaligero, Vossio, omnique adeò grammaticorum gente, est futurum? Qui omnes huic carmini

simplicitatem, tenuitatemque sic propriam esse volunt, ut intra pastoralis vitæ conditionem, mores, ingenium, consuetudinemque sermonis se contineat: neque enim quidquam pastorale esse potest, quod ad indolem pastoris non accommodatum sit. Vnde non audiendus hic, meo iudicio, Nannius Alcmarianus, qui, in Virgilij bucolica, vult eclogam tollere animos interdum ad res grandiores, & grauiora argumenta pati posse. Quo in loco totam carminis bucolici materiam in humilem, mediocrem, & extelsam partitur; partitionisque illius auctorem facit Virgilium, qui eclogâ quartâ materiam carminis bucolici in tres species diuidit, tribus his vocibus, myricarum, arbuſtorum, ac ſiluarum.

Eclog. 4.

*Non omnes arbuſta iuuant, humilésque myrica,*

*Si canimus ſiluas, ſilua ſint conſule digna.*

Per ſiluas (quemadmodum ait ille) ut intelligit Virgilius proceras, iuſtasque arbores: ſic grande carminis iſtius vult ſignificari argumentum, quod deſtinat conſuli: per myricas, quæ prope modum herbæ ſunt depreſſiſſimæ, genus humile, & abiectum; per arbuſta, medium aliquid, quod ſiluis cedat, non myricis. Vnde illud,

*Si canimus ſiluas, ſilua ſint conſule digna,*

in eam ſententiam eſt accipiendum, ut ſi tractamus argumenta ſublimiora, rem facimus di-

gnam consule. Ita videlicet locum istum interpretatur Nannius, nimis credo subtiliter & acutè: nam non credibile est vnquam venisse in mentem Virgilio, vt in materia carminis pastoritij, res arduas, & sublimes recenseret: postquam præsertim monitus est à Cynthio, cum reges, & prælia carmine Syracusio, hoc est pastorali vellet canere, vt ad carmen tenue, & deductum, petirà, à tenui & deducto filo, similitudine (sic enim interpretatur Afranius) se, calamosque suos referret. Sic enim ille:

*Cum canerem reges, & prælia Cynthius aurem  
Vellit, & admonuit, pastorem, Tityre, pingues  
Pascere oportet oves, deductum dicere carmen.*

Ecloga 6.

Grauis enim uerò admonitio, in qua pungi poëta aurem, vellique à Cynthio oportuerit: qui, credo, vt erat animatus, ni monitis tam acribus paruisset poëta, vellicare aurem non destitisset, adeò parum consentaneum esse putabat, vt pastor reges & bella caneret. Ex quo loco patet, ex ipsius Virgilij sententia, res magnas, & illustres, contra opinionem Nannij, ad huius carminis materiam pertinere nullo modo posse, sed id duntaxat vnum, quod tenue, & abiectum est, quod feliciter expressit Theocritus hac voce *βωκολιδόδδλ.*

*αὐτῇ μὲν ποτιέσθαι καὶ αὐτῇ βωκολιδόδδλ.*  
quod est bucolicè, & tenuiter canere: sic enim

Idyl. 3.

explicant interpretes. Quapropter res arduas vitet poëtica pastoralis, ne ab ingenio tantisper recedat; occupet se autem circa res rusticas, per sese planè tenues, ut sunt negotia pastorum, amores imprimis, sed candidi illi, & innocentes, non vanis zelotypiæ suspicionibus inquieti, non contaminati stupris, rivalitates sine cædibus, æmulationes sine rixa, quales describit Vida,

Lib. 1. de pœt.

*Pastorum de more querelas.*

*Et lites Siculi vatis modularis auenæ.*

Tum ludi, festiuitates, munera, sed sine magno sumptu, ut aureæ mala, nido creptæ palumbes, lac, flores, suauia, & pacata omnia, nihil turbulentum, Ibi locum non habeat leno perfidiosus, non fallax & insidiosa mulier, non fœnerator avarus, non yaser aut factiosus serpus, omnia simplicitatis aureæ ætatis, & illius, qui tum vigeat, candoris sint plenissima: tunc enim, ut testis est Satyrus,

*Improbis illo fuit admirabilis æuo.*

Interdum etiam diis manibus parentatum est idyllio, vel eclogâ, quibus honos habitus tumulis, cum pastores sparsis floribus addebant rusticas cantiones, ut patet ex Daphnide Virgilij, & Adonide Bionis; hæc enim non abhorrent ab ingenio pastoralis. Vno verbo quidquid, seruata decori ratione, fieri potest à pastore,

illud ad carminis pastoritij materiam pertinere poterit : modò intra fines pastoralis argumenti contineatur. Quod tamen varium est magis, ac multiplex, quàm placitum est Seruio, & Donato, qui ultra numerum, quem impleuit Virgilius, proferri non posse putant: quibus Minturnus lib.2. de poëta, minimè assentitur. At vt actio illustris, & heroïca est materia carminis heroïci, sic materia carminis pastoritij debet esse actio pastoralis, vel certè ficta ad modum actionis pastoralis: quod diligenter est obseruandum ad plerasque difficultates, quæ hoc in negotio interuenire possunt. Nam quamuis sint de bello ciuili, de coloniis eductis, de mulctatis municipiis, de imperatoris funere pleraque è bucolicis Virgilianis, vt testantur interpretes, quod argumentum sublimius est, quàm ferat humilitas poëticæ pastoralis: tamen quòd accommodantur ista ad vitæ pastoritiæ consuetudinem, fictaque sunt ad ingenium pastoris, pertinent ad carmen bucolicum: quod recipit interdum deos, & heroas, sed personis pastoritiis adumbratos. Cætera verò quæ nec pastoritia sunt, nec pastoritiorum more ficta, vt Amor fugitiuus, aut Europa Moschi, Amor auceps Bionis, Adonia, Hercules *Λερναῖος*, Helenæ epithalamium, & pleraque alia Theocriti, Virgilij denique Pollio, in bucolicis minimè videntur esse recensenda.



Quæ causa fuit cur Seruius in bucolica Virgilij, ex decem eclogis Virgilij, septem; & ex triginta sex idylliis Theocriti decem tantum numeret purè pastoralia; & inter illius poemata, multa, quæ quiduis aliud sint quàm pastoralia, inserta fuisse testatur Salmasius in Solinum, tomo 2. Heinsiusque in scholis Theocriticis decem tantum recenset idyllia bucolica cum Seruio. Τύρσις, Φαρμακρυτεία, Αμαρυλλίς, νομειὺς α', ὀδδὶπύορι, Βυκολιαστὴ α'. Λυκίδας, Βυκολιαστὴ β'. νομειὺς β'. κύκλω; cùm cætera ab eo carminis genere, vel quoad materiam, vel quoad formam discrepent. Ex quo factum opinor, ut à decem idylliis pastoritiis, decem calamos in sua fistula, quæ pastorum lusit cantilenas, quàmque Pani consecrauit, posuisse videatur Theocritus; ut eruditè obseruatum à Salmasio, in notis super fistulâ Theocriti, in qua bini versus semper unum fistulæ calamum constituunt. Ita igitur dispares sunt omnes, in morem disparium fistulæ cannarum, ut tamen positis ubique binis paribus, qui cannam unam reddunt, tota disparitas in decem binis consistat, cùm vulgaribus fistulis septem tantum calami inessent: ita Salmasius, quod non attendunt satis minùs curiosi.

Sunt autem, qui existiment ad poëticam pastoraalem ea referenda omnia, quæ rurì celebrantur, & in vniuersum quidquid non vrbanum est; & piscatorum, aratorum, messorum, vena-

venatorum, cæterorumque id genus colloquia  
eò pertinere; quod non existimo, si res ad re-  
gulam nostram exigatur: nihil enim præter  
actionem pastoralem, ut declaratum est, ad car-  
men pastorale pertinere potest.

Non hæc quæram, tametsi locus esse possit;  
an commodè in eclogam induci queant mello-  
res, vinitores, olitores, aucupes, venatores, pi-  
scatorésque, quorum vita propemodum omnis  
magis difficilis est, & actiuola, quàm ut decenter  
vel cantilenis, vel collocutionibus, quæ vitæ  
pastorali magis otiosæ conueniunt, indulgere  
queât. Nam pleraque fiunt ruri, quorum vel  
duritas mœstitiæque cantum non admittat, ut  
aratio; vel repudiet solitudo, ut venatio, pesca-  
tus, & aucupium. quod tamen pluribus suo lo-  
co disputabitur.

Verùm ad rectam carminis bucolici consti-  
tuendi rationem non satis est, ut tractet de re *Que sit forma  
huius carminis?*  
pastorali: habentur enim pleraque in Hesio-  
di *ἑρπῆσις*, & in georgicis Virgilij, quæ perti-  
neant ad munus pastoris, neque pastoritia sint.  
Ex quo perspicuum est, præter materiam pasto-  
ralem, quam pastoris actionem statuimus, pe-  
culiarem esse constituendo huic carmini for-  
mam, quâ distinguatur à cæteris.

Poëticæ in vniuersum sumptæ formam apud  
Platonem Socrates vult esse fabulam, imitatio-

nem Aristoteles. Non disputo quid inter utramque sit discriminis: quæro an ipsa imitatio forma sit carminis pastoralis. Certum enim est epopœiam à tragœdia solâ imitationis ratione distinguui: quòd hæc actione imitetur, illa verò narratione. Pastoralis verò poëtica, est imitatio actionis pastoralis, siue nudâ narratione, ut Alexis Virgilij, & Thalysia Theocriti, in quibus poëta nunquam deponit personam, sed solus per se loquitur; vel actione, ut Tyrsis, & Tityrus; vel utrâque, partim narratione, partim actione, ut Cyclops, vel Pharmaceutria, in quibus partim loquitur poëta, partim inducit loquentes. Vnde dicitur à veteri Scholiaste Theocriti nostri: βυκολικὸν ποίημα, μέγιστα πάντος εἶδους, καὶ ἀπὸ συγκερασμένον. *Bucolicum pœma, mixtio ex omni specie quodammodo composita.* Est enim, inquit ille, διηγηματικόν, δραματικόν, καὶ μικτόν. Quod declarare videtur Aristoteles, sed obscurè his verbis: ὅτι ταῖς εἰρημέναις τέχναις ἅπασαι μὲν ποιῶνται πλεῖστη μίμησις.... τῶν δὲ χαλῆς, ἢ μεμιγμέναις. *In artibus appellatis imitantur omnes.... alie aliquam scorsim imitandi rationem sibi proponunt, alie mixtam.* Quod postremum, cùm peculiare sit carmini bucolico, primam eius rationem, naturamque constituit. Vnde triplex apud Scaligerum cap. 4. lib. primi poëtices statuitur illius species, μονοπρατικόν, ἀμιγνόμενον, & μίχτυον. Quod ab Heinsio in Theo-

criticis lectionibus est obseruatum. Sic ille in rem nostram satis disertè: *Bucolici carminis character nihil aliud est, quàm κοινισμός quidam, ut, ita loquar, & commissio omnium characterum, siue δ' ἐξ μακρόν, siue ἐξ ἐγγύτηκόν, siue μικρόν.* Ex quibus perspicuum est, rationem imitationis carmini pastoritio propriam, esse mixtam: cum in aliis poëticae partibus vna simpléxque sit, saltem non tam varia & multiplex, ut in tragœdia actio, in epopœia narratio. Nunc de fabula, moribus, dictione, sententia, quæ quatuor ad naturam cuiuslibet carminis pertinent, qualia hoc in carmine esse debeant, breuiter explicandum.

De fabula quam vocat Aristoteles cap. 6. *συνθεσις τῶν πραγμάτων*, constitutionem rerum, vnum habeo, quod dicam: hanc ut in cæteris poëticae partibus, ut dictum à Philosopho, sic in pastorali esse animam. Vnde dictum accipimus à Socrate apud Platonem in carmine, quod fecerat, nihil deesse præter fabulam. Debet igitur esse in poëtica pastorali, ut in cæteris sua fabula, ne si defuerit, desinat esse poëtica. Quemadmodum in Sileno Virgiliano, quo fabulosoꝝum temporum disciplina propemodum omnis continetur, Silenum somno, vinoque oppressum inuadunt duo pastores, spe carminis non semel ab eo delusi, nexis floribus sopitum obligant: Ægle superuenit timidus, os senis vino splendidum interpin-

git moris: ridet innocentes dolos Silenus, petit se solui vinculis: tum præparato carmine, nymphæ, puerorûmque curiositati satisfacit. Mira canit vates incomparabilis, lætantur rupes, valles resonant, audit omnia, ceu Phœbo meditante, beatus Eurotas, laurósque confitas ad ripam, hanc edificere cantilenam imperat.

———— beatus

*Audiit Eurotas, iussitque edificere lauros.*

Sic sua cuilibet vel eclogæ, vel idyllio debet esse fabula, quæ totius rei constitutio sit: at non illa perplexa repentinis mutationibus, & valde imperatis: ut Adonis Marini, cuius fabula licet de pastore sit; tamen propter grande illud epifodiorum & mutationum instrumentum, minimè pastoralis est; quæ ut indoli pastoritiæ respondeat, simplex sit, necesse est, qualis est Ajax Sophoclis, in qua nulla fortunæ mutatio.

*Qui mores?*

De moribus teneatur illud imprimis præceptum ab Horatio ad Pisones.

*Reddere personæ scit conuenientia cuique.*

Quod ut de poetica vniuersali præceptum est, ad singularem hanc nostram pertinet. In quo peccat non mediocriter Torquatus Tassus in Amynta, Bonarellus in Phyllide, Guarinus in Pastore fido, Marinus in idylliis, & plerique alij ex Italij, qui pastores inducunt nimis politos, & elegantes, in quibus exquisitissimam politif-

Simæ vrbauitatis elegantiam exprimunt : quod  
 tametsi amœnissimum esse videatur, reprehē-  
 sione tamen suâ, quidquid excuset vterque Verat-  
 tus, apud prudentes non carebit. Est enim con-  
 trā quā visum erat Minturno, lib. 2. de poë-  
 ta, qui sic habet: *Summissæ inducuntur personæ, poli-  
 tiores quidem comica, pastorales verò inelegantiores, quæ  
 rudem prorsus in solitudine vitam agant, non cultam,  
 & elegantem.* Quod erroris perabsurdi nota-  
 tum est ab Iasone Denore doctore Patauino in  
 sua de poëtica dissertatione. Quiddam non  
 absimile Megarensibus exprobrabat Aristoteles,  
 qui decorum non seruabant in theatro: viles  
 enim personas inducebant, cum regio appa-  
 ratu, & purpuram dabant. comœdiæ: καὶ κομῆ- Ethic. 4. cap. 6.  
 ἀδὲς χορηγῶν, οἱ τῇ παρῶν πορφύρῃ εἰσφέρων. Frustra  
 est: autem, quod Veratus, vt exquisitos illos Fi-  
 di Pastoris sui sermones, & sublimis cuiusdam  
 sensi sententias excuset, certamen Castoris,  
 Gratias, Herculem interfectorem leonis, & si-  
 milia Theocriti idyllia, quæ sunt in genere su-  
 blimi, contra Iasonem Denorem obtendat:  
 non enim pastoralia sunt. Consulendum super  
 ea re Theocriti & Virgilij iudicium, quorum  
 alter de industria tribuit suis pastoribus, & ser-  
 monis rusticitatem, in Doricâ dialecto, & inter-  
 dum vitiositatem orationis; alter verò deditâ  
 operâ pastores inducit cum aliquo etiam studio

affectatæ ignorationis : quemadmodum ob-  
seruatum à Seruio, vt patet in Melibœo, qui  
Oaxem fluuium statuit in Cretâ, cum sit in  
Mesopotamia. Quod ab utroque factum, vt ad  
pastorum, qui per se rudes sunt, neque ita acu-  
ti, mores magis conuenienter vterque diceret.  
Ex quo planum est eos errare turpiter, qui pa-  
storibus morum elegantiam tribuant. Neque  
video, quid Veratus dum tam multa causatur  
de politis pastorum Arcadum moribus, Polybio  
respondere queat, qui vocat Arcadas homines  
vitæ difficilis & austeræ, tum asperitate loci ini-  
qui montibus, tum cæli inclementiâ.

At vt est reprehendenda in carmine pasto-  
rali nimia morum vrbalitas, sic *ἀστυία*, non il-  
la quidem, cuius meminit Plato lib. 3. de repub.  
quæ pertinet ad simplicitatem morum, sed ru-  
sticus stupor is, quem describit Theophrastus  
ἐν ἀγροίῃς, & asperitas agrestis, & inconcinna,  
de quâ Horatius ad Lollium, meo iudicio, hoc  
in carmine non videtur tolerabilis. In quo ab-  
surdus est, suprâ quàm dici potest, bonus Man-  
tuanus, qui pastores tam stolidè rudes, & ine-  
ptos perquàm miserabiliter inducit. Quod à  
quodam interprete, Theocrito exprobratur,  
qui *βουκολίας* nimis retinens, agrestis interdum,  
& horridulus quibusdam videri solet : sed excu-  
sationem habet satis iustam, quòd hæc rudio-

ri adhuc sæculo cecinerit.

At vt omnia pastoribus sunt intra modum, quæ lex ex purissimis, sanctissimisque naturæ fontibus petenda, ipsi mores ne nimis aut agrestes sint, aut exquisiti. Qui modus teneri non difficulter poterit, si mores pastorum ad indolem ætatis aureæ, quâ ætate nemo, si credimus Guarino, non pastor fuit, accommodentur: quemadmodum visum Nannio in præfatione ad bucolica Virg. mores enim requirit, *qui sæculum aureum representent*. quæ fuit causa, cur Virgilius ipse, in Pollione ætatem auream descripserit, quam bucolico carmini propriam sentiebat. In omni enim vita pastorali, nulla viuendi excellentior forma, quàm quæ vigeat aureâ ætate. Quod valere poterit ad temperandos, moderandósque huius carminis affectus, perfectamque rationem constituendam. Totum autem illud è naturâ pastoritiæ conditionis, quæ cultum non desiderat, erit petendum.

Sententia verò conspiret cum moribus, vt *Sententia quæ?* proba sit; vtque mores sunt simplices, & candidi, candida, simpléxque sit, sensa mentis habeat non magnopere exquisita. In quo peccatum ab Italis, qui nimis curiosè quærunt ea, quæ spirent ingenium, & acumen, parum meo iudicio consideratè: nam quis ruri, vbi debent omnia simplicitatis esse plenissima, fucum quæ-



In Virgilij bucolicis.

rat, aut ferat luxum, ubi cultus omnis ornatúsque offendit. Audiendus super ea re Pontanus. *Sententia*, inquit, *parum exquisita argutáque sit, comparationes abiectæ, quales rerum, personarúmque conditio desiderat.* At licet nimij cultus confectatio reiicienda sit omnis: ne tamen sententia frigida, iacénsque sit, sensus habeat, dolores, & affectus.

Eclog. 2.

*Mori me denique cogis.*

Eclog. 8.

*Nil ille deos, nil carmina curat.*

Contextus autem orationis non admittat multum fufos, continuatósque: angusti enim spiritus est, & perexigui poëtica pastoralis. quod fufius erit dicendum in tradendis de ea præceptionibus. At quamvis comœdiæ popularem in dicendo consuetudinem debeat imitari, non tamen illius veteris, cuius notum os, notáque licentia. Sit liberalis, & verecunda, honestæque ingenuitatis pudorem referat, qui aureæ ætatis erat proprius.

Qua dictio huic carmini propria?

Dictio simplex sit illa quidem, at elegans, & munda, quæ castigatissimæ latinitatis puritatem, integritatémque præ se ferat: de qua Pontanus in Virgilij bucolica, sic præcipit: *In bucolicis dictio summissa, quotidiani sermonis consuetudini vicinior, non multi sanguinis, sed suum tamen succum habens, integritatémque valetudinis.* Certè Virgilius in bucolicis, iisdem verbis usus est, quibus in foro & senatu

senatu Tullius. Tam purè Latinèque loquitur Tityrus in umbra fagi, quàm ipse in palatio Cæsar Augustus, vt præclarè obseruatum est à Modicio in defensione Virgilij. Quod non factum cap. 7. à Theocrito: cuius *Musa rustica, et pastoralis*, inquit Fabius, non forum modò, verùm ipsam etiam urbem reformidat. Quod mulieribus Syracusanis exprobratur ab homine Alexandrino, in celebritate Adonidis apud Theocritum. Cùm enim Doricè loquerentur in vrbe, non tulit vir vrbæ, & odiosam earum pronuntiationem, vt ipsi videbatur, reprehendit, non sine obiurgatione satis acerbâ.

*Τροχόνες ἐκκλαιούνη πλατυδόδοις ἀπαντα.*

Adeò grauis in vrbe videbatur Doricæ pronuntiationis vastus ille, agrestisque sonus ad rusticitatem sermonis exprimendam magis accommodatus. Vnde obseruat Probus multò maiori negotio bucolica scripta à Latinis, quàm à Græcis; quòd non diuersus sit ab vrbano sermo rusticus apud Latinos, vt est apud Græcos: neque sermo ipse Romanus, vt animaduersum est à Fabio, recipere videtur illam solis concessam Atticis venustatem, quam carmen bucolicum desiderat. *Non possumus esse tam graciles*, inquit, *subtilitate vincimur, proprietas penes illos est certior.* Et, *tenuiora hæc, ac pressiora Græci melius.* Quin si Tullio credimus, *Græca dictio plus affert ornamenti ad dicendum, quàm*

Lib. 12. c. 10.

Q

*Latina* : plus enim habet venustatis , & delicatissimæ illius amœnitatis, quam requirit character bucolicus.

*Quis character  
bucolici carmi-  
nis?*

At in carmine pastorali , cuius non ita bene nota indoles, quid sit forma illa , quam Græci *χαρμηγε* vocant, non facile est dicere. Vt tamen certâ ratione res definiatur, tenendum illud imprimis, quod à nobis sæpe est obseruatum : carmen pastorale ætatis aureæ esse proprium. Nam vt docet Tullius in Oratore, *quidquid est, de quo ratione & viâ disputatur, id ad ultimam generis sui formam speciëmq; est redigendum.* Quod in Caluitij encomio innuit Synesius, cùm docet poëticam facere res secundum opinionem , non secundum veritatem, *τοῦτο δὲ βούλει, καὶ τοῦτο ἀληθινόν.* Pastoris autem conditio, vt ad ultimam perfectionem reducatur, ad mores & tempora mundi adhuc innocentis, qualis describitur à fabulis, referenda est. Vt autem præcipua virtus beatæ illius ætatis fuit simplicitas : eadem esse debet præcipua dos, & quasi character carminis bucolici, in quo fabula, mores, dictio, sententia innocentissimæ plenissima debent esse simplicitatis. Nam primæ illius ætatis fuit illa laus, vt viuendi candidè & innocenter; sic purè & simpliciter loquendi. Ita quemadmodum epico carmini grauitas, suauitas melico, comico iocus, affectus tragico, elegiaco molli-

*Simplicitas cha-  
racter huius car-  
minis.*

cies, epigrammatico acumen: sic propria pastoralis, simplicitas studiūque simplicitatis, quod monet Theocriti editor: *Idea bucolicorum ubique κατὰ φύσιν ἐστὶ, & κατὰ πλὴν ἀφ' ἑλίας ὅπου χαράται, pura, & in iis quæ pertinent ad simplicitatem, valde felix, ut illud Virgilij: grauis cantantibus umbra.*

*Iuniperi grauis umbra.*

quo nihil, ut mihi quidem videtur, rusticius, simpliciūque dici potest. Quæ causa fuit, opinor. Macrobio, cur hoc carmen humile, & in Lib. j. Saturnal. humili positum diceret; & cur quibusdam Virgilij Tityrus sub tegmine patulæ fagi recubans displiceret. Belli iudices, quibus utinam bonam mentem Musæ dent, ne sint, quod esse nolint, præterea ridiculi. In eo tamen superatus à Theocrito Virgilius, de quo sic Modicius apud Pontanum. *Maxima laus Theocriti, quod pastoriiam simplicitatem omnium optimè fuerit imitatus. Nam Virgilius immiscuit allegorias, & res alias quasdam, quæ maiorem eruditionem, & sensum altiorem habent, quàm ut humili figuræ conuenire videantur.* Minuendus tamen hoc loco error illorum, qui putant id genus carminis, cum per se tenue, simplēque sit, tenuioribus ingeniis magis esse consentaneum, quàm excellentibus, & summis. Sic enim existimo, ut facili, & nudā simplicitate nihil elegantius, sic nihil maioris, vel operæ, vel ingenij esse posse: & magni sincerique iu-

Qij

*Latina* : plus enim habet venustatis , & delicatissimæ illius amœnitatis , quam requirit character bucolicus.

*Quis character  
bucolici carmi-  
nis?*

At in carmine pastorali , cuius non ita bene nota indoles , quid sit forma illa , quam Græci *χαρμενῆς* vocant , non facile est dicere. Vt tamen certâ ratione res definiatur , tenendum illud imprimis , quod à nobis sæpe est observatum : carmen pastorale ætatis aureæ esse proprium. Nam ut docet Tullius in Oratore , quidquid est , de quo ratione & viâ disputatur , id ad ultimam generis sui formam speciemque est redigendum. Quod in Caluitij encomio innuit Synesius , cum docet poëticam facere res secundum opinionem , non secundum veritatem , *ποῆς ἀδελφία* , & *ποῆς ἀλήθεια*. Pastoris autem conditio , ut ad ultimam perfectionem reducatur , ad mores & tempora mundi adhuc innocentis , qualis describitur à fabulis , referenda est. Ut autem præcipua virtus beatæ illius ætatis fuit simplicitas : eadem esse debet præcipua dos , & quasi character carminis bucolici , in quo fabula , mores , dictio , sententia innocentissimæ plenissima debent esse simplicitatis. Nam primæ illius ætatis fuit illa laus , ut viuendi candidè & innocenter ; sic purè & simpliciter loquendi. Ita quemadmodum epico carmini grauitas , suauitas melico ; comico iocus , affectus tragico , elegiaco molli-

*Simplicitas cha-  
racter huius car-  
minis.*

ties, epigrammatico acumen: sic propria pastoralis, simplicitas studiūque simplicitatis, quod monet Theocriti editor: *Idea bucolicorum ubique καθαρόν* est, & κατὰ τὴν ἀφελείαν ἐπιτυχισμένη, pura, & in iis quæ pertinent ad simplicitatem, valde felix, ut illud Virgilij: *gravis cantantibus umbra.*

*Iuniperi gravis umbra.*

quo nihil, ut mihi quidem videtur, rusticius, simpliciūque dici potest. Quæ causa fuit, opinor Macrobio, cur hoc carmen humile, & in humili positum diceret; & cur quibusdam Virgilij Tityrus sub tegmine patulæ fagi recubans displiceret. Belli iudices, quibus utinam bonam mentem Musæ dent, ne sint, quod esse nolint, præterea ridiculi. In eo tamen superatus à Theocrito Virgilius, de quo sic Modicius apud Pontanum. *Maxima laus Theocriti, quod pastoritiam simplicitatem omnium optime fuerit imitatus. Nam Virgilius immiscuit allegorias, & res alias quasdam, quæ maiorem eruditionem, & sensum altiores habent, quàm ut humili figuræ convenire videantur.* Minuendus tamen hoc loco error illorum, qui putant id genus carminis, cum per se tenue, simplēque sit, tenuioribus ingeniis magis esse consentaneum, quàm excellentibus; & summis. Sic enim existimo, ut facili, & nudâ simplicitate nihil elegantius, sic nihil maioris, vel operæ, vel ingenij esse posse: & magni sincerique iu-

Q.ij

diei fit oportet, qui in eo operam cum laude pōnat. Nulla enim poëtica pars est, quæ succi plus requirat: si quid enim laxum, non presumpque sit, illud respuit omne, ne concidat illico, si materiæ humilitas, orationis vi, ac quibusdam quasi lacertis non sustineatur.

Lib. hist. nat. 35.  
cap. 10.

Quæ dos est altera, & virtus huius carminis, ut Timanthi artem imitetur, de quo sic Plinius: *Timanthi plurimum adfuit ingenij: in omnibus operibus eius intelligitur plus semper, quam pingitur: Et cum ars summa sit, ingenium tamen ultra artem est.* Quæ laus fuit propria Virgilij, cum cæteri, præsertim tirones, si pluvius arcus, aut rivus describendus sit, profundant sese, nec sibi temperare possint. Hæc est autem carminis pastoritij indoles, ut quædam quasi magistra taciturnitatis, plurima conferat in voces quam paucissimas; & ita breve presumpque sit, quod dicat, ut laudem quærat præcipuam, quandam quasi dicendi parsimoniam, quemadmodum illud Virgilij ecloga 1.

*Barbarus has segetes? en quò discordia ciues  
Perdaxit miseros.*

Quàm breve autem istud, & minutè concisum: sed quàm sensi plenum! eodem loci:

*Mirabar, quid mæsta deos Amarylli vocares?  
Tityrus hinc aberat.*

Sic ille passim: ut,

*Mopso Nisa datur: quid non speramus amantes?*

Eclog. 1.

Et istud ecloga 2. *ἔστι δὲ οὐπὶ τῶν κτλ.*

*Quem fugis ah! demens: habitant dii quoque silvas.* Ecloga 1.

Quod Virgilius expressit ex Theocrito, cuius omnes passim periodos, & præcipuè idyllij tertij videmus esse sine illigatione, ἀσυνδέτως, καὶ ἀσυνέτως, vt. & sensus sit pressior, & vehementior affectus, quod patet in istis: *ἔστι δὲ οὐπὶ τῶν κτλ.*

*Πᾶσι δ' ἑτάλλα γέροντο, καὶ ἀπίτος ὄχλος ἐνείχετο.* Idyll. 1:

*Ἀδφρὶς ἐπὶ Στάσχα.* *ἔστι δὲ οὐπὶ τῶν κτλ.*

Et illud ex Amaryllidè: *ἔστι δὲ οὐπὶ τῶν κτλ.*

*ἔστι δὲ οὐπὶ τῶν κτλ.*

*Ὡς ἴδεν, ὡς ἐμαῖν.* *ἔστι δὲ οὐπὶ τῶν κτλ.*

Istiusmodi pleraque apud Theocritum, & Virgilium reperiatur, cuicumque pastorales vtriusque lusufus desidiofa delectatione perlegere vacabit. In quo præcipuam characteris istius carminis laudem positam puto: quod non satis meo iudicio attenditur, ab iis à quibus pastoralia scribuntur. Quod scribendi genus pati nondum potest, nisi valde difficulter, sermonis cum notri, tum Itali fusa nimis loquacitas. In eo enim peccatum est ab hominibus quidem nostris, qui patrio sermone eclogas scripserunt; sed multo magis ab Italis, qui vt abundant ingenio, in rebus acutè, copiosèque excogitandis non possunt tenere se, quin quidquid venit in mentem effundant, nihilque habent ægrius, quàm

Q iij



ut sibi temperent, quod perspicuum est in Marini idylliis, cæterisque ab illa gente bene multis, qui hoc carmine scripserunt. Nam nisi frequentibus moris, crebrisque respirationibus, in carmine pastorali, interpuncta sit oratio, non placebit. Eâ autem laude Theocritum meo iudicio longè superavit Virgilius, quòd nec continenti spiritu tam multa proferat, atque ille, qui linguæ suæ garrulitati nimio plus indulgit; & in iis ipsis, quæ dicit, multo sit presior, religiosiorque in eo, quod dissimulari oportet, reticendo: quod est aliquod eloquentiæ genus non vulgare, de quo Tullius ad Atticum: *Rarum est loqui eloquenter, varius eloquenter tacere.* Quod non vident imperiti, qui facilius quod non aptè dicitur, reprehendere, quàm quod prudenter taceretur, laudare solent. Pleraque alia dici possunt in hanc sententiam: sed non est necesse, cum nihil sit de quo minus dubitari queat. Quapropter poëta pastoralis, dum intelligatur quid dicat, summam dicendi laudem putet esse, breuitatem.

Quid sit autem, cur natura bucolici carminis sermonem tam parcum postulet, causam certè aliam non video, nisi quòd simplicitatis ita amans sit, ut non modò nihil ferre queat pompæ illius, & ostentationis, quam præ se fert carmen epicum, quod per sese fufum, & aquabi-

te esse debet: verum etiam ut illud ipsum, quod ostendit, dissimulet. Quemadmodum Galatæa Damonis, quæ fugit tum, cum maxime videri vult.

*Et fugit ad salices, & se cupit ante videri.* Eclog. 3.

Quod non tam malitiosa dissimulationis est, ut visum nonnullis, quam ingenui pudoris, & verecundantis cuiusdam modestiæ specimen familiarie simplicitati. Id autem *rarum in successu artis pictura*, dicitur à Plinio, *ut ostendas etiam, quæ occultat.* Quod ita difficile est, ut summorum tantum ingeniorum, proprium opus esse possit. Nam infinita loquacitas eorum propria est, in quibus est mediocritas ingenij.

Lib. 35. hist. naturi  
cap. 10.

Tertia laus characteris bucolici est *gæmæ opes*, is scilicet, qui contineat venustatem, suavitatemque sermonis, & quidquid est rerum earum, quæ in regno amœniorum Musarum deliciae appellantur: qualis fuit illa laus concessa Virgilio à Musis campestribus, ut nobis auctor est Horatius libro primo Sat. 10.

*molle, atque facetum* Eclog. 3.  
*Virgilio annuerant gaudentes rare Camæne.* lib. 6. cap. 3.

Quod venustissimi decoris, & excultissimæ cuiusdam elegantiae donum ait esse Fabius. Sic enim locum hunc interpretatur, in quo assentitur Tullio, qui vocat 3. de Oratore Atticos omnes facetos, quod est elegantes. Contrà

Libro 6. cap. 3.

quàm vulgò sentiant interpretes huius loci. Nam  
 facetum illud festiuitatis, ac ioci, quo risus ca-  
 ptari solet, si tribueret Virgilio Flaccus, meritò  
 rideretur; cùm risus comœdiæ, venustas eclo-  
 gæ propria sit. Omnes enim deliciæ, omnia  
 γλυκύτης χήματα, omne sal illud, à quo Ve-  
 nus orta dicitur, sic propria sunt huius carmi-  
 nis; vt nihil dicax, scurrile, aut ridiculum pati  
 queat. In eo nihil præter mel, lac, rosas, violas,  
 cæterâsque istiusmodi suauitates adhibendum:  
 sic vt in Adonidis horto, quod aiunt Græci, hoc  
 est in loco amœnissimo, versari te putes. Nam  
 cùm per sese tenue sit, quod parat ecloga, nisi  
 puritatem, venustatēque adhibeat verborum,  
 placere non poterit. Quapropter idem faciat,  
 quod factum ab Attico suo monet Tullius, qui  
 cùm pasceret amicos oluseulis, placebat, quod  
*in filicatis lancibus, & splendidissimis canistris* ea propo-  
 neret. Sic fructus suos, herbâsque cum aliquo  
 ornatu, sed simplici, vt filicatae lancis, & canistro-  
 rum, qui parabilis est, nec abhorrens à rursi con-  
 suetudine, proponat ecloga. Fugiendus tamen,  
 quod in accurata simplicitate satis caueri non po-  
 test, omnis verborum fucus; & quod est difficilli-  
 mum in omnium elegantiarum copiâ, concinnita-  
 tis vitanda quam diligentissimè omnis consecra-  
 tio. *Est enim, vt docet Fabius, quedam diligentia mo-  
 lestissima peruersas:* omnibus enim summis sua-  
 uitati-

Ad Attic. lib. 6.  
 epist. 1.

Lib. 1. cap. 10.

uitatibus fastidium solet esse finitimum. Quapropter ut mulieres quædam sunt inornatæ, quas idipsum deceat quammaximè: sic hoc carmen, ut non indecens sit, vel neglectum interdum esse debet, vel illud, quod in eo pictius, & comptius est, non apparere: adeoque diligens quædam negligentia affectanda. Quod ut commodè fiat, remouendus cultus elegantior, qualis est pigmenti, & calamistrorum: fucatus splendor omnis reiiciendus; modò tamen nitor quidam, & munditia sermonis simplex, & non odiosa, in qua luceat ingenij forma, retineatur. In hoc autem ipso magna quædam est, & incredibilis naturæ vis, ( nihil enim repugnante naturâ, decere potest ) quæ valere tamen difficulter admodum poterit, nisi ab arte perpoliatur.

Tria sunt igitur, quibus character pastoritij carminis, tanquam suis partibus continetur; simplicitas tum sententiæ, tum dictionis; concisæ, sed sensu, succique plenæ orationis breuitas; & elegantissimæ cuiusdam, venustissimæque amœnitatis suauitas.

Nunc de causa efficiente huius carminis; postremò de finali differendum.

*Causa efficiens.*

Duas poëticæ causas effectrices esse vult Aristoteles, insitum homini, quem *ζῶον μιμητικόν* appellat, imitandi studium; tum consequen-

*Cap 4. de poët.*

De poet. cap. 4.

Oratione 53.

rem ab ipsa imitatione delectationem. Quæ quidem causæ reserptæ sunt: proximæ verò ars, & natura. Vt autem variæ in dolis affectiones dederrunt locum variis poëticæ formis, (nam vt animaduersum ab philosopho, *διεσπείοντο κατὰ τὰ οἰκίσια ἢ τὴν ἢ πόλιν*, secundum indolem cuiusque variis accepit formas) nati ad sublimiora imitati sunt actiones splendidas, & illustres; viles, qui animi fuere deiecti, ac humilis. Et vnusquisque pro varia naturæ motione incitationeque, hanc, vel illam poëticæ formam amplexi sunt; sic enim ille: *ἐφ' ἑκάστην τὴν πόλιν ἐρμύνας κατὰ τὴν οἰκίαν φύσιν*. Circa singulas poëticas species excitati, pro suâ indole, singuli quique. De Homero affirmat Dio Chrysostomus, quòd naturam acceperat à diis immortalibus ad omnia carminum genera idoneam; id autem animi propemodum, vt ipse annuit, diuini est: *ὅτι αἰὲν θείας καὶ δαίμονας φύσεως*, non sine diuina & beata natura.

At vt de cæteris poëticæ partibus omit-  
tam dicere, quæ mentis affectio ad hoc carmen  
requisita sit, manifestum ex dictis. Vt enim  
omnia in eo plenissima debent esse simplicis,  
& nudæ amœnitatis, ingenium requirit ple-  
num ventusti cuiusdam leporis, & ad amœnita-  
tem planè natum, quod magnæ est excellentisque  
naturæ. Quidquid enim quouis in genere deli-  
catum est, & elegans, illud esse solet excellen-

tissimum. Atque eiusmodi indoles, cum inflammatione quadam mentis, artisque disciplinâ & institutione, coniuncta carmen facit pastorale.

De fine huius carminis res non est tam expedita. Nam quod pertinet ad finem poëtici in vniuersum spectatæ, locus est, in quo triumphant exagitatores poëtarum, cum poëticam prædicant inutilem & otiosam, viri scilicet amantes utilitatis, sed honestatis bonarumque rerum parum fortasse studiosi, qui nesciant omnes præclaras artes à poëtica esse profectas: quæ

*Finis huius carminis.*

*Quid pulchrum, quid turpe, quid utile, quid non, Horat. poët.*

*Plinius & melius Chrysippo & Crantore dicit.*

Illam enim est, quæ tanquam casta, & incorrupta virgo vitæ bene instituendæ viam, rationemque tradit hominibus; qui postmodum impuræ, impudentisque philosophiæ præceptionibus parum verecundis cœperunt deprauari. Quis enim nesciat ab epico summi viri summum exemplar tradi, à tragico purgari affectus animi, ut plurimum turbulentos, informari mores à melico lyricoque, & deorum heroicorumque laudes celebrari; nullamque adeo poëtici partem videri otiosam?

At ita sit de cæteris, de pastorali certè res ita non habet. Si canis heroem, ad rerum præclarè ab eo gestarum imitationem incendis ani-

R ij.

mos: de carmine autem bucolico quid simile futurum? *Qui legit carmen heroïcum, quæ sunt heroïcæ virtutis discit, & heroïbus se similem esse optat: qui tamen bucolicum legit, neque discit rationem alendi pecoris, neque se pastorem optat.* Quæ fusè Modicius habet apud Pontanum in symbolis ad bucolica Virgilij.

At cùm comœdiæ propositum sit, inquit Hieronymus ad Furian, *humanos nosse mores, & describere.* Quod innuit Demea apud Terentium:

Addp. act 3. sc. 4.

*Inspicere tanquam in speculum in vitas omnium;  
Atque ex aliis sumere exemplum sibi.*

ut urbanæ, ac popularis vitæ disciplina per illam informetur: cur non dabiteandem operam poëtica pastoralis, ut rustica & pastoralis vita instituatur carmine bucolico? Cùm enim ætatis aureæ partus sit, innocentissimos priscæ simplicitatis mores, ut ab omni fuce nudi sunt, deteriori ævo repræsentabit. In quo, suo in genere commendabilis est, quæ id habeat pro instituto, ut in exprimenda vitæ illius, quæ ruri agitur imagine, bonam fidem, candorem, simplicitatem doceat, quæ virtutes priuatorum sunt: ut heroïcum carmen docet summam fortitudinem, & prudentiam, quæ principum, & imperatorum. Interest autem politicæ administrationis, ut quemadmodum poëticæ certa pars est,

quâ ciuium in vrbibus: sic etiam certa sit, quâ rusticorum in agris mores instituuntur. Quod etsi non faceret poëtica pastoralis, vt facit, non propterea videretur otiosa, quæ valere posset ad oblectandos animos suauitatis suæ lenociniis. Non enim potest dici, quantum carminis huius vsu, & studio hilarari cœperint reipublicæ Romanæ florentissima tempora, quibus Virgilius scripsit hoc carmine: quo Augustus, Mæcenas, Asinius Pollio, Alphenus Varus, Cornelius Gallus, ingeniorum beatissimæ illius ætatis deliciæ, mirum in modum delectati sunt. Quidquid enim est suauitatis in amœnioribus Musis, hoc carmine omnium suauissimo continetur. Quòd si respuendum sit illud omne, à quo nihil speratur vtilitatis, aurium & oculorum voluptati erit illico renunciandum: & continuo tollendæ erunt præclaræ artes illæ, musica, & pictura, quibus honestissimi quique magnopere solent delectari. Neque profectò credibile est tam multos excellentissimis ingeniis viros, qui poëticæ dederunt operam, ad hoc studium applicuisse animum, si tam futile esset & friuolum, ac suspicantur quidam ridiculè fastidiosi, quibus plus placet philosophiæ seueritas, & quædam quasi deformitas, ac mœstitia sermonis. At nihil est quod sperni plus debeat, quàm istorum iudicium: cum enim poë-



ticæ studio hominum mentes ad humanitatem  
fingi imprimis, formarique soleant: eos qui  
poëticam vel oderint, vel inutilem prædicent,  
oportet ab omni humanitate magnopere esse  
alienos.





## PARS TERTIA.

## PRÆCEPTIONES,

*Quibus traditur ars omnis, & disciplina scribendi carminis pastoritij.*



**I**N tradenda de scribendo carmine pastorali disciplina, non intendam digitum ad riuulos, quos sectari, pusilli est & exilis ingenij, sed ad ipsos fontes. Quod tamen antequam faciam, mihi imprimis admonendi sunt plerique, quàm difficile sit hoc carmine scribere, quod satis non perspiciunt. Cùm enim per sese tenuis, in qua versatur, materia sit, nihil præ se ferre videtur, quod valde sit operosum: in quo errant ipsi non mediocriter: habet enim tanto plus oneris, quanto veniæ minus: quod dictum ab Horatio de comœdia. Idem de omnibus iis, quæ pertinent ad delectationem, sentiendum. Quidquid enim est voluptatis, non necessitatis, id nisi sit exquisitissimum, fastidio erit finitimum, ut inter epulas discors symphonia, crassum vnguentum, & papauer sardo melle aspersum offendunt: quia sine illis cœna duci poterat. Nihil

enim est magis proximum satietati, quàm quod in vnoquoque genere amœnitatis est, & deliciarum. Nam quamvis dulcedine sensus capiat, interdum: citò tamen respuit id, quod dulce est, & aspernatur: & vt habet Lucretius:

Lib. 4. de rerum  
natura.

———— medio de fonte leporum

*Surgit amari aliquid quod in ipsis floribus angit:*

quod interpretatur Lambinus, & τὰς τῶν ἡδονῶν ἀκμαῖς, hoc est, tum maximè, cùm deliciarum sensus percipitur.

Præterea cùm carmen pastorale sit eiusmodi, vt nec negligentia patiens sit, nec diligentiam supra modum anxiam ferre queat, non potest non esse difficillimum: cùm præsertim in eo desideretur venustas dictionis, sed cultu non nimis exquisito; simplex candor & natiuus, sine humilitate; leporum, ac venerum omnium copia, sed cum parsitate: quæ certè difficultatem habent non mediocrem: cùm ingenio, cuius ea est indoles, vt se profundat, temperandum magis sit, quàm indulgendum; & sustinendus ille, qui per sese adeò procliuus est, mentis impetus. Quod fieri commodè non potest, nisi ab iis, in quibus iudicij summa sit vis, & vsus earum rerum, quæ tradi solent à bonis artibus. Postremò suauitas ingenij, & quædam quasi felicitas: at non illa tam curiosa, qualem tribuebat Horatio Satyrus: ne decorem simplicitatis

tatis tollat ars nimia. Quam operam non existimo, nisi desidiosissimo hominum politiorum otio proponendam. Quid enim difficilius esse potest, quàm semper esse ruri, nunquam agrestem; res humiles, & abiectas dicere, non humiliter & abiectè; gracili tenuisque auenâ canere, non tenuiter; perfundere omnia leporum, ac suauitatum dulcedine, nunquam mouere fatietatem? Quod erat declarandum: ut carminis pastoritij disciplina meliùs tradi posset: nuda enim illa, quam requirit tum orationis, tum sententiæ simplicitas, imitabilis quidem videtur per sese esse cogitanti, sed nihil est experienti minùs: ubi potissimùm ea scriptio adhibenda est, quæ paucorum reprehensionem pertimescat. Neque id erat dissimulandum, ne temerè peccetur in eo à nonnullis, qui difficultates istas non satis considerant. Nunc ad ipsas præceptiones veniendum: ut enim nihil magnum sine natura perficit ars, sine qua labor omnis in instituendo, vanus est; ita naturæ vis tanta esse non potest, quæ sine usu, & disciplinâ, magnum quiddam, ac memorabile efficere possit videatur.

At difficile est præcipere id, de quo hætenus nihil præceptum sit: ubi enim nulla parent vestigia, nisi pedem figas in vacuo, vix habebis certum iter quod teneas. Faciam tamen in re

• tam difficili, quod factum video ab Aristotele, qui ut præciperet de epico carmine, sibi proposuit Homerum, à quo exemplum tradendæ de illo carmine disciplinæsumeret: à Theocrito, & Virgilio, carminis pastoritij principibus viam sumo, rationemque totius, ea de re, præceptionis instituendæ. Quacumque enim de arte præcipitur: de perfectâ, & excellenti præcipi solet. quod ab iis peti debet, in quibus perfectâ, excellensque sit.

*Prima præceptio  
de materia.*

• Primum præceptum de materia sit, quæ actio pastoris est, vel ficta ad ingenium indolémque pastoris. Quamvis enim verecundum simpléxque sit carmen pastoritium: sublimiora tamen argumenta non recusât, modò ea sibi suoque ingenio, κατὰ τὸ δῶκεν, accommodet. Quod tametsi non factum à Theocrito, qui pastoritiæ simplicitatis formam omnem expressit perdiligenter: id tamen tentatum satis feliciter à Virgilio, de quo idem ferme dici potest, quod scribit Fabius de Stesichoro, *qui bella, & duces, onus epici carminis, lyra sustinuit*: Cecinit enim ad fistulam pastoralem Virgilius res satis magnas, sed accommodatas ad ingenium pastoris: cui si quid non consentaneum sit, illud respuit omne pastorale carmen: non enim par esse per sese potest grauioribus rebus tractandis.

Libro 1<sup>o</sup> cap. 1.

Quapropter leniore quodam spiritu loquatur

poëta pastoralis: ne si vocem tollat, & diducat os, idem illi contingat, quod contigisse aiunt cuidam Italo pastori: qui cum oris esset paulo vastioris, spiritusque permagnus, solebat roties rumpere calamos, quoties canebat ad fistulam: quibus oris vastitate, spiritusque vehementiâ, plus animæ, quam recipere possent, inspirabat. Quod vitium magnum est in poëta pastorali. Si enim maiorem vel sonum vocis, vel spiritus contentionem adhibeat eclogæ: erit absurdus, qui contrâ quàm deceat, clamet. Quod tamen; præceptum magis est monitoris non imperiti, quàm magistri valde excellentis. nam eam ob rem Cynthius peruellebat aurem Virgilio, ne carmine pastoralis grandia diceret. Si quid tamen magnum sit, quod ausit ecloga: breuissimas interdum adhibere poterit inuocationes, quibus, ut facere solent epici, modestè opem imploret: ut factum à Virgilio in Polli-  
Inuocationes interdum hoc in carmine adhibenda.

ne, qui spiritus est paulo excelsioris.  
*Sicelides Musa paulo maiora canamus.*  
 Sic inuocat Arethusam, cum agit de Cornelio Gallo Ægypti Proconsule, & eius amoribus, qui pastoritiam materiam superant.

*Extremum hunc, Arethusa, mihi concede laborem.*  
 Arethusam cur inuocet, non est difficile dicere: erat enim illa, nymphea Siciliæ, per quam sperabat eclogæ ingenium natum in Sicilia, posse

sibi inspirari. Sic in ecloga septima Nymphas Lebetrides, Pierides in octaua inuocat, quod res ferebat. Ita factum videmus à Theocrito:

Idyll. 22.

εἴτε θεά, σὺ γὰρ εἶδα.

Vnde liquet inuocationes in hoc carmine locum habere posse, quantumuis magna admodum non moliatur. Quamlibet autem materiam tractet, illam semper accommodare meminerit ad conditionem pastoris.

2. præceptio circa  
formam.

De forma siue imitationis ratione, quod traditum est, non repeto, hanc per sese esse mixtam: est enim ἀμυγδαῖον hoc carmen, μονοπερὶ σῶπον, & mixtum ex utroque, magis tamen ἀμυγδαῖον, ut patet ex illo Theocriti,

Idyllio 7.

Βυελιασδῶμεθα πᾶχ' ὅπως ἄλλων οἰασῶ.

Vbi poëta carmen bucolicum exprimit, per vocem eam, quâ significantur vices sermonis. Fabulam autem necesse est esse simplicem, ne comædiæ vel tragædiæ formam induat, si grandis implicatâque sit: Vna autem esse debet, quod in omni poëmâ requirit imprimis Aristoteles in poetica; & ipse Horatius ad Pisones:

*Denique sit quoduis simplex duntaxat, & vnum.*

Omne enim carmen non vnum, imperfectum est, quæ vnitas ab actione peti debet: si enim vna sit, & ipsum carmen vnum erit: ut amor Corydonis in ecloga secunda Virgilij, expositulatio Melibœi de sua fortuna, apud Tityrum,

Amaryllis, Cyclops, Tyrſis Theocriti, quod fuſius explicari ſuo loco poterit.

Tertia præceptio ſit de oratione, cuius forma hoc in carmine non poteſt haberi optima, niſi vel à Theocriti-Idylliis, vel ab eclogis Virgilij petatur. Simplex ſit imprimis & ingenua, ut illa Theocriti:

ἐς τὲ κατὰ ρέϊ

Idyllio 3,

Α' χίμαρος. χίμαρος δὲ καλὸν κρῆς.

Ibidem,

θῶσσι φίλος ὡς καλὸν ὅσδε.

vel iſta Virgilij, ex ecloga ſeptima:

*Sinum lactis, & hæc te liba, Priape, quotannis*

*Expectare ſat eſt, cuſtos es pauperis hortii.*

*Nunc te marmoreum, pro tempore, fecimus: at tu*

*Si ſætura gregem ſuppleuerit, aureus eſto.*

Quibus nihil ſimplicius, aut magis ingenuum dici poteſt: ut & illud ex Palæmone:

*Phyllida amo ante alias, quæ me diſcedere fleuit,*

*Et longum formosè vale, vale inquit Iola.*

Porro ingenuitas illa in eo poſita eſt, ut & dictio nitida ſit, puro quodam & candido genere dicendi, nullâ tumens verborum inſolentiâ, nullâ translationum audaciâ vehemens, aut incitata, & in ipſa ſententia familiare quiddam ſit, & quaſi obuium, fūco carens: cultus omnis & ornatus facilis, ut agreſtis gaza, nihil quæſitum anxie, nihil affectatum: quemadmodum obſervat Hermogenes in Theocritum, iis verbis:

S iij



ὁρᾷς ὅσοι τὸ ἀφελὲς τῆς γλώττης· καὶ μὲν καὶ τὸ,

Ἀδύ τι τὸ ψιθύρισμα, καὶ αἱ πίτυς, αἱ πόλε, τίνα,  
καὶ τὰ πολλὰ τῶν βυκολικῶν, ἵνα μὴ τὰ πάντα λέγω,  
πιαστὰ ᾖσι. *Vides quanta sit simplicitas sententiae. Et  
etiam illud, Dulce murmur & pinus ista, ὁ pastor capra-  
rie: & pleraque è bucolicis, ne dicam omnia, sunt hu-  
iusmodi.* Nam simplex illa tum sententiae, tum  
dictionis ingenuitas, est quasi certa & natura-  
lis nota bucolicorum. In quo regnant Theocri-  
tus, & Virgilius: ceteri iacent planè frigidi, ac  
miserabiles. Rerum enim quas tractant, vilitate  
illico concidunt isti: sustinet se quodam semper  
verborum delectu Virgilius, & dicit tenuia, ut  
plurimum, quod est proprium huius carminis,  
sed nunquam tenuiter: ut patet in his, ex  
Alexi.

*Addam cerea pruna, & honos erit huic quoque pomo.*

*Et vos, ὁ lauri, carpam, & te, proxima myrie:*

*Sic posita, quoniam suaves miscetis odores.*

Nam humilitatis rerum, vilitatisque vitandæ  
gratiâ, verborum lux quædam adhibenda: non  
ea tamen tam splendida, & illustris, sed quæ ca-  
sti imprimis, purique sermonis formam, ratio-  
nêmque sequatur, quæ primis rudimentis, doctri-  
nâque puerili tradi solet: at crebrâ stili exerci-  
tatione, lectiônèque probatissimorum scripto-  
rum perpolienda. Solet enim aspernabilis fie-  
ri leuitate materiæ, ni pura nitensque sit.

Quapropter ne se externis oblinat moribus pastoritius poëta : si enim aliquâ peregrinitatis consuetudine salubritatem illam , quam requirit carmen bucolicum , & quasi sanitatem sermonis semel infecerit : parum idoneus videbitur , qui se exerceat in bucolicis. Pompæ tamen , & splendori parcat : nam propria est tragicorum , & epicorum dicendi magnificentia. At verba rus sapiant interdum , sed non illud , cuius pleni erant annales Volusij.

*Pleni ruris , & inficetiarum.*

Epigr. 37.

de quibus tam falsè Catullus , ut nihil falsius. Etsi enim sententia rusticana esse debeat , quæ productos è caula pastores decere possit : nulla tamen vox agrestis , aut rustica sit. Ut patet in Corydone , cum mentionem facit de capreo-  
*Simplex & rustica.*

*Bina die siccant ovis vbera , quos tibi seruo.*

*Iam pridem à me illos abducere Thestylis orat.*

*Et faciet.*

Nam quid rusticius quàm destinare illos Alexi , quo tempore Thestylim blanditiarum suarum importunitate credit impetraturam ? At nihil in vocibus agreste , aut rusticum. In summa , laudem habeat eam carmen bucolicum , quam Tullius dabat Crasso , de cuius oratione solebat dicere : *nihil esse tam sine pigmentis , fucoque puerili.* Ita sit sine ornatu pastoralis oratio , sine phaleris ,

Lib. 2. de Orat.

*Pressa sit & bre-  
vis.*

omnique adeò eâ artis supellectile, quæ fu-  
cum facit. Sed appareat in ea cuiusdam inge-  
nuæ simplicitatis candida, & amabilis venustas,  
nuda ab omni nimio apparatu: Quæ tamen lan-  
guebit, ni festinet, aut si in vlla parte cuncte-  
tur, vel hæreat; quapropter pressa sit, brevis, &  
interpuncta. Vt illud ex Palæmone Virgilij:

*Qui Bauium non odi, amet tua carmina, Mani.*

Ex eodem:

——— *non bene ripa*

*Creditur, ipse aries etiam nunc vellera siccet.*

Ex Corydone:

*Hæc eadem ut sciret, quid non faciebat Amyntas.*  
Sic apud Theocritum multa sunt huius spiritus:  
ut videre est, tum cæteris passim in idylliis pa-  
storalibus, tum præcipuè in quinto. Sic Bat-  
tus idyllio quarto, de sua Amaryllide tristi fato  
sibi erepta.

*Ὅσοι αἴγες ἐμὴν φίλαι, ὅσοι ἀπέσθας.*

Et illud ex tertio quàm tenerum,

*Καὶ γὰρ μ' ἴσως πολὺν: ἐπὶ σὲ αἰδμαλῖνα ἐστὶ.*

Quâ concisâ pressâque oratione, præcipua laus  
istius carminis continetur: in eo enim nihil est,  
quantum iudico, quod plus delectet, quàm in-  
teriectæ illæ frequentibus morulis, suspensæque  
respirationes: in quibus tamen, ne ipsa oratio len-  
ta sit, & sine animo, atque ut loquitur Aristopha-  
nes. *ψυχὴ ἀψυχος*, sensus crebros frequentésque  
habeat

*Affectum habeat.*

habeat affectus: ut illud comastæ ad Amaryllidem,  
 ἄπαρξασθαι με ποιησῆς.

Idyll. 5:

Et illi affectus desperati Daphnidis, quem canit  
 Tyrsis in idyllio primo.

Ω λυκοί, ὧ θῆες, ὧ αἰ' ὄρεα φωλαῖδες ἄρκεσι  
 Χαίρεθ' ὁ βοσκὸς ὕμνῳ ἐγὼ Δάφνης οὐκέτ' αἰ' ὕλαν,  
 Οὐκέτ' αἰ' ἀδρυμῶσι, &c.

quàm simul & teneri sunt, & vehementes. Ple-  
 rique istiusmodi sunt apud Virgilium, sic despe-  
 rationis amatoris sint etiam nonnulli: ut is Al-  
 phesibœi, eclog. 8.

— *Nec sit mihi cura mederi.*

Et ille Damonis,

— *Extrema moriens tamen alloquor hora.*

Sic Corydon,

— *Nec quid speraret, habebat.*

Nam licet non admittat hoc carmen affectus  
 valde violentos, quales solent esse ij, qui sum-  
 mæ perturbationis sunt, ut in desperatis: tamen  
 quia desperationes in amore non ita sunt horri-  
 biles, & odiosæ, plûsque miserandi cuiusdam  
 doloris habent, & amabilis infanix, quàm ne-  
 farij furoris: eas non modò non respuit ecloga,  
 sed amat etiam, & requirit. Quapropter misel-  
 lus interdum potest induci pastor, qui Lunæ,  
 aliquam partem noctis, vel rupibus narret suas  
 in amore misérias, & apud silvas, & fontes  
 conqueri tristes iras, & fastidia dura superbæ.

T

Phyllidis, aut Amaryllidis amice vel canere ad fo-  
res, quod Plutarchus in erotico numerat inter a-  
matoria; aut alias istiusmodi nugari nugas, aman-  
tibus familiares. At modum non excedant affe-  
ctus ij, vt contigit furioso illi Galateæ amato-  
ri Polyphemo, qui non rosis, non pomis, non  
floribus, sed perniciosis furiis amabat. Sic enim  
Theocritus diuinè, vt omnia,

Idyll. xi.

Ἡγετο δ' οὐτ' ῥόδους, οὐ μάλ' αἰς, οὐδ' ἀνέμοις;

Ἀλλ' ὅλας μανίας.

Omnes enim violentæ perturbationes bucolico carmini, quod est molle, ac tenerum, diligenter fugiendæ: ne, quod aiunt, excitentur tempestates in simpulo: *in paruis enim libris, quales sunt pastoritæ, traggædias mouere, tale est, quale si personam Hercules, & cothurnos aptare velis infantibus.* Quod prudenter obseruatum à Fabio. Vt enim spiritus tenuis est ecloga, videtur non posse recipere motus eos, qui pertinent ad theatrum, & ad declamationem; sed lenes quasdam commotiunculas, eosque duntaxat affectus, qui molles sunt, ac teneri, vt in Gallo Virgilij:

Lib. 6. c. 2.

Alpinas ah! dura niues, & frigora Rheni

Me sine sola vides. Ah! ne te frigora ledant.

Ah! tibi ne teneras glacies fecerit aspera plantas.

Quibus adhibeat interdum breuiusculas rerum inanimatarum interrogationes: his enim oratio

mitum in modum animatur: ut in Daphnide,

*Vos coryli testes, & flumina nymphis.*

Ipsis fontibus & arbutis sensum inducat: ut in Tityro,

*— ipsæ te Tityre pinus,*

*Ipsi te fontes, ipsa hæc arbuta vocabant.*

His enim affectus exprimitur: ut est & illud Tyrsidis in Melibœo Virgilij,

*Phyllidis aduentu nostra nemus omne virebit.*

Qui molles affectus crebri sunt apud Theocritum & Virgilium: iis enim carminis pastoritij præcipua suauitas continetur: ut nobis auctor ex vetustis Theocriti interpretibus vnus, qui in eum idyllij 8. locum,

Ἀγλαὰ καὶ ποταμὸν ἥϊον γένος.

sic habet: γλυκύτης δὲ γῆμα, ὅτι πῖς ἀψύχοις, ὡς ἐμψύχοις περιεσφάλεται. *Suavis hæc orationis forma, in qua cum rebus inanimis, ut cum animatis, oratio habetur. Sed ita tamen adhibeantur, & tam parcè: ut nihil vehemens, audaxque sit: liquet enim vi, & audaciâ interire suauitatem, quæ præcipua laus esse debet carminis bucolici, in quo dominari debet iuge studium persequendæ lenitatis. Est enim hoc carmen, illi suauissimo poëtæ non absimile, qui dicebat omnia suauiter: de quo sic Fullius in eo poëmate, quod scripsit ad Libonem:*

*Quidquid come loquens, & omnia dulcia dicens.*

Hanc enim laudem Terentio tribuebat. In affe-

T ij

Atuum autem tractatione teneatur ea imprimis Longini rhetoris *μετ' ὧν* præceptio, ne *ὑσὺρπενται* affectus, cum res non postulat; cum postulat autem, parcè ac moderatè *ὑσὺρπενται*. *ἔστι δὲ πάθος ἀνθρώπου, & κατὰ τὸν ἔρτα μὴ δὲ πάθος· ἢ ἀνθρώπου, ἔρτα μὴ κατὰ τὸν δὲ.* Intempestiva est, & inanis, ubi nihil est opus affectibus, affectuum usurpatio: vel cum sine modo adhibentur, ubi modus requiritur.

At ut sermo conueniat carmini nostro, ne grauis, sonans, elatusque sit; sed facilis, & nitidus instar aquæ profluentis: ne fundatur latè, vel nimis anxîâ verborum constructione, vel circumlocutionibus valde impeditis: si qui sint in eo ambitus orationis, sine magna circumductio-  
ne cadant leniter, non enim huius oris est ecloga, quæ continenti spiritu multa, sine respiratione, dicere queat.

*Quis debeat esse  
numerus carmi-  
nis pastoritij.*

De numero autem huius carminis sic statuo: de eo non tam sollicitè, superstitiosèque laborandum, atque existimat Terentianus: qui distylum in quarto pede semper collocari debere vult, saltem ut plurimum. Quod quidem factum videmus à Theocrito, sed à Virgilio neglectum, vel quia res non ita ferebat, vel, ut existimat Donatus, quod victus sit obseruationis huius difficultate. Abrogata tanto auctore lex illa vim retinere iam non potest. Deiciendus tamen in pastorali carmine numerus. Nam

heroïco, nisi sonus frangatur interdum, grandis est, & excelsus. Quare adhibendus numerus is, qui per sese sponte occurrat orationi, & liberiore quâdam fruatur licentiâ, quæ nihil habeat quod duriusculum personans, vel hiulculum sit: nam velle in hac parte nimis esse diligentem, quid aliud est, quàm operosè nugari, & curam perdere? Eò accedit, quòd dactyli in quarto pede crebriores, fastidio similitudinis satietatem asferre possint, quod est fugiendum quammaximè in hoc carmine, cuius cura debet esse omnis, ut seruiat oblectationi. Fateor tamen incitatam illam, quæ est apud Theocritum numerorum percussionem auribus, quarum iudicium delicatum est, placere suprâ quàm dici potest: quidquid secus visum sit Virgilio, qui suauissimæ illius, quæ est in numero Theocritico, lenitatis assequendæ desperatione victus, eum, qui per sese sponte flueret, secutus est. Existimabat enim liberiores illam licentiam magis accommodatam huic carmini, in quo potissimum debet regnare simplicitas; vel, quod magis suspicor, Latinum sermonem tam difficiles durasque leges, & angustias, tam religiosè obseruatas à Theocrito, commodè recipere non posse. Porro vnum carmen heroïcum conuenire poëticæ pastorali satis declarat tum Virgilij, tum Theocriti exemplum. Quamquam Theo-

T iij



critum quosdam in idyllio octauo pentametros aspersisse planum est, sed quamobrem id fecerit, obscurum. Certè cum semel ab eo, idque parè admodum factum sit, nec à Virgilio tentatum, argumento est, commodè id fieri non posse.

*Rhetorica huius  
carminis.*

Quod spectat ad rhetoricam: narrationes interdum habeat simplices, & non bene longas; quales requirere solebat in poëtis Socrates, apud Platonem. Eos enim potissimum probat poëtas, qui utuntur narratione simplici, & eam commendat præ cæteris, quæ brevis est, & rei naturam commodè exprimit. Sunt qui existiment naturam huius carminis, narrationes, si præsertim valde bene longæ sint, pati non posse, nullasque esse apud Virgilium: quod non satis attendunt; sunt enim aliquæ, ut ista in Sileno.

*An ferat narra-  
tiones?*

*Chromis, & Mnasyllus in antro*

*Silenum pueri somno videre iacentem,*

*Inflatum hesterno venas, ut semper, Iaccho.*

*Serta procul, &c.*

Verùm quia narrationes tam raræ sunt apud Theocritum, & Virgilium, eas quamparcissimè existimo adhibendas: si tamen res ferat non incommodè, adhiberi posse puto, quales requirit Socrates.

Ipsa autem oratio respondebit magis pastorum indoli, si declinationes interdum habeat,

digressionēſque à propoſito breuiuſculas : qualis eſt illa de Paſiphae, in Sileno ; quamquam pæne modum excedit ; ſed indulgendum aliquid Virgilio, qui tam rarò ſibi indulget.

De deſcriptionibus non eſt ita in promptu, quid dicam ; namque in eo non bene conuenit inter duces noſtros Theocritum, & Virgilium : Ille enim idyllio primo deſcribit poculum tam fuſe & intemperanter, vt in eo notetur à criticis. Nullam autem iſtiusmodi deſcriptionem reperias apud Virgilium ; quàm parcè enim deſcribit vas fagineum Melibœi, opus diuini Alci-medontis.

*An deſcriptionē  
admittat?*

*Lenta quibus torno facili ſuperaddita vitis  
Diffuſos hedera veſtit pallente corymbos, &c.*

Rem conficit quinque verſibus, Theocritus triginta quatuor, quod eſt parum temperantis, & nimis otioſi. Plus placet in ea parte prudens ille Virgilij modus : res enim deſcribere tam accuratè, meo quidem iudicio, non tam bene conuenit paſtori, qui *polire ungues & capillum reponere*, quod dictum de eloquentia à Fabio, quodque exquiſitoris, curioſiorisſque diligentia eſt, ad ſe pertinere non exiſtimabit. Quàmquam hoc etiam factum à Ronſardo, emendati impri-mis iudicij viro, vt, ferebat linguæ tunc inopis vſus, mirificè, eclogâ quintâ, in qua poculum ad imitationem Theocriti copioſè deſcribit.

Quod & à Marino factum in idylliis, qui modum tenet nullum in describendo: parum prudenter. Fingant se in eo potius ad temperatam illam Virgilij abstinentiam, & consideratam moderationem, qui se accuratos, & prudentes haberi volunt. Nam quod obiici potest de Moschi Europa, in qua calathi descriptio habetur tam ampla, non habet hic locum: cum hoc idyllium non pastorale sit. Fateor tamen descriptiones interdum rerum non magnarum, nec ita accuratè factas, in pastoralibus colloquiis posse non indecorè locum habere, si parçè vsurpentur.

*Comparationes  
frequenter adhibende.*

At si descriptionibus parcendum est, parci non debet comparationibus, quæ si frequentissimæ, creberrimæque adhibeantur, gratiam orationi pastoritiæ afferent non mediocrem, maximè si de proximo, hoc est de rebus rusticis petantur. Frequentes sunt apud Theocritum, sed ita propriæ ruris, ut eas nemo nisi rusticus audeat vsurpare, etiam in sermone familiari: sic eius Menalcas in idyllio octavo:

Δείδρεσι μὲν χίμωνι Φοῖβος ἐνὶ κακῷ, ὕδασι δ' αἰχμῆς.

Οἷσι δ' ὕσσω καὶ ζῆ, ἀργυρίῳ δὲ λίνα.

Ἀνδρὶ δὲ πρὸ κνήκας ἀπ' ἀλᾶς πότος.

Et Virgilij Damoetas in Palamone:

*Triste lupus stabulis, maturis frugibus imbrēs,*

*Arboribus venti, nobis Amaryllidis ira.*

Et illa ex ecloga 8.

*Limus*

*Limus ut hic durefcit, & hac ut cera liquefcit*

*Uno eodémque igni: fic noſtro Daphnis amore.*

Quibus, apud illum nihil frequentius; eaque maximè conueniunt ingenio paſtorali: quemadmodum crebra verborum repetitiones, geminationesque quarumdam vocum: quæ ſi collocentur interdum aptè, leporam habent, ſuprà quàm dici poteſt mirificum, & quandam in numeris, modisque ſuauiſſimam. Nam quid ſuauius iſtâ articuli tam aptè uſurpatâ repetitione, apud viatores Theocriti?

*Αἴγας ἐμὴ, τῆσι τὸν ποιμένα, τὸν συβαίταν,*

*Φεύγει τὸν Λάκωνα.*

At longè etiam multò ſuauior, iſta ex idyllio ſecundo,

*Ἥϊδε σιγαῖ μὲν πάντες, σιγῶντι δ' αἴτται·*

*Α δ' ἐμὰ ὃ σιγαῖ τέττιων ἔντοδεν ἀνία.*

Quo loco, haud ſcio, an blandius quidquam, magis que delicatum excogitari poſſit. Sic ſuæ ſunt apud Virgilium amabiliſſimæ quarumdam vocum repetitiones, quibus nihil amœnuius, ut iſta ex Melibœo,

*Phyllis amat corylos: illas dum Phyllis amabit,*

*Nec myrtus vincet, corylos, &c.*

Quod pertinet ad mores, id vnum, pro omnibus præceptum ſit: ut quales beatorum inſulæ, *Qui mores?* vel aurea tempora ferebant, paſtores deſcribantur, ſimplices, ingenui, candidi, iuſtitia aman-

tes. Nam, vt habet poëta,

Virg. Georg. lib. 1.

— extrema per illos

*Iustitia excedens terris vestigia fecit.*

Communitatis autem, & beneficentiæ studiosi, & cuiusdam innocentis indolis bonitate, & consuetudine benignitatis amabiles. Nam vt obseruatum ab Aristotele 3. Rhetor. cap. 2. poëtica versatur circa personas excellentiores. Ab iis autem nulla fraus, nullumque facinus aberit, si pastoris illius similes fuerint, quem inducit Plato, qui annuli cuiusdam admirabilis. vsus opportunitate, reginam corrumpit primum; tum eâ adiutrice regem dominum interemit, mox rerum in Lydia potitus cum per anulum videret omnia, & à nullo videretur, omnium flagitiorum licentiâ & impunitate, sceleratissimus mortalium effectus est. Remouenda omnis à pastore turpitudine: nihil enim est tam contra naturam, quæ priscis temporibus erat innocens. Quod si tenuerit religiosè poëta bucolicus; tenere autem debet; nihil libidinosè, vel intemperanter dicet, nullam mouebit rei cuiusuis inuerecundæ suspensionem, res amatorias si attingat, faciet verecundè. In quo dignus reprehensione Theocritus, qui pastores inducit vt plurimum parum liberales & honestos: ea enim dicunt interdum, quæ si apud honestos & liberales viros pronunciare velis, honos præfandus

fit. Quod alienum à moribus priscæ ætatis, ad cuius normam pastores, non qui sunt, sed qui debent esse, describantur. In quo non peccatum à Virgilio, seu quòd sermo Latinus, nescio quo modo, grauis verecundusque sit magis, quàm Græcus, seu quòd ipse Virgilius pastoritiæ vitæ decorum plus viderit, quàm Theocritus; qui sæculo cecinit adhuc valde rudi, & ad honestatem nondum satis erudito: vix enim abstinet ab obscenitate verborum, quæ non modò non digna sint luce & frequentia, sed vel conuiujs liberorum: id autem non patitur pudor vitæ innocentis, & candidæ, quæ pastorum propria est. In quo poëtæ ij, qui molles illas amorum illecebras, quæ deliciæ vocantur, in pastoralem conditionem, & vitam inducunt, mihi videntur, ne quid grauius dicam, parum considerati. Omnis enim corruptela, atque proteruitas, & si quid est istiusmodi quod pertineat ad impudentiam, tam abhorret ab aureæ ætatis innocentia, & simplicitate, quæ fuit ætas pastorum; quàm ab heroicis temporibus abhorret ignauia, atque turpitudine. Posset esse locus hic dicendi in obscenos poëtas, æmulos Timanthis, qui *pingebat tabellis libidines, eò genere petulantis ioci se reficiens*, vt habet Plinius: belli certè va-

Lib. 35. cap. 10.

publica tanquam pernicioſæ peſtes: vias enim adoleſcentiæ lubricas oſtendunt, quibus inſiſtere, aut ingredi ſine aliqua prolapſione vix poſſit. Peſtiteri enimvero homines, quorum vita propemodum omnis corrupta, & inquinata voluptatibus, in eo verſatur, vt optimorum adoleſcentum pudori illudat; de quorum proteruitate, impudentia, atque importunitate immenſa eſſet oratio, niſi me propoſitæ rei tractatio ad inſtitutum reuocaret.

Vnum etiam eſt, in quo lapſus quoque videtur, meo iudicio, Theocritus, qui ſuis paſtoribus tribuat interdum quandam verborum inclementiam, & acerbitem, quâ nihil pœne dici poteſt amarius. Comatas, & Lacon, idyllio quinto, tantùm non ad manus veniunt, altercationum rixarumque inflammatione: quod vitæ paſtoralis ſimplicitas ferre non poteſt. Certè de paſtoribus aliter ſentiendum, ac de Lupercis, qui feras & agreſtes ſilueſtrium hominum ſodalitates inſtituebant in agris, quibus, in omni libidinum ac flagitiorum genere, & vitæ infamia nihil perditius dici poterat. Quapropter in carmine paſtorali, cuius forma peti debet ab aureæ ætatis innocentia, ab omni rerum verborumque probro, atque turpitudine diligenter abſtinendum: & illorum temporum caſtiſſimi mores, quantum fieri poteſt, opti-

mis honestissimæ disciplinæ artibus imbuendi.

Quod si teneatur, seruabitur decorum in vita pastorali, cuius ignoratione grauitèr peccabitur. Absit autem quidquid aut nefarium est, aut violentum: cùm carmen bucolicum de rebus pacatis esse debeat, minimèque turbulentis. Facit tamen hoc loco mihi nēgorium vtraque Pharmaceutria Theocriti, & Virgilij, in quibus veneficia, carmina, & artes omnino malæ adhibentur ad amorem, vt sit à perditis, & desperatis, conciliandum: quod non bene conuenit cum pastoritia simplicitate. Certè Theocriti Pharmaceutria non agitur inter pastores, nam Delphis ille Myndius palæstram frequentabat, & Simætha maleficij artifex, vt fatetur interpres, erat mulier vrbana, non rustica. Plus habet difficultatis Pharmaceutria Virgilij, quæ inter pastores geritur: sed deficit à decoro pastoritiæ probitatis, cuius indoles abhorrerè videtur ab omni maloficij opinione. Quamquam etiam in hac parte Virgilius excusatur ab Apulejo, in Apologia prima, sic enim ille in hunc locum: *alia quæri ad magiam solere. Ille enim quantum scio, enumerat vittas molles, verbenas pingues, & thura mascula, & licia decolora.* Perinde quasi velit carmen illud vel non esse veneficij, vel si sit, non esse nisi valde innocentis, quod perpendant existimationibus, iudiciisque suis critici sagaciores.



*Sententias non  
recipit ecloga,  
maximè si graues  
sint.*

Sententiæ verò, præsertim si graues sint, & argutæ, quòd hominum non acutorum sensus præteruolent, sedulò vitandæ: quod non satis obseruatum à Theocrito, qui non modò vulgaris dicta, quæ apud populum in prouerbij consuetudinem venerant, & sumptas de communi vita sententiolas, sed eas etiam, quas *κεῖναι δόξαι* vocant, hoc est graues, & exquisitioris sensu plenas, crebrò vsurpauit, vt in idyl. 4.

*Ελπίδες εὖ ζωοῖσι, αἰέλαπτοι δὲ θανόντις.*

Dictum grauitèr magis & magnificè, quàm ferebat conditio bubulci, qui conducebat operam pro pascendis alienis bobus, qui post dictum illud tam sententiosè, sermonem habet cum Cymatha pecude suâ, inter pecudes tantum non pecus. O grauem hominem dignumque, qui pronunciet sententias! Longè consideratior in ea parte Virgilius, qui semel in omni opere bucolico sententiosè locutus: neque illud quidem impunè: nam reprehensus à Seruio, qui in hanc sententiam eclogæ secundæ,

*Trahit sua quemque voluptas,*

notat poëtam, quòd eam dederit rustico, supra bucolici carminis conditionem. Tamen existimo prouerbia hoc carmen pati posse: si quidem ex Aristotele, nulli homines sunt, in quorum ore prouerbia frequentiora sint, quàm rustici! si

decorum, cuius semper habenda ratio, teneatur.

Ad orationis contextum ut sententiæ pertinent, ita & figuræ, per quas accedit orationi, id quod habet animorum: de quibus idem præcipi debet, ac de affectibus. Respuit enim bucolicum carmen illud omne, quod est vehementem in dicendo; neque enim ferre potest τὸ βιάεσθαι, καὶ πλεὺς σμυνολογίας, quod utrumque ad pompam pertinet, & proprium est declamatorum. Abhorret enim ab ingenio pastoris, id omne quod est declamatorium. Nam monet Servius in eclogas, *personas in bucolicis rusticas esse, & simplicitate gaudentes, à quibus nihil altum debeat requiri: unde nihil in his urbanum, nihil declamatorium inueniatur; sed è re rustica sint omnia.* Quapropter figuræ illæ omnes, quibus splendor nimius orationi conciliatur, magnificusque ille verborum strepitus, quod theatro, vel declamationi conueniat, reiiciendus: ut restet purum illud τὸ ἀφελές, sine quo carminis bucolici venustas, & ut ita dicam, decentia existerè minime potest. Lenes autem figuræ, ut in affectibus, commiserationes, timores, amores, æmulationes, dulces rixæ, in quibus nihil alienum ab indole pastoris, commodè usurpari poterunt: quæ omnia docere velle esset infinitum. Satis erit poetæ pastorali summa rerum percipere

Figura.

genera, ut reliqua per sese non incommodè persequatur.

Cetera quæ sunt leporis, humanitatis, & gratiarum, in quibus omnibus domina est natura, quamvis nec artem ullam desiderent, nec præceptionem: tamen admonendi sunt ij, qui hanc operam nauant, nulli ut parcant, quoad liceat, amœnitati, quæ est pæne iugis apud Theocritum, & perpetua. Certè poëtarum omnium totius antiquitatis, in quo plus sit venustatis, & deliciarum, video neminem: is enim est, apud quem omnia plenissima sint gratiarum: in idyllio 5. Lâcon.

Ψυχρὸν ὕδωρ πλὴν καὶ λαλεῖσθαι, ὧδε πιφύκει

Ποία, χ' αἰ σιωπῆς ἄδε, ἔ ἀκρίδες ὧδε λαλειῶντι.

Et hoc Comatæ:

πύτων δρύες, ὧδε κύπριος,

Ὡδὲ καλὸν βομβεῶντι ποτὶ σμαίεσσιν μέλισσαι,

Εἰθ' ὕδατος ψυχρῷ χεῖται δύο.

Quæ amœnitas tum ex suauitate vocum, tum ex sententiæ ipsius venustate, tum lenitate numerorum existit. Hanc autem cùm in Theocrito passim, tum in Virgilio, est enim uterque leporum pater, admiramur: in recentioribus verò, saltem plerisque, quæsitam è floribus, & pigmentis puerilium deliciarum conflata vix ferimus: Quidam enim sunt, maximè iis perditæ latinitatis temporibus, quibus nihil tam

viget,

viget, quàm studium vitandæ simplicitatis, in tractandis gratiis tam parum felices, vt nunquam minùs venusti sint, quàm cùm maximè videri volunt; isti non absimiles, de quo Longinus cùm mentionem facit de Demosthene.

ὅταν ὁ εἰς τὴν θάλην τὴν ὀπίσθην ἔλθῃ, τότε πλέον ἀφίσταται: cùm maximè ad venustatem accedere vult,

Lib. περὶ ὁμοιοφω-  
Sect. 30.

tunc magis ab ea recedit. Est enim quædam concinnitatis & gratiarum cura, quâ nihil icuius dici potest: nimia enim sedulitate & diligentia desinit in frigidam orationem, vt præclarè docet Longinus: ὑπὸ πειρασμοῦ ἀφίσταται.

Sect. 2.

Itaque, quod iam pluribus & præceptum est, & præcipi satis non potest, si adhibebuntur ornamenta, vt adhiberi debent,

ne nimis curiosè exquisita sint: vt non peccetur diligenti sedulitate, vbi quæritur neglecta simplicitas. Memorabile enim teneri debet, in iis præsertim quæ ad artem pertinent, Apellis præceptum, de quo Plinius, nocere sæpe nimiam diligentiam.

Lib. 1. c. 10. Nat.  
hist.

Nam caput artis est, dissimulare artem: idem visum Fabio qui nimia subtilitatis affectatione artes concidere, prudenter monet. Quod cùm in aliis poëticæ partibus, tum maximè in pastorali locum habet, quam decet imprimis nitor,

Lib. 1. proem.

& simplicitas.

At facili illa, & nuda simplicitate nihil, meo quidem iudicio, elegantius: quidquid secus fortasse

videatur sæculi deterioris hominibus, qui fūco & pigmentis magis delectantur : ludus est tamen homini communium litterarum, & politioris humanitatis non imperito.

*Iudicium de iis  
qui bucolico car-  
mine scripserunt.*

Verùm de nulla arte meliùs præcipi potest, quàm si proponantur eorum exempla, quorum imitatione laus artis, commendatioque quodammodo contineatur. Atque ut initium faciamus à Græcis, à quibus omnis artium bonarum perfectio primùm profecta est. Præcipuos in carmine pastorali poëtas habent Theocritum, Moschum, Bionem, quos tres Græcorum charites iure dixerim longè potiori, quàm Anacreontem, Philetam, & Callimachum, quos olim hoc maximè nomine apud suos fama celebravit. De singulis quale iudicium fieri debeat, exponam breuiter, postquam verbum fecero de Salomone, quem pastoralium scriptorum, qui extent, statuo antiquissimum. Is enim in eo pastoralis opere, quod inscripsit *canticum canticorum*, omnem vim, gratiam, indolem, & argumenta bucolici carminis complexus est : nullæ apud eum personæ, nisi pastorales, nullæ similitudines, nulla propemodum exempla, nisi petita è rebus rusticis; nihil tam tenerum, quàm eius comprehensio verborum; nihil tam molle, ac delicatum, quàm totius orationis contextus. Ita enim fluens est, ut nunquam adhærescat. Ita

*SALOMON  
primus scripsit  
pastoralia.*

pura, simplex, & elegans eius dictio, ut ad amœnitatem nihil desideret. Tametsi soluta planè videatur, & ab illigatione numerorum sit omnino libera: tamen quòd feratur paulò incitatiùs, & frequentissimis utatur verborum luminibus, quodammodo poëtici spiritus aliquid præ se ferre videtur: Et quemadmodum dictus Ezechiel à Clemente Alexandrino, libro primo Stromat. ὁ ἄνθρωπος τοῦ ποιητῆς παραχρῆμα ποιητής: ita Salomonem contendo pastorem poëtam appellari meritò posse. Cum præsertim numerorum obseruet quandam quasi quantitatem, quâ, vel certè non absimili asseruit se in poëtam Pindarus, qui cum per audaces dithyrambos verba libraret, ut ignuit Horatius, poëta videbatur: quamvis eius esset oratio ab omni numerorum lege libera. Sic Platonis locutio licèt à versu discrepet, tamen quòd quandam habeat splendorem verborum, vehemensque sit, & incitata, visa est nonnullis, indolis poëticae habere nescio quid.

Primum autem inter Græcos hoc carminis genere scripsisse Stesichorum tradit Ælianus, libro decimo variæ historiæ: de quo, cum eius scripta non extent, difficile est ferre iudicium. Porro quòd primus omnium Daphnidis amores, ad Himeram Siciliae fluuium cecinerit, Himeræus est appellatus. Sic enim de illo Ælianus,

*Iudicium de  
Græcis.*

STESICHORVS.

Lib. 10. c. 18.

Στεφισχορὸν τὸν Ἰμέραϊον τῆς πιαύτης μελοποιίας ἀπαρ-  
 ξασθαι, *Stesichorum Himeræum talis compositionis*  
*inuentorem*, cū sermo esset de carmine bu-  
 colico, cuius primum argumentum fuit de  
 Daphnidis amoribus, siue de rebus ad Hime-  
 ram gestis, siue ὕμνος, ἐφ' Ἰμέραϊ, *hymnus ad fluvium*  
*Himeram*. Vnde Theocritus cū esset mentio  
 de Daphnidis interitu:

Idyll. 7.

δρῦες αὐτὸν ἐθρίωνέω,

Ἰμέρα αἴτε φίλοντι παρ' ὄρεσσι ποταμοῖο.

Et in Tyrside siue idyllio 1. cū caprarius Tyr-  
 sidem rogaret carmen bucolicum, carmen ad  
 Himeram celebratum vocat.

Τὸν ἐφ' Ἰμέρα ὕμνον αἰέσης.

Quale porro fuerit hoc carmen, cū perierit,  
 planè incertum: hoc certum, illud in bucolico-  
 rum genere esse antiquissimum: ex quo factum,  
 ut ceteri deinde poëtæ bucolici Daphnidem il-  
 lum suis deinceps pro se quique carminibus,  
 celebrarint, Theocritus imprimis, tum Virgi-  
 lius, imitati Stesichorum; de quo magnum apud  
 reliquos scriptores silentium; quæ causa fuit,  
 cur in omni deinceps consequenti ætate, aliquā  
 apud eruditos obscuritate laborarit: quod ta-  
 men est accipiendum de iis, quæ pertinent ad  
 bucolica: nam Dionysius Halicarnassæus libro  
 criticorum facit de illo mentionem, eiusque,  
 τῆς κατὰ τὴν Ἀσκάπιδος μεγαλοπρεπείας: quem Fa-

bius vocat, *maxima bella, & clarissimos canentem duces, & epici carminis onera lyra sustinentem.* Lib. 10. c. 1.

Quapropter apud Græcos bucolicorum princeps omnium consensu, licet ætate posterior, fuit Theocritus Syracusius, qui floruit Olympiade cxxiv. sub Hierone iuniore Syracusarum tyranno, & Ptolomæo Philadelpho Ægypti rege: quemadmodum disputat in lectionibus Theocriticis contra Munatum Casaubonus: scriptoris enim illius gratias ac veneres nemo satis intelligit, nisi ipse sit intelligentissimus, adeò delicate, & molliter venustus est, orisque ita blandi: qui sibi non bene esse, nisi cum Gratiis continenter sit, in suo Hierone profitetur;

*ἀλλ' ἡδέιστον ἀμ' εἶναι.*

Quod mirum in modum est consecutus: erat enim in eo quædam quasi infinita vis dicendi blanditias, & amœnitates; & ut habet Longinus Rhetor de Hyperide, *ἀφ' αὐτοῦ αἰὲν αὐτὸν εἰς ἀπείρους, innumera apud illum urbanitates, & gratie.* Nihil enim scribebat, quod omnem gratiarum amœnitatem, suavitatemque non spiraret. De quo potest meritò dici, quod ab Imperatore Iuliano, in Antiocheni dictum de Anacreonte: obtinuerat à fatis posse dicere delicias: *τρυφὰς ἔλκεν ἐκ μαρῶν.* Quod Theocrito sic erat familiare, ut in eodem loco gratias, dicere suas non dubitet, *ἡμετέρας χάριτας*, quod interpres Græ-



cus vertit, τὰ οἰκεία ποιήματα, quasi Gratias haberet domesticas, adiutrices, & famulas, sine quarum ope nihil hominibus amabile esse posse existimabat,

τὸ γὰρ χεῖναι ἀγαπᾶν

Idyll. 16.

Αἰ. θεοῖσις ἀποδίδω.

Ex qua iugi & perpetua cum Gratiis consuetudine factum opinor, ut peruenerit ad summum musæ bucolicæ apicem, ut declarat illi caprarius, idyl. primo,

Καὶ τοῖς βουκολικαῖς ὅτι τὸ πλέον ἔχει μῦθους.

Nam bucolicæ musæ ingenium ex Gratiarum amœnitate, illoque sale omni, à quo Venus nata est; coaluisse videtur. Dignior camobrem à cuius scriptis manus abstinuissent Laurentius Gambara, vir non peracutus, Eobanus Hessus, ceterique alij simplicitatis & elegantiae, quæ est in Theocrito violatores, non malitiosi illi quidem, sed odiosi tamen: à quibus, admirabilis poëta noster dignus videbatur, qui pacem impetraret. Est enim in eo lepos quidam, & venustas, quam assequi Latinitas, omnesque Romanæ Gratiæ minimè possint: si tamen in ea parte dignus est aliqua fide Gellius, qui libro nono cap. nono noctium Atticarum fatetur se expertum, sic enim ille: *Nuperrimè apud mensam cum legerentur utraque simul bucolica Theocriti, & Virgilij, animaduertimus reliquisse Virgilium, quod Græ-*

cum quidem mirè quàm suave est, verti autem neque debuit, neque potuit. Certè Theocritus mihi videtur in eo superasse Virgilium, quòd Doricæ linguæ opportunitate usus, quâ caruit iste, ad pastorum ingenium scripsit multò magis accommodatè. Nam vt monet Demetrius Phaleræus, *πλεῖστα λεγόμενα πάντα οἱ Δωρεῖς*, diducto latòque ore loquuntur omnia Dores: illud enim a quod usurpare solent, vt vocalius longè, sonantiùsque est, vastioris pronounciationis grauitate, sonitùsque vocis agrestiori, nescio quid exprimit ad rusticitatis simplicitatem sic idoneum: vt nihil, quod ingenio pastorali magis conueniat, excogitari possit. Quod locum dedit Longino Rhetori, cur Theocritum *ὡς τῆς βοσκοδικαῖς ἐπιτυχέστατος*, in bucolicis felicissimum appellaret. Nam quamuis vasta, grauiùsque sit pronounciatio linguæ Doricæ, vt declarat Hermogenes cum facit mentionem de Theocriti caractere, *ὁ Θεόκριτος ἀρσενικοῖς ὡς πικρὴν δυνειζούσας γυναιξί, ἀλλ' ὁ πλατυὶς πλεονωῖ*, τὰ αὖ τὰ πλεῖστα λεγόμενα. Theocritus graue nescio quid imposuit Doribus feminis, vocis productione, cum vocalem a ut plurimum in sermonem adhibeant, vt exprobrat ille idyllio 15. mulieribus Syracusiis *πλατυλόγους ἀπαντα*. Tamen Dorica dialectus quandam efficit ipsâ verborum collo- catione constructionem carminis, conforma- tionemque adeò venustam, modos sonitùsque

Lib. 1. cap. 6. de  
ideis.

verborum tam lenes, & delicatos, totum orationis contextum tam admirabilem: vt toti veteri Latio desperandum sit, priusquam suauitatem hanc, simplicitatēque assequi queat. Nec audiendus hic meo iudicio, qui secus existimat vetus interpres Theocriticus, siue Theon ille sit, siue quisquam alius, cū hæc habet, οἱ γὰρ δωρεῖς πλατυμοῦσι δ' ἀπλεονάζοντες, ἐκκραισιῶν δὲ, ἀντὶ τῆς ἀφ' ἀλγέρον. Nam stridor is, quem tribuit Doribus, maximè suavis est, & perargutus, non verò, vt contendit, odiosus, vt est stridor turturum, & grauis. Neque enim Corinthi, quæ vrbs erat Græciæ plenissima urbanitatis, vsurpatus esset sermo Doricus, neque in omni Peloponneso, si grauis fuisset & odiosus. Eamobrem dictus Fabio, *Admirabilis in suo genere Theocritus*, nudam enim habet in pastoritia simplicitate amœnitatem, delectationēque, qua nihil dici potest amabilius. Redundat tamen in eo character dicendi plusculum familiaris, & crebrâ prouerborum frequentia imbutus; quod fecit, opinor, cut Fabius Musam Theocriti licèt venustissimam, non solum forum, sed etiam ipsam urbem reformidare diceret: neque id abhorret ab opinione Longini Rhetoris, qui nescio cuius peregrinitatis interdum notat Theocritum, πλεὺς ὀλίγων τῶν ἐξωθεν, nisi pauca externa, quæ affert. maximè in iis exprimendis quæ sumpsit è vulgo: credo, quod eius dictio

Lib. 10. cap. 1.

Lib. 10. cap. 1.

dictio rus saperet. Nam toto genere differunt πολικὸν εἶδος ἔβουκολικόν: quod non ita tamen est accipiendum, ut Theocritus à foro planè remouendus sit: nihil enim habent dicendi artifices, quod cum Gratiis ad Hieronem, aliisque sermonibus panegyricis comparari possit: ita sunt pleni bonæ mentis. At, si credimus Artemidoro veteri grammatico, multa circumferuntur nomine Theocriti, quæ sunt aliorum: unde extitit vetus illud epigramma, cuius meminit Salmasius in Solinum tom. 2.

Βουκολικὰ μῦθαι ἀπεφάδεις ποικίλ', νῦν δ' ἅμα πᾶσαι  
Ἐπὶ μιᾷ μαῖδρας, ἐπὶ μιᾷ ἀγέλας.

*Bucolica Musæ sparsæ olim, nunc simul omnes in unum locum et quasi gregem coactæ.* Quo ostendit factam omnium in Theocrito carminum bucolicorum complexionem. Quod an ita sit, necne, viderint critici, Salmasius, & Heinsius sic existimant: haberemus idoneos super ea re auctores, quos consuleremus, Amarantum, Ameriam, Nicanorem, Munatum, Neoptolemum, & plerisque alios, qui scripserunt in Theocritum satis nobiles, de quibus Eustathius: nisi eorum commentaria periissent.

At quo loco Theocritus apud suauiorum Musarum studiosos habendus sit: nullus, ut existimo, magis declarauit vnquam, ac Virgilius, qui cum per sese sit admirabilis in eo carmine,

atque eximius, tamen Theocriti Musam semel & iterum, non sine aliqua religione, implorauerit: in Pollione primum, vbi sublime aliquid, & paulisper excelsum meditabatur.

*Sicelides Musæ paulo maiora canamus.*

Et iterum in decima ecloga, siue Gallo,

*Extremum hunc Arethusa mihi concede laborem.*

Quo poëtæ veneratio magis etiam significatur, qui Nympham inuocauerit, quæ Siciliam habitaret, quòd cum Theocriti Musa quidquam potuisset habere consuetudinis: quasi per eam speraret eius animos sibi debere inspirari. Quo nihil esse potest ad illius commendationem magis memorabile: de quo vt addam ipse etiam quod sentio, sic existimo, nullum vnquam fuisse non modò poëtam: sed cuiusvis ordinis scriptorem ad delicias, blanditiásque dicendas, magis natum: quod videre non poterunt, nisi qui in eo diu multumque versati fuerint; vt operis tam venusti sensum aliquem, gustumque, in eo tractando identidem, & ex interuallis regustando percipiant.

MOSCHVS.

Moschum veteres à Theocrito primum statuunt, licèt ætate aliquantò superiorem, quòd is illo paulo quidem laxior, remissiórque sit: sed minùs etiam agrestis, neque tam retinens antiquæ illius βυκολίας, quâ notatur Theocritus: apud quem pleraque sunt priscae simplicitatis plenif.

suma. Iste præ se fert nescio quid maioris elegantiae, politionisque urbanitatis. Quid enim epitaphio Bionis, aut Amore fugituo pictius, suaviusque fingi potest? Pleraque sunt ex eius carminibus pastoritiis, quæ periisse testatur Giraldus, in dialogo de poetis. Quibusdam visus est non alter à Theocrito, parum conuenienter, satis enim declarat vtriusque character, quid inter vtrumque sit discriminis.

Tertius Bion Smyrnæus, cuius se proficitur <sup>BION.</sup> discipulum Moschus, & ab eo carmen bucolicum accepisse, in epitaphio quod scripsit in eius honorem,

Ἀλλοις μὲν πρὸς ὅλβον, ἐμοὶ δὲ διπλοῦς αἰσδῆμι.  
ad cuius commendationem nihil dici potest, quod à Moscho prætermisum sit: quem locum adeat, qui Bionis elegantiam omnem suauitatemque nosse voluerit. At nemini credo paulo humaniori scriptor tam delicatus tamque suavis, ignotus esse potest: omnem enim gratiarum elegantiam, omnem venustatem, omnesque sermonis delicias congeffit in Adonidis epitaphium: vt omittam dicere de cæteris, quæ sunt amœnitatis tam exquisitæ: vt nihil dici possit, quod ad id genus pertineat, magis eximium. In quo tamen cum Moscho non caret reprehensione, quod nimis cultus, elegansque sit: in hoc enim carmine, quod affectat simplicitatem, vi-

De Oratore lib. 1.

tium est semper videri velle bellum, & elegantem. Et in eo assentior Iulio Cæsari omnis elegantiae magistro, qui in disputatione de iocis apud Tullium solebat dicere, se non amare nimis diligentes: est enim *quædam* apud Fabium, *diligentia perversitas*, cuius nimis cupidè amantes, tanto odiosiores fieri solent, quanto magis concinni, & elegantes esse volunt.

Hi tres sunt apud Græcos in bucolicis poëtæ magis nobiles, quos nosse rei pastoritiae intererat vel maximè. Nam in eorum labris, ut de Pericle veteres perhibent comici, leporem, venustatem, gratiasque omnes habitasse meritò dicere possum.

Lib. de nat. deor.

Meminit cuiusdam Euphorionis Chalcidensis poëtæ pastoralis Tullius; cuius carmina Græca Cornelius Gallus donavit Latinitate, ut ipse de se profitetur apud Virgilium hoc loco,

*Ibo, & Chalcidico, quæ sunt mihi condita, versu  
Carmina pastoris Siculi modulabor aenâ.*

De quo, quemadmodum de poëta Himeræo, Daphnide, & Comatâ, qui carminis bucolici perhibentur auctores omnium vetustissimi, videant ij, qui pollent facultate diuinandi. Nunc agendum de Latinis.

Iudicium de Latinis.

VIRGILIUS.

Principes ij sunt in carmine pastorali apud Græcos, apud Latinos verò regnat vnus, tenetque principatum sine socio Virgilius; cuius ve-

stigia adorat omnis, quæ bonæ mentis est, antiquitas: quo viro existimo nihil fieri posse diuinius. Vt enim ingenij, sic iudicij, & pudoris erat castigatissimi; adeoque honestate, & verecundia longè superauit Theocritum. Hunc enim in rebus amatoriis, nihil eorum quæ celeri debeant, dissimulantem videas, illum verò modestum semper, & quasi verecundantem: in cæteris crebrâ, ac pæne iugi Theocriti imitatione, in eius vestigia incurrit quamsepiissime: à quo superatum Theocritum non tam fidenter ausim affirmare, quàm Iulius Scaliger, quem in iudicando ut plurimum nimis præcipientem meritò censent eruditi. De utroque iudicabat multo magis prudenter is, qui neutri palmam concedere posse existimabat, quin de alterutro malè mereretur: in quo scilicet erat religiosior, quàm res ferre videbatur: existimabat tamen simplicitatem Theocriti longè esse rusticiorem, quàm Virgilij, illumque tribuere pleraque pastoribus suis, quæ Romanos pastores decere minimè potuissent. Sic enim ille:

*Neque Theocritus gloriam ex suis bucolicis carminibus reportasset, iis quas inducit personis Virgilianos sermones tribuendo. Neque Virgilius ex suis, si illis quos inducit, sermones Theocriteos tribuisset: neuter enim decorum seruasset.* Credo quòd Latini sermonis grauitas pati non possit eam familiaritatem, quæ

H. Steph. in præleg. ad Theocr.



est in Theocrito , saluâ maiestate. At vt ipse dicam de vtroque quid sentiendum putem , sic statuo , in Theocrito elegantiam , amœnitatemque ingenij fuisse fortasse maiorem ; iudicij vim , atque perspicientiam meliorem in Virgilio : illum verborum audaciâ , & numerorum quâdam quasi percussione exultantem videas vtplurimum ; hunc verò in omnibus semper religiosè , & prudenter timidum. Cùm tamen personæ , quas induxerunt ambo , tempora quibus floruerunt , patriusque sermo , quo vsi sunt , nihil habeant inter se , quod commune sit , non video quomodo comparati inter se possint ; est enim vterque suo in genere incomparabilis : potestque dici de vtroque , quod de Daphnide , & Damœtâ dictum à Theocrito idyllio sexto.

*Νίχη μὰν οὐδ' ἄλλος, ἀνὰ παῖσι δ' ἑὶ φθον.*

*Vicit neuter : namque ambo erant inuicti.* De Virgilio qui Theocritum magistrum suum est assecutus , hunc locum existimabat accipiendum Pontanus ,

*Nec calamis solum equiparas , sed voce magistrum.*

In quo , meo quidem iudicio præclare iudicat. Primus autem scripsit bucolica apud Latinos Virgilius , vt liquet ex hoc loco :

*Prima Syracosio dignata est ludere versu*

*Nostra Thalia.*

Et eo successu , vt in scena quoque per canto-

res pronunciarentur. *Et populus*, si credimus auctori de causis corruptæ eloquentiæ, siue Fabius ille sit, siue Tacitus, *auditis in theatro versibus Virgilij, surrexit uniuersus, & forte præsentem spectantemque Virgilium veneratus est sic quasi Augustum.* Porro quàm delicatum fuerit eruditissimi, politicissimi que temporis Augusti iudicium, ex eo liquet, quòd sales facetissimos Plauti, qui primum cum admiratione excepti fuerant, satis patienter tolerare vix poterat. Sanè quidem dignissimus erat diuinus ille vir, qui apud homines suos popularem haberet admirationem; quidquid enim erat in toto genere amœnitatis, & deliciarum, quod sermonis patrij grauitas recipere poterat, illud sic aspersit in omne suum opus bucolicum: vt illam solis concessam Atticis venustatem, atque elegantiam, omnésque videres, & gratias Romam transfulisse videretur: proindeque à Tullio, vt aiunt, dictus sit *magna spes altera Roma.*

Horat. de arte  
poëtice.

Vt in admirabili illo viro commendando modum aliquem teneam, ne infinitus sim, de illo sic statuendum existimo: vt cùm summum illius ingenium admiratus fueris, nisi iudicium etiam magis admireris, non rectè de eo iudicasse videaris. Quæ porro Virgilius imitatus sit à Theocrito, quàm diligentiam, quàm felici, fusè habes apud Hen. Stephanum, & Fuluium Ursinum: vterque enim id executus est per diligentem.

NEMESIANUS.

Omnem deinde à Virgilio consequentem ætatem valde inopem humanitatis, & poëticæ illius amœnitatis rudem, quique eo carmine floruerint præter Calphurnium & Nemesianum, extitisse neminem, nemo non rudis est, qui nesciat. Ambo pro temporum conditione tolerabiles illi quidem, sed cum beata illa Augusti ætate nullo modo comparandi: neuter enim Virgilij succum expressit. Quod de Nemefiano imprimis satis apparet, qui tametsi puri sermonis amans videri velit, vix tamen satis liber est à crepundiis, nugisque puerilibus. Gentis suæ superavit quidem indolem vir Afer: sed ingenuitatis cum maximè studiosus videri vult, semper aliquid præ se fert transmarinæ peregrinitatis.

CALPHURNIUS.

Non maiori laude dignus est Calphurnius quantumvis Siculus; in eo sanè recognoscas formam quidem amœnitatis, & ingenij aliquam, sed rudem, atque imperfectam: suos habuit tamen laudatores, apud quos molli satis, & nudâ scribendi dulcedine commendabilis habetur, sed nihil ad ingenuitatem simplicitatēque planè mirificam Virgilij. Deterioris porro illius ætatis consecuta sunt tempora bene multa, quibus carmine pastoralis, vel scriptum est nihil, vel planè interiit, quod scriptum est.

Eo tamen carmine, qui postremis temporibus

bus floruerunt, apud Italos, quorum ingenium semper habuit plurimum amœnitatis, extitere Petrarcha, Bocacius, Ioan. Pontanus, Baptista Mantuanus, Sannazarius, Vida, Tassus, Guarinus, Marinus, ceterique non pauci, quorum mentio bene longa habetur apud Nannium.

Petrarcha & Bocacius, quorum sine magno *Iudicium de Ital.*  
honore nemo meminisse potest, aliis carminibus longè se magis commendauere, quàm pastoralibus. Pontanus indolis ad hoc carmen attulit plurimùm, diligentia parum. Manifestum enim est, non ingenium & naturam ei defuisse, sed curam. Mantuanus verò meo iudicio videtur non tolerabilis: proindeque dignus cuius *MANTUANVS.*  
frigidissima ieiunitas agitetur: in quo, cum bello suo & admirabili iudicio rideri meritò debet Beroaldus, qui compareret eum cum Virgilio: in eo enim est suprà quàm dici potest perridiculus. Nam qui bucolica scripserit vnquam somniculosè magis, & oscitanter, vidi neminem. Nihil enim est, ne quid dicam grauius, tam sine omni non modò succo & sanguine, sed etiam colore & specie characteris bucolici: dignum opus, quod politis omnibus æternùm valere iubeatur. Nam quis satis patienter ferat tantam insulsiatatem in eo carmine, quod per se se languens est, ni sit venustissimum? Nihil

enim tam sine animo, quàm Mantuani eclogæ. Nihil dico de prauitate dictionis, quæ nisi pura sit hoc in carmine, ferri non poterit.

HIER. VIDA.

Hieronymus Vida in suo Daphnide, & Corydone, suæque Nice perdiligens est, & emendatus, & nimium semper inquirens in sese, cuiusque carmen nimiam Latinitatis religione quodammodo attenuatum. Latinum videlicet dici se volebat: hinc illa exilitas, quam deditâ operâ sectabatur, quod non quiuisset turba, sed is tantum, qui sit intelligens æstimator, perspicere possit. Est quoque eius oratio interdum fili paulo vberioris, quàm ferat ecloga.

SANNAZARIUS.

Hos omnes ingenuitate, simplicitatēque dictionis, & bucolici affectus amœnitate superauit vir ingenij perelegantis, & blandissimam scribendi dulcedine commendatissimi Sannazarius: quamquam erit postea disputandum, an inter bucolicos scriptores recenseri debeat, est enim difficultas non mediocris.

MARINUS.

Ioannes Baptista Marinus, propter amœnitatem ingenij, quæ erat in eo planè mira, venustatēque, à Duce Sabaudia militiæ suæ insignibus donatus, amores pastorum, piscatorumque cantilenas scripsit elegantissimo carmine: quibusdam tamen è popularibus suis dignus visus est alicuius reprehensionis, quòd pastores induceret nimis politos & elegantes, contrà

quàm ferebat rustica indoles : de quo quid sentiendum, iam declaratum superiùs.

Quid dicam de Guarini fistula? quæ admiratione sui totum fere orbem latè peruasit, quæque suauitate, lepore, deliciis, omnibùsque ad

GUARINI

permulcendos animos illecebris, quarumuis tubarum famam adæquauit. Ea Pastoris Fidi celebritas fuit apud omnes elegantiorum litterarum studiosos, còsque passim omnes, qui suauiter ingeniosi videri volunt : apud quos iustissimam

ingenij politissimi commendationem maxima cum laude meritus est. Idem dici debet de Amynta Torquati Tassi, & Bonarelli Phyllide,

TORQUATUS TASSUS.

quibus nihil esse potest elegantius. Peccant tamen in eo Itali fere omnes, quòd quæ afferunt, quamuis ut plurimum coniecta bellè sint, & acutè, largàmque habeant & felicem copiam sermonis, atque rerum : tamen ad personarum indolem, & ad id, quod in vnaquaque re maxime decens est, in iis præsertim quæ ad pastores pertinent, non satis se accommodant.

At probantur multitudini? magna certè laus, si grauissimum esset & commendabile multitudinis iudicium. Eò accedit, quòd nimis fuscè & abundanter dicant quæ dicenda sibi proponunt, quòd Italus sermo per se se bene locuples sit, & copiosus, eamque proferat ex se verborum vim & abundantiam, in qua

modum tenere difficile sit. Quod tamen vitium est in poëta præsertim pastorali non mediocre. Vt enim Antonius apud Tullium, copiosum oratorem opponit prudenti: sic ego poëtam, tum passim omnem, tum præsertim eum, qui pastoritio carmini det operam. Nihil enim est, meâ quidem sententiâ, in quo prudentiam suam commendare magis poëta possit, quàm si sit in dicendo quammaximè parcus. Cæteras autem huius, & superioris ætatis delicias, vt finem aliquem facere possim, præteribo. Non possum tamen quin addam vnum verbum de Bucanano, Scæuola Sammarthano, Grotio, & Daniele Heinsio, à quibus singulis singulæ scriptæ sunt eclogæ, sanè admirabiles, nihil enim dici potest Damocrâ Sammarthani, Myrtilo Grotij, Bucanani Amaryllide, & Heinsij Tyrside in cogere magis exquisitum.

RONsARDVS.

Ronsardus apud nostros id etiam generis carmen tractauit, satis feliciter, quantum pertinet ad pastoritiam simplicitatem exprimendam. erat enim in eo mirificus. Et quamuis primarios, principésque viros inducat pastoralium personarum obscuritate adumbratos: rusticationis, passionisque moribus sic oblinet eorum affectus omnes, vt nihil vsipiam sit, quod magis pastorale esse videatur. Lentus est tamen interdum, siue ob infantiam linguæ Gallicæ, quæ

nondum huius oris erat, ut id ætatis bucolici carminis breuitatem exprimeret; siue ob longiores contextus orationis, qui pro carminum similiter desinentium necessitate, longis perplexi sunt ut plurimum circuitionibus, quod carminis bucolici pressa vis pati minimè potest. De reliquis, qui scriptis carmine patrio eclogis sæculum nostrum ornauerint, quod nimis multi sint, filebo. Nam non vacat omnes persequi velle. Certè nondum extitit apud nos, qui eo genere carminis deterreat alios à scribendo, & excellentiâ suâ tardet studia cæterorum. Plerique enim è nostris, qui scribunt eclogas, languentes sunt, & frigidi. Inter cæteras tamen, quæ patrio sermone scriptæ sunt, famam obtinuit vna apud omnes politioris iudicij viros incredibili suauitate carminis, & tenerimorum affectuum lenitate sanè quidem commemorabilis. Quo auctore? ipsi sentiunt per sese satis non indiferti. Certè non committam, ut aut faciam quemquam inter cæteros præcipuum; aut vllum reprehendam. Nam ineptiarum earum, quibus interdum obnoxij sunt litterati, quæ sunt innumerabiles, ea est, meo iudicio, non postrema eorum, qui mordent se inuicem, & inutilibus rixis, tanquam gladiatoriiis disputationibus compingunt se mutuò: ut nescio quid inanis gloriolæ aucupentur, cum



aliquos se præstare volunt reprehensione cæ-  
terorum,

Phædri lib. 4.  
fab. 6.

*Et ut putentur sapere, calum vituperant.*





## PARS QUARTA.

## EXPLICANTVR RELIQVÆ

*difficultates quæ ad carmen pastorale  
pertinent.*



E tota carminis pastoritij disciplina, quæ venerant in mentem, dixi pro eo ac potui, satis intelligenter: nunc, ne quid sit, quod ad perfectam totius huius disputationis tractationem meritò desiderari queat, sequitur, vt reliqua, quæ in hoc negotio difficultatem habent, breuiter expediam.

Primum est, quæ vera, iustaque sit carminis huius appellatio: nam varium multiplèxque bucolicorum apud antiquos fuisse nomen, comperitum est inter eruditos. Carmen pastorale primum, quod de Daphnidis amoribus cani cœptum est, teste Æliano dictum ὕμνος ἐφ' Ἱμερᾷ, Lib 10. c. 18. quòd ad Himeram Siciliae fluuium vsurpatum sit: vt patet ex idyllio Theocriti 7. cuius argumentum est, *res ad Himeram gesta*. Ex quo factum vt omnia deinceps bucolica τὰ εἰς Δάφνιν ποιήματα veteres appellarint: vt docet Imperator Iulianus,

in Antiochenſi , vbi poëtam eum , qui ſcripſit  
 Aitem , ſive Theocritus is fuerit , ſive quiuiſ  
 alius, τῶν Εἰργασμένων εἰς Δάφνιν ποιήματα, ἕνα vocat:  
 quod Heinfius cap. 4. de Theocriticis lectioni-  
 bus, τῶν βυκολικῶν interpretatur. Vnde exorſus  
 ſua bucolica Theocritus , à Daphnide, in idyl-  
 lio Tyrfidis , Virgilius verò ſua concludit, per  
 eiufdem Daphnidis imitationem , cuius affe-  
 ctiones Gallo ſuo dedit.

Ex Valerio Probo dictum hoc carmen aſtra-  
 bicum ab ἀστέρι sella lignaria , vt explicat  
 Heſychius, in quam imponebatur, qui carmen  
 hoc cantabat. Quod fuſè deſcribitur apud Gi-  
 raldum. Deinde dictum βυκολικὸν à bubulco,  
 quippe qui paſtores inter præcipuus ſit. Et gloſ-  
 ſarum quæ ad Apollonium extant auctores,  
 Theocriti cùm citant opera, non εἰδύλλια, ſed τὰ  
 βυκολικὰ nuncupant. In quo conſpirat Hermo-  
 genes , ſic enim ille de Theocriti carminibus,  
 καὶ πάλιν τὰ Θεοκρίτου ἐν τοῖς βυκολικοῖς. Diſteria au-  
 tem quæ iactabant inter ſe paſtores , ſi aberant  
 ab inclementia, & amaritie, βυκολίας dicebantur  
 ab hoc ſcribendi genere , vt auctor eſt, Heſy-  
 chius, cuius perfectæ βυκολίας exemplum habe-  
 mus in idyllio 5. Theocriti, & ecloga 3. Virgilij.  
 Extat autem verus Artemidori grammatici epi-  
 gramma, cuius eſt hæc inſcriptio , Ἀρτεμίδωρος  
 γραμματικὸς ἐπὶ τῇ ἀθροίᾳ τῶν βυκολικῶν ποιημάτων,  
 quod

quod perspicuum est ex Theocriti ipsius sententia, qui idyllio primo βωχλικάς αοιδάς appellat eantus illos pastorales. Vnde exitit. celebris ea hoc carmine ἐπαδὴ,

Ἀρχετὶ βωχλικάς μῦσαι φίλαι, ἀρχετ' αοιδάς.  
quæ certi cuiusdam προάσματις, & ἐπιμνηστικῆς vice, ex intervallis solebat iterari.

Quæ faciunt ut assentiar Heinſio, cùm cap. primo lectionum Theocriticarum, affirmat vulgarem inscriptionem, Θεοκρίτου Συρακιστῆς εἰδύλλια, liberiorum, aut posteriorum hominum esse, non poëta ipsius: sed decem carminâ quæ pastoritâ scripsit, βωχλικά: cætera quorum argumentum varium est, εἰδύλλια dici debere; ut sunt, χαίτης, Συρακιστῆς. Sic enim solebant Græci inscribere opera sua, cùm res varias tractabant: ut factum à Pindaro, qui sua, εἶδη nuncupavit: quod eius poemata sint quædam quasi rerum imagines: sic quoties varium quid erat, ac multiplex, quod à materia vna inscribi minimè poterat, appellare solebant. Vim vocis perceperat Virgilius, qui cùm, in opere pastorali describendo, Theocritum exprimere studeret, vulgarem eius inscriptionem non secutus sit, non enim εἰδύλλια, ut factum à Sannazario, & plerisque alijs, sed eclogas, opus suum inscripsit.

Quæ fuit alia carminis huius appellatio, præsertim à Latinis vsurpata, & petita, credo, pri-

num ab philosophis Eclecticis, de quibus est mentio apud Suidam, quorum dux fuit Polemo, quique Polemonis exemplo, ex philosophis meliora seligebant, illi ἐκλογαὶ ποιῆσαι dicebantur quales sunt Sopatri sophistæ de varia doctrina sermones apud Photium. Athenodorus eclogas appellat excerpta quædam è fabulis memoriæ causa, cuiusmodi sunt apud Polybium bene multa. Sunt qui velint eclogam significare narrationem, quod res nudè, & simpliciter exponat: unde eclogas scripsit Ausonius de cruciatu Cupidinis, de vita humana, sed non pastorales. In vetustis verò codicibus Bibliothecæ Vaticanæ satyrarum libros & sermonum apud Horatium eclogas inscriptos esse testatur Achilles Statius Lusitanus.

Qui autem eclogam deriuant ἀπὸ τῆς ἀγρῆς, quod de capellis agat, nugatores sunt; minimèque audiendi. Quod erat breviter exponendum de vocis illius significatione. Nunc autem, cum idyllium, & eclogam promiscuè videam usurpari à doctis (nam Donatus eclogas Virgilij vocat idyllia, Casaubonus verò idyllium Theocriti tertium, siue Comastem in Theocriticis lectionibus appellat eclogam) habet id etiam quidpiam difficultatis; facit tamen exemplum Virgilij, ut carmen pastorale meliùs à Latinis eclogam quàm idyllium dici debere putem: non enim

qui tam religiose Theocritum imitari, & in omnibus exprimere pro se conabatur, eum in hac parte deseruisset, si commodè fieri id posse iudicauisset. Eò accedit quòd cùm ecloga magis propriè collocutionem significet, vt manifestum ex Tullio, qui collocutores in disputatione de gloriâ apud Atticum suum vocat eclogarios: multò magis conuenienter tribuitur carmini bucolico, quod præcipuè est ἀμωγαῖον. Amat enim imprimis carmen illud, vt à nobis declaratum est, vices sermonis, quales postulat mos dialogorum.

Altera difficultas est, sanè non mediocris: an vnum quid ecloga, simplèxque sit? Nam nihil peræque commendatur ab Horatio quouis in opere, ac vnitas: quod videtur à Virgilio in eclogis neglectum. Ecloga enim octaua, ex Seruio duas habet partes, altera est Damonis miserè amantis, desperatiquè, quòd sibi præferatur Mopsus; in altera verò carmen magicum paratur. At res non patietur difficultatem, si poëtæ institutum per se attendatur, quod semper est vnum, & actionis vnus imitatio, contentio inter duos pastores. Sic in Palæmone; tametsi pro se quisque duorum inter se contendentium pastorum varia obtendat, Melibœus Amyntam ignem suum laudet, suam Galatæam Damon, is amores dulces, ille amaros experia-

*An vnum quid  
simplèxque sit  
ecloga?*

A a ij

tur : vna tamen est actio , contentio de excellentia , cuius arbiter est Palæmon : pastoritium enim carmen non potest esse planè iustum , nisi ad vnitatis normam exigatur. Sic etiam in Tityro , licèt alia videatur esse actio Melibœi suam vicem deplorantis , alia Tityri canentis Amaryllidem : tamen illud omne , quid vnum planè est , exulis videlicet Melibœi querimonia , de agris amissis , apud amicum , & otio abundantem Tityrum. Nam , vt docet Sincerus apud Minturnum , *singulis eclogis vnum quiddam est exprimendum*. Non placet tamen quod venit in mentem Nannio , totum opus bucolicum vnum esse debere , & quandam quasi rusticam comœdiam in eclogas , tanquam totidem scenas pastorales diuidi. Quod cùm factum à Virgilio persuadere vult , & principem locum tribuit Sileno , Gallo postremum , parum sanus est meo iudicio. Quis enim sibi persuadeat , quæ omni bucolico opere , quod tam varium est , & multiplex , complexus sit vel Theocritus , vel Virgilius , aliquâ serie , rationeque necesse inter se debere , & certâ unitate comprehendi ? Quod qui contendat , videbitur dignus , qui pro suis magnis meritis rideatur valde liberaliter : vt & is , qui docet apud Minturnum numerum decem eclogarum superare non debere opus bucolicum : quod varietas actionum pastoralium ultra numerum

hunc proferri minimè possit, nugæ. Quis enim hoc sibi persuadeat, actionum omnium, quæ in pastorem conditionem cadere possunt, numerum iis angustius definiri? Cum vel sermonis apud eos quotidiani materia tam varia sit ac multiplex.

Quæri potest hoc loco, an principium, & finem habeat ecloga ex natura sua definitum, nam monet Aristoteles in fabula bene constituta, neque ducere initium, neque finem facere pro arbitrio poetæ licitum: quod sic est accipiendum; ut in maioribus fabulis, quales epicæ, sunt, & tragicæ, locum id habere debeat. Nam, ut vel pro re nata, vel pro arbitrio, initium finemque dicendi faciat pastor, ita poeta pastoritius: quod in iis tantum fabulis observari debet, in quibus constructio ipsa, & moles requirit aliquam ordinis constitutionem: ut videtur consilio.

Cap. 8. poetica

Tertia difficultas est, quæ debeat esse eclogæ magnitudo; quod video agitari id temporis apud homines nostros. Certè nihil est hætenus, quod sciam, super ea definitum: apud Theocritum ut plurimum numero versuum continetur longè maiori, quàm apud Virgilium: quamquam numerus is, qui summus est in Theocrito, ferme non superet centum & sexaginta versus, quod est intelligendum de idylliis pastoralibus.

Qua sit eclogæ magnitudo?



cum in quibusdam aliis, ut in Hercule *λεωνφόρος*, sit bene multo maior. Cum nihil habeam ex antiquis, quod rectè pronunciem de magnitudine huius carminis, assentior Iasoni Denori doctori Patavino, qui sic definit eclogæ magnitudinem in sua poetica. *Est brevis sermocinatio inter pastores unus horum, vel aliquid paulo amplius*: qualem fert colloquij, quod ruri habetur inter pastores, ratio: quod consentit satis cum eclogarum Virgilij, & idylliorum pastoralium Theocriti magnitudine. Ea enim est ingenij pastoralis indoles, & conditio, ut abhorreat ab illa bene longa perpetuitate sermonis, orationisque magnitudine, cuius soli duntaxat intelligentes, & eruditi patientes esse possunt. Quod facit quoque, cur instituentus inter pastores sermo non conveniet eorum indoli, nisi valde bene varius sit; quemadmodum fert ingeniorum eorum ratio, qui rudes sunt, & imperiti; ut enim sermonem e re nata solent instituere, non modò nihil afferunt meditatum, sed illud ipsum, quod dicunt, ad obuia quæque sinunt distrahi: unde oriuntur tam variae, ad res quaslibet obiectas, sermonis conversiones, quæ quò crebrius in eclogis frequentiusque adhibebuntur, magis retinebitur decorum illud indolis pastoritiae, quod quaerimus: nam videndum semper quid carminis istius natura postulet, quid patiatur.

Longè grauioris est negotij quarta difficultas. An actio pastoralis carminis epici argumentum esse possit: cuius tamen difficultatis facilis erit explicatus, si consulatur Aristoteles, apud quem epopœia est imitatio actionum illustrium, μέγανος ἀνδραγῶνος: & apud Horatium materia carminis epici, sunt

*Res gesta regumque, dicumque, & tristia bella.*  
Quapropter, ut ea est carminis heroïci maiestas,  
excelsaſque, quæ ad ingenium paſtorale de-  
mittere ſe non poſſit; ſic ea ſimplicitas,  
ſimpliciſque paſtoralis, quæ ad epopœiæ excellitatem,  
non poſſit animos erigere. At ſi paſtor per ſeſe  
illuſtris ſit, ut Moſes, ſi magnum quid molia-  
tur, ſi populum ingentem liberet à ſervitute, ut  
factum ab eo memoria proditum eſt: nonne  
poterit inſtitui de eo carmen heroïcum? Sine  
dubio poterit, modo deponat perſonam pa-  
ſtoris, & à ſummo numine delegatus ad Pha-  
raonem, ducis & imperatoris dignitatem, ma-  
ieſtatẽque induat. At erat paſtor? ex quo factus  
eſt heros, paſtor eſſe deſiit; rectẽ autẽ an-  
ſecũs dicatur idyllium heroïcum; carmen de  
Moſe, viderint eruditi.

Quid si Leonem, vel vrsū in defendendo grege decerpit David, an factū tam audaci dabit materiam carmini epico? Non existimo, ut enim facinus audax, & grande sit, non est illu-

An alio pasto-  
ralis carminis e-  
pici argumentum  
esse possit?

Cap. 5. de poët.

1. The first step is to identify the problem or question that needs to be answered. This involves understanding the context and the specific requirements of the task.

stet, quod factum in solitudine: & quamvis luctaticum bellua dignum sit heroë, non dignum tamen, quod heroibus ad imitationem proponatur. Nihil enim inde peti potest ad morum informationem, & disciplinam, quæ traditur ab epopœia.

At si pastoris actio describatur heroico carmine, cum omni episodiorum instrumento, & euentis rerum insperatarum, ut factum à Marius, in Adonide; quid erit futurum? Quod factum videmus, carmen planè nouum, cui nihil simile sit apud antiquos, certe epopœia ex Aristotelis, & Horatii disciplinâ esse minime poterit. Quod tamen non ad rem nostram pertinere videbatur: erat id tamen definiendum à nobis, ut ad difficultatem, quæ consequens est, quædam quasi via muniretur.

*An actio pastoralis, tragœdia, vel comœdia esse possit?*

Quinta itaque difficultas est, an actio pastoralis tragico, vel comico carmine descripta, tragœdia, vel comœdia futura sit? Quæ controuersia tantâ contentione animorum, ac pathe, diuana æstu, & inflammatione in Italia, superbiore agitata fuit, ut necdum super ea res disputari desitum sit. Rem ut definiam, non hîc seriem rationum vtriusque partis bene longam proferam, cum ex superioris controuersie explicatione, istius non sit difficilis responsio; ut enim se habet ad narrationem actio, ita se habet ad

ad repræsentationem : cùm ex Aristotele summa fit inter vtramque proportio : vnde fit vt ex Iliade aut Odyssæa tragœdiam fieri posse doceat. Vt autem actio tractata epico apparatu, epopœia esse non potest : sic non erit vel tragœdia, vel comœdia, tractata *δραματικῶς*, & per repræsentationem. Par enim est in vtroque ratio. Quem nodum soluant vtinam, si qui sunt, vt certè sunt bene multi, Amyntæ, Pastoris Fidi, & Phyllidis amatores : nihil enim est quod malim, quàm vt genus istud carminis, quod omnium apud Italos, amœnitatis & deliciarum est plenissimum, ab obrectatorum reprehensionibus vindicetur. Certè si vindicari non possit aliter, quàm vt neque tragœdia, neque comœdia sit : sed nouâ donetur appellatione, quæ non habeat exemplum apud antiquos, nouumque poëticæ genus constituat, vt dictum de idyllio pastorali, non magnopere repugnabo. Sit ludus, fabulæque pastoralis, vel ecloga maior, vt appellatur à Benio in poëticam Aristotelis : modò non tragicomœdia sit, cuius vocis nullus apud antiquos vsus, nulla vis vnquam fuit. Nam Plautus apud quem extat in prologo Amphitruonis, non videtur vocum Græcarum auctor idoneus.

Quamquam pastores, & rustici de republica non tam bene meriti sunt, vt eorum vtilitas, cum oblectatione à magistratu procu-

rari debeat. Ludi enim exhibentur ab iis, qui rempublicam administrant, ut populus bonis moribus informetur. Quæ causa erat cur populus tam magnis immunitatibus apud Athenienses ad theatrum, tanquam ad certam emendationem vitæ, publicamque morum institutionem, inuitaretur. Pertinet enim ad κατὰρτικὸν καὶ ἐλαγκτικὸν philosophiam poëtica. Sed mentem non tam nudè hæc declaro meam: postquam tam multæ in tota passim Italia, super ea re, contentiones exarserint; resque defensa sit à viris in omni disciplinarum genere, tam excellentibus. De ludis tamen illis, fabulisque pastoralibus, quæ ad scenam interdum exhiberi solent, mihi videor affirmare posse, eas ad oblectationem vulgi valere posse: atque in omni bene constituta republica, ut cæteras id genus animi relaxationes locum habere debere. Est enim ut laboris, ita & otij quædam disciplina: ut præclare admodum, & sapienter docet Aristoteles, quam ipsa per sese quodammodo quærit natura, non solum ut in negotio, sed etiam otio rectè honesteque versetur: quod eo loco fusiùs persequitur: *ὅτι τὸ φύσιν αὐτῶν ζητεῖν, μὴ μόνον ἀσχολεῖν ὀρθῶς, ἀλλὰ καὶ χορεύειν δύνασθαι καλῶς.* Quod ad felicitatem publicam pertinere existimabat in sua Republica Plato. Illud autem poëtica genus ad solam animi oblectationem pertinebit. Nam poë-

Lib. 8. de rep. c. 3.

ticæ genus duplex esse statuo, perfectum alterum, quod ad κατὰ φύσιν philosophiam: hoc est ad purgationem morum pertineat; & utilitatem habeat coniunctam, cum oblectatione, de qua Horatius ad Pisones:

*Et prodesse volunt, & delectare poetæ.*

Alterum verò imperfectum, quod solam oblectationem spectet: ut sunt odæ, silvæ, epigrammata, elegi, qui Romæ medio in foro cantabantur ad populum, ut testatur de suis Ovidius eleg. 8. primi de Ponto:

*Et dedimus medio scripta canenda foro.*

sic omnes cantiones illæ, quibus vel multitudo tenetur in triuiis; vel pueris infantibus conciliatur somnus à nutricibus; vel aniculæ, operarij, & mancipia permulcentur. Primum quod pertinet ad mores traditum est ab Aristotele & Horatio: nam de epopœia, tragœdia, comœdia, fusè ab utroque præceptum est. Alterum ut minùs necessarium, quod vni voluptati, vel aurium vel oculorum seruiat, planè prætermissum. Satyram enim, de qua præcipit Horatius, comœdiæ speciem facit Isidorus, quod sumpsit à Græcis, apud quos κωμῳδία & σατυρική, pro eodem sumi interdum videmus. Et quamvis intemperantem in notando libertatem, asperrimòsque sales adhibeat, ut risum captet: tamen præter risum quærit morum.

*Cur Aristoteles  
& Horatius non  
traktant de ce-  
teris poetica par-  
tibus.*

emendationem, & virtutem docet: vt facit comœdia, nonnunquam reprehendendo. Quæ partitio poëtices in perfectam, & imperfectam, ex accuratilla, in Aristotelis & Horatij poëticam, obseruatione petita, valere poterit ad nobilem eam, de ludis pastoralibus, controuersiam aliquo modo componendam. Licet enim non pertineat id genus carminis ad poëticam perfectam, quæ magistra est morum: tamen in republica, ad otium populi & principum virorum oblectandum retineri poterit. Sic enim satisfactum sibi putabunt, qui tollendum hoc carmen, ob imperfectionem, quique ob amœnitatem retineri volunt.

Pleræque sunt autem, quæ ruri celebrantur cantiones, de quibus nunc quærendum: an ad carmen pastorale referri, aut quoquomodo pertinere queant. Quæ postrema difficultas est.

Messoribus imprimis suos esse cantus, quibus se oblectent, ac mulceant acerbitem laboris, restatur Athenæus lib. 14. Iulius Pollux lib. 4. & Theocritus in *θερίσταις* idyllio 10. Vbi inter meritendum, Battum hortatur Milo, vt nimij laboris tædium leniat cantilenâ.

*μέλος ἀμβάλου, ἄδων ὕμνος*

*ἐργαζῶν.*

*Carmen incipe, suauius ita opus perficies.* Tum post Batti cantum, *λυπέραν* orditur Milo, quæ perlebris erat in honorem Cereris cantilena.

Θάσση δὴ καὶ ταῦτα τὰ τῷ θεῷ Λυτίερσᾳ.

Vide & hac quæ sunt diuini Lytierfæ. Sic dictum carmen illud à Midæ filio Lytierfæ, qui Celænas habitabat: Eum, cū agrorum cultui præter modum studeret, viatores ad epulas inuitare solitum, vt sibi in facienda messè operam darent, & nimio labore defessum interiisse; pluribus habetur apud Iulium Scaligerum. Est autem apud Theocritum idyllio x. suauissimi Lytierfæ illius percelebre exemplum, plenissimique variarum identidem adhortationum, quibus messorum alacritas excitabatur: & vt erat in honorem Cereris, ab eius inuocatione initium habet:

Lib. i. poetice 34

Δάματερ πολύκαρπε, πολύσυχ' ἄπο τῷ λαῷ  
δ' ἔργον.

Ceres frugifera, spicifera fac, vt seges procedat. Habentur & apud Casaubonum in lectionibus Theocriticis, versus Sosibij, quos Sositheo tribuit Athenæus, quibus omnis historia Lytierfæ describitur. Sed vt redeam ad institutum, assentior Heinsio, qui idyllium Theocriti, in quo de Lytierfæ agitur, nec βακχικόν, nec αἶπο-  
λικόν, sed θεοιστικόν esse declarat. Quod satis in-  
nuit Seruius: cū idyllium illud à numero pa-  
storalium reiicit. Quod etiam per sese satis li-  
quet, si ad carminis pastoralis definitionem  
attendatur: est enim imitatio actionis pastora-



lis, extra quam carmen illud versari minimè potest.

Idem opinor statuendum de *πενταδία*, quæ cantilena celebrabatur à vindemiatoribus. Ii enim postquam laboris tristitiam fregerat vini largioris hilaritas, siue musti fumo perciti, siue Bacchi numine incitati canere solebant. Mentionem illius cantilenæ facit Aristophanes in *Acharnensibus*: cuius sic est initium:

Φαλῆς ἐταῖρε Βακχέϊς, &c.

*Phales* (siue *Priape*) comes *Bacchi*. Et *Athenæus* libro secundo. At non erat pastoralis, sicut neque carmen epilenium de botris contritis: neque illud de quo *Phrynici* in comicis, quod vulgò *πληγικόν* appellabatur, ὅπῃ τῷ πινυμῦ. Erat & quædam cantionis species peculiaris seruorum mercede conductorum, cùm ad opus commearent: de qua *Teledeides* in *Amphictyonibus*, & *Aristophanes* in feminis sacra bonæ dæ facientibus, quæ ad carmen pastorale pertinere non potest. Ita neque cantus is, de quo *Nicochares* in *Hercule* apud *Athenæum*, vbi de his longa mentio. Idem existimo censendum de cantilena illa, quam usurpare solebant in tripudiis Græci, quæ αἰθρία dicebatur: cuius erat initium. Πῦ μοι τὰ ῥόδα; πῦ μοι τὰ ἴα; πῦ μοι τὰ καλὰ σίλινα; Quod habeat plurimum venustatis, & αἰδολεχίας illius simplicissimæ, quæ propria erat bu-

colici carminis : ad cuius formam , & imitationem Theocritus idyllium secundum exorsus est :

Γὰ μοι ταὶ δάφναι; φέρε ἥκυλι παῖ δὲ τὰ φίλτατα;

Est autem mentio cantilenæ illius apud Athenæum.

Lib. 14.

De venatoribus verò, piscatoribusque, res habet plus difficultatis : tametsi nemo sit, qui nesciat cantus ab utriusque instituto esse vel maximè alienos : cum feræ piscésque , quibus in venatione & piscatu parantur insidiæ , strepitu absterreantur. Sed facit negotium præstantissimorum inter Italos poëtarum Sannazarij , & Rotæ, & apud Batauos Grotij, auctoritas : quorum extant piscatoriæ eclogæ sanè incomparabiles. At existimo rem criticorum iudicio definiendam, qui existimant piscatoriæ rei tractationem ad carmen bucolicum nihil pertinere. Nam Theocritus fecit idyllium piscatorium, quod Seruius in vita Virgilij , Heinsius in lectionibus Theocriticis , Salmasius in notis ad Syringem reiiciunt à numero idylliorum bucolicorum : & Heinsius ibidem ἀλιθυπικόν atque θειαικόν distinguit à bucolicó. Quod consentit cum definitione nostra , quæ carmen pastorale intra fines actionis pastoritiæ contineri vult : in quo duntaxat vno deficiunt eclogæ piscatoriæ Sannazarij , quæ ad characterem carminis bu-

colici planè accommodatæ sunt; sed etiam speciem carminis constituunt à pastorali distinctam quidem, ab huius tamen carminis ingenio non valde abhorrentem.

De venatoribus autem, quorum vita propemodum omnis inquieta est, idem existimo. Nam manifestum est cum cantu non bene consentire venationem; adeoque venatores non tam commodè in eclogas induci posse: quamquam idyllia de venatoribus institui posse non nego, quæ vel siluæ, vel descriptiones, vel nouo, si ita placet, alio nomine vocari possint. Vnde Clearchus libro primo amatoriorum, cantionem quandam nomiam dici tradit ab Eriphanide, quæ fundendorum carminum non imperita, cum venatorem Menalcam amaret supra modum, feris per siluas agitandis se exercebat, & vaga per vastas solitudines, atque amore perditâ, carmen cantabat nomium, cuius versiculus is habetur apud Athenæum libro 14.

μακρὰὶ δρυὲς ὦ Μένειλα.

At neque illud, quantumvis ruri & in solitudine cani solitum, pastoritium est: neque puto à venatore, nisi venatione intermissa, commodè vsurpari posse.

De καταβαρκήσῃ, quæ cantilena erat propria nutricum lactantium; de ἐπιφάλλῃ; iocis fesceninis,

nis, Borinio, cæterisque ab Athenæo, & Athen. lib. 14.  
 Iulio Polluce memoratis. De *ἰούλας*, quem Poll. lib. 4. cap. 14.  
 Didymus ait hymnum esse in laudem Cereris  
 ab agricolis & messoribus cani solitum, cæteris-  
 que cantionibus ruri celebratis, idem esto iu-  
 dicio.

Non deerunt, opinor, præsertim è curio-  
 sulorum gente, in quibus est aliquid litterula-  
 rum, qui negligant has litteraturæ reconditio-  
 ris opes, quas Argolicis, Mycenensibus, & om-  
 ni veteri Atticæ publi relinquendas existimabunt:  
 homines planè lauti, mundique; sed ab omni  
 bonarum artium disciplina nudī, atque inopes:  
 adeoque digni, quibus cum profana atque im-  
 perita multitudo, aquâ Castaliâ, & igni poë-  
 tico, omnique amœniorum Musarum consue-  
 tudine omnino interdictum sit.

Ne autem quæstiones in re, quæ per sese non  
 ita grauis est, persequar infinitas: cætera quæ  
 planiora sunt, in pauciora conferam. Post agi-  
 tatam de ludo pastorali controuersiam: con-  
 sequens est ut quæretur, an carmen pastorale  
 repræsentaretur in scena aliquo apparatu, an-  
 tantum recitaretur? De Græcis, credo; non  
 est difficultas: nam Theocriti, Bionis, aut Mo-  
 schi bucolica data fuisse vnquam in theatrum  
 Athenis, à nullo auctore, quod sciam, prodi-  
 tum est. Quamquam Græci bonarum littera-

rum studio dediti scenicam artem magis colebant, quàm Romani, qui rei familiari constituendæ, & forensi ambitioni plus seruiebant. Certè eclogas Virgilij recitatas è theatro apud Romanos tradit, qui scripsit illius vitam, & à Seruio proditum accepimus, eclogam sextam, quæ Silenus inscribitur, à Cytheride celebri illa & famosa Volumnij liberta, quæ Lycoris dicitur à Virgilio eclogâ decimâ, in theatro decantatam: cæterasque passim eclogas per cantores, & pueros symphoniacos in scena pronuntiari solitas; non verò ministerio personarum repræsentatas: quamquam & ipsi quoque ludorum elegantiam, & magnificentiam spectaculorum delectarentur. Vnde etiam colligi potest, quod suprà fuit à me declaratum, quàm parum scenæ, quæ mores vrbanos, & popularis vitæ disciplinam exprimit, carmen pastorale conueniret: cum ab illa reiectum sit apud eas gentes, quæ in omni genere deliciarum fastidij erant tam delicati. Versus autem pastores ad fistulam cani solitos manifestum est ex Virgilij Tityro.

— Et ipsum

*Ludere quæ vellem, calamo permisit agresti.*

& ex aliis passim locis. Vt enim heroici, Homericæ præsertim carminis erat ea maiestas, ex Alexandri Magni sententia, vt ad tubam cani de-

beret: sic ea suauitas est versus pastoritij, vt non nisi ad graciles calamos, & tenuem fistulam cani rectè possit. Vnde fistula vulgò dici solet inuentum Panis, qui Deus erat pastorum: hinc illud Virgilij:

*Pan primus calamos cerâ coniungere plures*

*Instituit.*

Et Paniscus in nuptiis Psyche cantabat ad fistulam, vt ad cytharam Apollo: quemadmodum testatur Apuleius libro sexto Metamorph. Quod confirmat Tryphon lib. 2. nomenclaturarum, qui bucolicum carmen recenset inter cantiones tibiis & fistulis fieri solitas. Et ex notis auctoris, ad Syringem Theocriti, perspicuum satis est fistulam carmini pastorali canendo per sese esse comparatam. Quod Plato vir πολιτικός declarat satis, cùm libro tertio reipublicæ, in ea quam animo descripserat πολιτία, postquam lyram & citharam assignauit vrbi-  
bus, fistulam carmini bucolico canendo idoneam tribuit agris & pastoribus, κατ' ἀρχαίῃς τοιμεῦσι σύειγξ; vt etiam patet ex Theocriti Thyrside, & epigrammate ad Daphnim:

Δάφνις ὁ λυσιόχρεος, ὁ καλᾷ σύειγξι μελίσδων.

Βucολικαὶ ὕμνοι.

Interdum autem saltatum, choreasque ductas ad numerum, & cantionem bucolici carminis, auctor est Hesychius, qui duas constituit huius

Cc ij


carminis species. sic enim ille, Βυκολιασμός με-  
 λοποιίης πῶς εἶδος καὶ ὀρχήσις. ἀμφοτέρω δὲ ἀγροικαί,  
 καὶ Θεοκρίτου γέγραπται. *Duplex est carminis bucolici*  
*species, altera in ipso carmine, altera verò in tripudio*  
*sive saltatione posita: utraque rustica, ἔσ' agrestis, ἔσ'*  
*utriusque exemplum habetur ex Theocrito.* Nam ad  
 posteriorem speciem referendum ait Comum  
 siue Amaryllidem. Κῶμος εἶδος ὀρχήσις. sic idyl-  
 lij secundi magna pars ita mimos Sophronis  
 spirat omnes: ut cum χηματισμῶ, & scenico  
 totius corporis motu, gestuque, pronunciari  
 debere videatur. Ex quo, aliisque passim locis  
 Theocritus δειμαπικώσις censendus: quod  
 imitari vel noluit, vel non potuit Virgilius,  
 apud quem nullum extat speciei illius bucolicæ,  
 quam Hesychius vocat ὀρχήσιν, exemplum. At  
 venit in mentem vereri, ne plura in hanc par-  
 tem verba fecerim, quàm res fortasse postula-  
 bat: sed nihil istorum omnium quæ ad rem no-  
 stram pertinebant, erat prætermittendum.

Perfpicuum est autem ex dictis, carmen bu-  
 colicum iis tantùm conuenire posse, qui vitam  
 ruri degunt otiosam, non aratoribus, qui ver-  
 sandæ exercendæque telluri continenter af-  
 fixi sunt, cæterisque, quorum vita licèt ruri  
 degatur, tamen vel nimis turbulenta, ut ve-  
 natorum, vel nimis dura, & tristis: nam ni-  
 quieta mitisque sit pastorum vita, ut erat pri-

scis temporibus: cùm nec ambitionis, nec constituendæ rei domesticæ studio distrahebantur animi, non idonea videbitur, quæ pacatissimo pastoritij carminis otio indulgeat.

Quod otium temporibus his, quibus omnia perditæ sunt flagitiis, & bello inflammata, qui faciat, nobis implorandus Deus, per quem tristissimæ nostræ ætati beatissima aureorum temporum innocentia restituatur. Ut, quemadmodum prisca gens mortalium, capti amœnitate, atque commoditate ruris, se in agros conferant, qui ab honoris & ambitionis inquietissimo studio separari, liberarique vulerint. Quæ felicitas si temporibus nostris contingat aliquando: reuiuiscet simplicitas & innocentia, florebunt bonæ artes, pacisque, fidei, ac pietatis studium, gloriâ vigeat apud nos sempiternâ.

FINIS.



Cc iij





• S V M M A   P R I V I L E G I I   •

Regis Christianissimi.

**C**AUTVM est auctoritate Regis, ne quis in regno eius, aliusve locis eius ditioni subiectis, librum qui sic inscribitur: RENATI RAPINI Societatis IESV Eclogæ, cum Dissertatione de Carmine pastoralis, quouis charactere, aut forma excudere, aut alibi excusum vendere, aliòve quolibet modo distrabere possis intra decem annos, computandos à die absolute primæ editionis, præter Sebastianum Cramoisy, Regis & Regine Architypographum, Regia Typographia Gubernatorem, necnon Urbis Exconsulem. Qui secus fecerit, multa est indicta, prout fusius in diplomate regio continetur. Datum Lugduni die 10. Decembris 1658. Sic signatum, De mandato Regis, NOBLET.

Hæc prima editio absoluta fuit die 18. Ianuarij 1659.

\*\*\*\*\*  
FACULTAS R. P. PROVINCIALIS  
Societatis IESV.

**E**GO IACOBVS RENAULT Provincialis Societatis IESV in Provincia Francia, potestate ad id mihi facta ab admodum R. P. N. Præposito Generali GOSWINO NICKEL, facultatem concedo, ut P. RENATI RAPIN Societatis nostræ Sacerdotis Eclogæ, cum Dissertatione de Carmine pastoralis, eruditiorum ex eadem Societate nostra virorum iudicio probata, typis mandentur. Parisiis 2. Ianuarij anno 1659.  
IACOBVS RENAULT.

218

---

ERRATA.

**I**N ECLOGIS pag. 31. lege *sua ferta* versu 8. Pag. 55. lege *Et  
qua* v. 13. Pag. 59. lege *Thyrsis*, & in aliis locis ubi omissa aspi-  
ratio. Pag. 59. lege *saxa* v. 20.

**I**N DISSERTATIONE pag. 106. lege *Atreidarum* v. 6. P. 140.  
lege *Libethrides* v. 2. Pag. 147. lege *ac omnia* v. 27. Pag. 164. lege  
*Halicarnassens* v. 27. Pag. 163. lege *Ezechielus* vt distinguatur à Pro-  
pheta, v. 7. Pag. 166. lege *π δ* v. 5. Pag. 167. *Phalerens* v. 6. Pag.  
176. lege *floruerit* v. 4. Pag. 185. lege *αἰδῶς* v. 2. Pag. 185. lege *fa-  
ctum à plerisque*, dele à *Sannazario*, v. 27. Pag. 193. lege *actio pa-  
storalis* v. 4. quod omisium ni restituatur, contextus is orationis erit  
obscurus. Pag. 196. lege *Μετῶν* v. 21.

File No. 100  
di M. S. 1111  
Palina - (B. P. 1004)  
1970

